

UTL AT DOWNSVIEW



D RANGE BAY SHLF POS ITEM C  
39 14 01 06 11 018 1

**PLEASE DO NOT REMOVE  
CARDS OR SLIPS FROM THIS POCKET**

---

**UNIVERSITY OF TORONTO LIBRARY**

---









۴۴

Geçmiş günler

روشن اشرف

کچھ گزشتہ روز

کتابخانہ سید


۱۹۱۹

AC


141

U 45

1919



تاریخ مدن یا پراقلر



Digitized by the Internet Archive  
in 2009 with funding from  
University of Toronto

<http://www.archive.org/details/gemignler00na>



## لاله دورنده سعدآباد آقشاملری

ابراهیم یاشا وندیم [۱]

سعدآباد، بازار : ۱۳ : مارت : ۱۳۳۲

بورایه هر کلیشده کندی کندیمه صورارم : عجبا عصر لک سنه لری  
کوره کوره بللری بو کولش بو آغاچلر، هر بهارده او ظریف ماضی بی  
تکرار بولق ایچونمی باقراقلا نیرلر، اونک ایچونمی شوچامورلی صولره اسی  
کولیکه لری صالارلر و هبات، هر صوک بهارده او کونلرک داهای اوزاقلاشان  
خاطره لری بیله یاشا تامادقلری ایچونمی صولارلر، شو مرمرلری  
سوکولش، طاشلری قوپمش ریختیملره دو کولورلر ؟

صانیرم، خرابه سی قارشینده طور دیغمز سعدآباددن و اوراده  
کچمش دوردن بحث ایتمک ایسته دیکمی آکلادیکیز !  
اوت لاله دوری ! اولاری ظفرلر، صوکرلری بوزغونلرله دولو  
تاریخمزک رقیق، باغین، رنگلی، وقوقولی لاله دوری !

---

[۱] خصوصی امتحانلردن صوکره کی نزهلردن برنده سعدآباد قصری  
قارشینده دارالمعلمین افندیلرینه یایلامش بر مصاحبه :

يساروفجه معاهده سندن صوكره يورغون پادشاه ، دولتك آغيز  
ايشلرني ذوقك خفيف بوغوسي آلتنده اويوتقم ايسته ردى !  
طاوول وطوپ سسندن اوصامش شاهانه قولاقلىرى ، شعرلرك ،  
سازلرك ، بلورى سسلرك ، چاغلایان صولرك آهنگنى آراردى .  
كوزلى بوغوشان قاووقلير ، سپاهيلر دكل ، شفاف كردانلر ، آهو  
باقيلر ، صيرمه لر وايبكلر ، الماسلر وزمردلر اوزله ردى .

احمد نالك هم خزينه سنده چوق پاره ، هم شهرنده چوق اكلنجه  
ايسته ين آلاجه لى آرزوسنى بركىشى يرينه كتير مشدر : ابراهيم پاشا .  
سرايده بر حلواجى چوجوغى اولان بو نوشهرلى وزير اعظم ،  
شوكتليسنگ روحنى نه كوزل آكلامشدى ! غريدن وشالان  
زهرا ييجى برر روزكار سرتلكيله اسن آوستريا وروس قوتلىرى ،  
يالكز ويدن ونش دليكلرى طيقا تديريلارق دور دوروله بيلدى .  
وبوتون نظرلر مملكتك ايچنه چه وريلدى . نازنين پايتخته بر صفا عالمى  
قورولدى . مناسز بوغازك يشيل قيبلى نادیده برر مرجان ، برر  
صدف كى بياضى ، قبر مزىلى ياليلره ، قصرلره سوسله ندى .

لاله زارلر ، سنبلكلر ، كلستانلر استانبولى رنكلره وقوقولره  
بورودى ! شيمدى او وقتى استانبول كوزمك اوكنه كليور : تپه لرده  
صيق شيق ، آغير ويوكسك طاش بنالر يوق ، باصيق وصومور تغان  
تخته اولر يوق . ليمانك ايچنده نه راحت قاجيران بردودوك ياغره سى ،  
نه لكه ياپان برسياه دومان پارچه سى ! مناره لى وقبه لى ، باغچه لى وسرايلى  
پايتخت بررؤيا بلده سى قادار شعله دار ، برخيال قادار نارين وسس سز .

یوتون بوکوزلشکری دویا دویا طامق ایچون بر احمد ثالث، برابر ایهیم  
پاشا اولمالیدی !

مثلا ایلیق بر بهار کونی بیکده کی « هایون آباد » دن ، ساهت  
قایغنه بینرک قورولرک ، ساحلسرایلرک وقصرلرک اوکندن چکمک ،  
داغلرک مرزنکوشلرینی ، آقاسیلرینی ، چارداقلرک صالحیملرینی قوقلایه  
قوقلایه ، قوشلرک بیتمه ز جیویلتیلرینی ایشیده ایشیده پارلاق صورلده  
آقق ! وبوجاذبه نک فسونی آلتنده لیمانه کیرمک ! یارب اونه شعر !  
نفق سرویلر آره سنهن فیشقیران کوموشی قهلی سرایک باصاماق باصاماق  
لاله زاری ، سرای بورنده یکی بر سه میرامیس باغچه سی ، اونک  
شوعی ، اونک عطرلری !... قارشیده طوبخانه ده « امن آباد » ک لطیف  
سنبیل کوبه کلری ، بودور شمشر سایه لری ، یکپاره چام کولکه لری !  
ایشته استانبول مدخلی ! ایشته کوکلر آلتنده برأشی داها یوق ،  
براق ، سحرکار خلیفه شهری ! ایشته چیچکلرک ، قوشلرک محاصره سنه .  
اوغرامش ، ذوقه مغلوب خلیفه شهری !

\*  
\* \*

پادشاه ، صدر اعظم ، شاعر واهالی بوذوق عماننک سرخوستلق  
ویرن جوشقون دالغهلری اوستنده هر کون بر باشقه ساحله چاربارق  
اون اوچ سنه یوزدیلمر . اون اوچ قیش حلواصحتی ایتدیلمر ، اون اوچ  
بهار لاله ذوقی ایتدیلمر ، اون اوچ بهار چراغان صفاسی سوردیلر !  
اویله صانیورم که ندیم واقندیلمر اک صبر سزقله بهاری کوزله ردی .  
و بهارده اک کزیده بولدقلری یر سعد آباددی !... سعدآباد سلطان دکلر  
فقط وزیر صیق کیدردی



آه سەد آبادك آقشاملرى ! تېخىلى بىلە انسانە ك شەلەدار آتلىرى  
ياشاتان او آقشاملر !

خەيف قىرىشقىلرلە ماوى خەلجە اينى بوصولردە قايتلىر، كۈكدن  
صوبە وورەش برر ھلال كۈلگەسى كېي آغىر آغىر قايار، اطلاس  
خەتلى، ياقوت خەنچىرلى، زەمرد يۈزكلى وزير اعظمى وشىدا نەيمى  
بەكەردى. كېم بىلىر اوتوز ستونلى بياض قەصر ك يابوان نېچرەلرەندە،  
اۋىمەلى شەنشىنلەردەن بويۇك وزيرى قارشىلامقايچون بوصولرە قوجاق  
قوجاق لالەلر صاحىلەرمىدى ! وكېم بىلىر اولالەلر نارىن كۈرەكلەردە  
سەزان شەنمىلر آلتىدە اوچ چىقتە پىادەك اطرافتە برر ھالە تۈرەرمىدى ؟  
فقط بىلىۋورزكە شو سەدلر برر لالەلەلەردى : « ابراھىمىلەك » ،  
« تاج قەصرلەك » ، « شەھ بانولەك » ، « سىم انداملەك » ، « دوشىزەلەك »  
آياق اوچىدە خەيف قوقولى متواضع مەكشەلەر، قەيدەلى شەبۈيلەر بويون  
يۈكەردى. سەدر جەھان « جەدول سىمەك » مەرمە باصاماقلىرىندە سەرايە سەرىن،  
رايخەلى، فسقىيەلى باغچە سەنە چىقار كەن ايسەكلەرە بورۇنمەش لوند قاۋوقايلەر  
يەرلە قاپانار ق تشرىفە تەھش طوناردى. پارلايان وياقمايان بەھار كۈنشى دە  
بوسلەتتى باغچەك اوستىدە سەماوى بىرتاج كېي سەتلىجە قالەردى .  
طاغلەردە كى قوقولرى طوپلايلاق ، چىچەكلرى دالغاندىرارق ،  
قورۇلردە كى لىلاقلەك، سالقىم سۈگۈدلەك تازە ياپراقلىرىندە سوزولەك  
سەرايە قوشان خەيف مەلەم ... ياماجدەن ياماجە عەكس ايدەن نەكتەلى  
ۋەرنەكلە بىلىل دەملەرى .. چاغلەيانك مەرمە بايرلەردە كۈپۈكلەرە دو كۈ-  
ۋەشى ... تەمەش كەشلىك بىرساز فەلى ... سۈكەرە بىر تەبۈرەك داملا كېي  
تەنەكلەينە قارىشان داۋودى بىرسەدە :

بر کیمسه به آجیل از ایدم دامنک اولسه م      کیم کوررایدی سینه کی پیراهنک اولسه م  
 حاتم آراین بولسه جوانم سنی بنده      بر غنچه کل اولسه کده سنک کلشنک اولسه م  
 صدقیده قدحده طویانم کورمکه باری      ای کوه شفاف سنک مخزنک اولسه م  
 مدو کونیکه ، سو کولیکه ، قوغولمه باله      هپ قئم اما که افندم سنک اولسه م  
 شمع اونزایسه م بزکمه یوسوزایله باری      درگاهکه بر مشعله روشنک اولسه م

چشمانیک اوکرنسه م اوکافرجه نکاهن

بر لحظه ندیم نیکه پرفنک اولسه م

دیین قیصقانیخ غزل ، یاخود نی فیصلتیلری آره سنده :

سینه ده اول نه محرق آرزولر واریدی      لبده سرکش آهله آتشی هولرواریدی  
 بویله نی حیات دگلدی کوردیکم صحرای عشق      آنده مخنون بیدله دیوانه جولرواریدی  
 بن بوگون برنو بهار حسن و آن سیرایله دم      طرف دستارنده سنبل کی مولرواریدی  
 سنینه برنو نیاز عاشقی پیدا ایلدک      کویکه بر بردو کولش آبرولرواریدی  
 ای ندیم ای بابل شیدا نیچون خاموش سن  
 سنده اول جوق نوالر ، گفت و گولر واریدی

دیین اینجه وشن ملاللی بیتلر !

سعد آبادک ایشته بر اکلانجه ساعقی ، ندیمک ایشته الهام منبعلری :  
 یوتون رنک ، بو ، نغمه ، نیکته اویونلری . بوشطارت قارش غنچه لر  
 بیله یشیل دوداقلرنده کی خنده لری طوتامازلر ، برر قهقهه کی  
 آجیلر لر وکل اولورلردی ، دکل که او رنده او مستهزی ، او حساس  
 شاعر !

ندیم ، قوشان روزکاره : بونجه زماندر ایرانی ، تورانی  
 کز مکدمه سک ، اورالده بویله سرمدی بریر وارمی ؟ سکا شونک

ملوپراغندن بردامله ویرهیم، ختن خافانه کوتور وصور اونده بویله  
مسک بولنورمی! دییه حایقیرردی .

نیسان مهتابنک ماوی کولکه لری آلتنده، چراغلر طولاشان،  
بلبلر اوچوشان لاله باغچه لرنده شن و سمرست ندیم ، نکتته لرك ،  
سبولرك ، ساقيلرك ، خواننده لرك ، سديرنده باغداش او طوران  
وزیر اعظمك ویردیکی نشئه لر آره سنده شن و سمرست ندیم، استانبولی  
کونشله طارتيلاجق قدر آغیر بر پر لافطه کورورردی . بودلاراشهرک  
برطاشنه بوتون عجم ملکینی فدا ایدردی . استانبولک سرایلری ،  
جامعهری ، چارشولری ، حماملری اونى جوشدورردی؛ هله ذوقلرله  
دولو باغلری ، قصرلری ، کهسارلری !

وبوتون بونهایی کله زاکلنجهرلر ایچنده هعی کورمکه وقتی  
یوقدی . اونى « عدم آباده ، کوندرمشدی ، کندی » نشاط آباده ،  
کیتمک ایچون .

\*  
\* \*

پایتختدن اوزاق ، اوزاق قورو وبوش چولک آرقه سنده هرکسندن  
آیری ، هر لطفه مستغنی یاشامش بدیین فضولی ،

دوست بی پروا ، فلک بی رحم ، دوران بی سکون

درد جوق ، هم درد یوق ، دشمن قوی ، طالع زیبون

دیمش « فقیر پادشه آسا ، کدای محتشم ، فضولی نروده !

ذوقک خروشی ایچنده باغین : کل بنم قاشی هلام بزه برعید اینده

کیده لم سرو روان یوزو سعد آباده



شهنشیلر زینتی ، آغوشلر پیرایه سی .

داخی بریلدر یاندن آریله لی دایه سی

دین شن ندیم نروده ! ندیمک انکین روخنده غمک بارینه بیله جکی  
اوافق بر لیمان بیله یوقدر ! قصیده لری ، غزللری آهنگدار ، رقیق  
برر قهقهه در !

وعصرلر آراسنده بوایی بویوک شاعرك برنجیسنندن بزه ،  
چوللرده آسن روزکار کبی یانیق ، حسرتلی برآه ، ایکنجیسنندن ضربک  
سوزکون ، برازده شهوانی خنده سی قالدی .

\*  
\* \*

دینه بیلیرکه ندیم دیواتی ابراهیم پاشا ایچون یازدی ! ایچنده  
همان برقصیده یوقدرکه اوراده وزیر اعظمک ستایشی بولونماصین ؛  
ابراهیم پاشا برمجسه کیردیکی زمان کوکسه کیرمش جان کیدر ،  
اوراصی همان روحلانیویرر . ابراهیم پاشا او یله برکونشدرکه زرنکارلی  
طاوانلره آصیلمش آویزه لرك ضیاسی آنک تابشی قارشوسنده سونوک  
قالیر ! ابراهیم پاشا او یله جومرددرکه صاحبدینی آلتونلر براعمار  
تخمی کبی ملکک هرکوشه سنه ا کیلمشدر . ابراهیم پاشا او یله درین  
نظری برسیاسیدرکه برباقیشی پادشاهک کوکافی ده تسخیر ایتمشدر ،  
ایرانی ده . ابراهیم پاشا ندیمک ثابت فکری ، مزمن الهامکاریدر :  
فیش کلسه اوئی خاطرلار ، بهار اولسه اوئی خاطرلار ، رمضان  
کیرسه اوئی خاطرلار ، بیرام اولسه اوئی خاطرلار ، قصرلرده ، حماملرده ،  
باغلرده خاطرلادینی ، صیقینتی دملرنده مدد اومدینی هپ اودر .  
اوکا مربوطی ازیلدر . وابدی اولاجقدر .

لاله، کل، می، ساقی، سعدآباد، ابراهیم پاشا، احمدناث! ایشته ندیم دیوانی!  
 ندیم بوتون یکیلکلی، اینجه لکلی، بوتون اینجده و بوتون  
 ایچون یابدی. ندیم، اوصفا کونلرینک شیدا بلبل، او کونلری حالا  
 یزده بیله بوتون کوزلاکیله یاشاتان دهالی روحی! عالمنک  
 اوزونلغنه برحد چیزه مه ز، «حضر تخم عمر جاوید ا کدی نخلستانه»،  
 دیر، «حیاتی بیتیمه جک بردم شغف» صانیردی.

\*  
 \*\*

فقط هیات! هپ دونن وهپ دیکشدیرن ارض اوزرنده پایدار  
 نه وارددر؟ بر حیدود باطرونا بوتون بوسلطتی، بو حشمتی آلت اوست  
 ایتک ایچون کافی کلدی.

مملکته ذوق، ذوقله برابر یکیلدی، صنعتی صوقان ابراهیم  
 پاشانک، کاغذخانه لر، ضربخانه لر، طباعتخانه لر، سوقلر، گرمابه لر،  
 مدرسه لر، چشمه سارلر، باغلر، کاشانه لر قوردوران ابراهیم پاشانک جسدی  
 بیله قاتلارک آلرندن قورتولامادی. استانبولی چیلدیره سی به سون  
 ندیم اوراده کندینه بللی بر منزار بیله بولامادن توز اولدی.  
 خلیفه چینی دیواری، لوش، راطب بر سرای او طه سینه طیقیلدی.  
 شو رنجیم بونی سوسله یین یوز یکر می کوشک محمود اولک  
 نختی آیاغنه بر خرابه اولارق سهریلدی.

بکا اوله گلیورکه اوزماندن بری چپلاق طاعلر، باقیمسز  
 صولر، آواره قوشلر، بوراده هر بهار اوشن کونلری آگارلر.

## طوپقپو سیرانی ، حرم دائره سی

دها اشیکنده انسانی هیجان قابلا یور .

— قوشخانه قابوسی !...

دیورلر. صاغ شاقاغندن چککسه قدر دریمی قانلرله صارقیق  
سلیم نالئی شلته ده شو عرض او طه سی اوکنه چیقاردقلری قابو ...  
قولاغکزده علمدارک کور هیچ قیر یقلری چینلایور ، نظر گزده  
ولایتلی وزیرک نعشی قوجاقلاییشی جانلانیور. صوکره قابولری  
باله لایان ، کوشه لره ، بوجاقره پالالره ، یاناغانلرله قوشوشان عسکرلری ...  
او ائنده کنج بر شهزاده نک شواینجه ، کلاه تپه لی باجادن قولنک  
یاره سیله خلجان ایچنده قاجیشی .... بر برینه قوشاقلرله طوتدوروش  
مردیوندن اینه ز اینه ز نعشک یانی باشنده پادشاهلغه قاووشماسی ...  
عیفی دقیقه لرده دوردنجی مصطفی نک حالا حکمدارلنی بیراقماق  
ایچون بغداد قصرنده تهورله اصراری ... شهزاده محمودی اولدورمکه  
قوشانلرک چوری قالفه طرفندن آتیلان کللرله مردیون باشنده  
بونالوب قالمالری .... بر قاق ساعتک ایچنده عثمانلی تختنک اطرافنده  
نه خارق العاده خلجانلر ...



دیرکن رهبرکز برقبه نك آلتندەكى كوشە دە یشیل ، یایوان بر  
پارمقلق كوسته رییور : «كوسم والده سلطانك كوشه سی !» دییور .  
تاریخی قاریشیق و عنادجی بر قادین حرصی ، صنعتکارلری ده  
توکنمه ز بر فاجعه موضوعیله بسلهین اختیار والده سلطان اولدور و لدیگی  
کیجه بورایه آتیلمش . کیم بیلیر ، زلفایلردن کوچوک محمد، دولابه  
صاقلانان کوسم والده نك بوروشوق بوینی شو پرده دن قوباردینی  
ایله می صیقدی . سرایده بر افسانه اولان، حالا دولابدن چیقاجق  
دییه بکلەن وجودشوراجقده می چورودی ! صارارمش چیمله صارقان  
شو فناری هر کیجه بر قالفه بلکه حالا یاقور .... ایشته عینی قابوده ،  
برآدیم ده اوتده دردنجی محمد دورینك بر رمضان کیجه سنده کی  
خایجان وجنایت صحنه سی ....

دوز رنگری چایبرلری خاطراتان آچیق یشیل چینیلر ایصسز  
میدانه ملول بر شلک دوکیور . بوتون بو خاطرلری سزه سبکوت  
سویله یور . قورقولی ماصالار دیکلەین بر چوجوق کبی بوزولدی ککزی  
دوییور سگنر .

\*  
\* \*

اوسقی ایجه تنه لر کی اویمالره ایشله نمش مرمر بر قابودن کیردک :  
هر طرفی قبه یله ، ایجه دمیر دستکلرک طوتدینی صارقیق قورشونی  
رواقلره چه وریلی بر آولو ؟ ... دمیر چوبوقلر و مرمر ستونلر  
آرمسنده کی تجره لری قویو دنك قفسلره قابالی بر آولو ... طاشلرینك  
آرمسنده یوصونلر بیتمش ، قارارمش ، قورومش ...

رہبر دیورکھ :

— حرم طاشانی میدانی . قارشیکزده باش قادین دائرہ سی .  
اوست قاتی خزینه دار اوستلر دائرہ سی . . . شو صاغ قسملرده  
قالقلر اوطوردی .

سی ، دیشاریدن کلن مسلسل یارق خیشلتیلرینه قاریشارق  
شو بوشلقده چینلاپور . . .

دیمک که پادشاهلر بایرام کونلری آزعین آتله شوقا بودن  
بیزئر ، مالطه لک اورتہ سنہ بر یول خالیسی کبی کومولن شو جاقیلای  
ایزدن کچرلر مش . اوزمان بوسکونک اورتہ سنده اونک قلیجی  
و آتک نعللری شاقیردار مش . اوزرینہ اورکھ رک باصدیغمز شو  
جاقیلای اونعللر آشیندیر مش . اوزون قاووقلری ، رنکارنک ایپکلی  
کورکریله یرلرہ دوغر وقاپانان آق آغالرک ، حرم آغالرینک آره سندن  
پادشاه کچدکجه کیم بیلیر ، شو دوکوک قفس آرقه لرندہ نیجه والدہ  
سلطان ، نیجه قادین افندی ، نیجه سلطان ، نیجه خزینه دار و قالقلر  
اصول اصول فیصلدا شارق بو محنه لری سیر ایتدی . محمود اول شو  
پینک طاشنہ واررکن آت اوستندہ جان ویردیکی زمان کیم بیلیر  
بو قفسلردن شو میدانه نه چیغلقلر ، نه هیچ قریقلر دولدی ، نیجه قادین  
پاش آجیق بو طاشلرہ فیرلادی . . .

— شیمدی نرہ کیدیورز؟

— بوراسی والدہ دائرہ سی . . .

بری برینہ سوروندکجه دونوق دونوق شانغیردایان وانسانہ غریبلک  
سورن اسی آناختارلردن بریلہ نجبرتیلی برقابو آجیور . ایچاچہ قاپیلردن

درین، لوش بر چینی عالمی کورونیور. بوغوم بوغوم ضیاء، ته آرقده ایری  
بر شفاف بنک کی قالمش ... بندن اوزاقلاشدجه کوچولش کوزوکن  
قابیلرک مرمر پروازلری اوستنده نفیس نفیس مذهب نلشلی یازیلی ...  
کوسم والدنک اوداسی جداً غایت لوش. هر یاننده دائمی بر  
آقشام غریبلیکی وار. احمد ثالث دورینک زرنکارلی سقفلرینی  
آکدیران طاوان کوستربشلی بر حشمتله دیوارلرده کی ایتالیان چینیلرینه  
آغیر باصیور، اونلری چیرکینه شدیرییور و جلیزلاشدیریور.

کوسم سلطان بوصولرینی شو کوشده قورمشدی. طرخان  
سلطانک آدملرینی کندی آغلاری صانارق :

— کلدیکزمی ؟ دییه بو قاپودن سسله نمشدی.

— بلی، بو یروک .

جوابنه شو اشیکنده سهوینش، برآدیم اوتده اولومی بولمشدی ...  
او کیجه بوداژده چیفته موملر « دیکله ندیر یلمش ، وقبولر  
» چه ور یلمشدره. فجیع روایت اوطه دن اوطه یه بشقه لاشارق پادشاهک  
قولاغنه کیم بیلیر نصل کیتدی؟ ذاتاً بوقسوتلی یرده آنتر یقه لردن بشقه  
برشی دوشونوله بیله جکنه عقل ایرمه یور. شودیوارده کی اصالتسز  
صاقسی رسملریله، هب عینی آدملری، عینی پنجره لری کوسته رن شو  
میداندن بشقه بوراده کیلری آووناجق برشی یوق ... بو عذاب حجره سنه  
قابانان قادینلر عصبله شمکدن بشقه نه یاپاییلرلردی ! صوک حزین  
خاطره سی ده سلطان عزیزه عائد مش. خلعدن صوکره بوراده اوچ  
کون قالمش. بلکه اوطوردینی مندرده شو ایدی .

اونک کی ضیایه، سلطنته آلیشان برآدمک بوراده طویدیغی



اوزوتيني بنده بر آن ايچنده طويدم . محقق سلطان عزيز بوراده ،  
وسعتدن آينوب قفسه آتياشم برارسلان غضبي ، برارسلان خاجاني  
چكردى .



اوطه لر دكيشدكجه حس ايديليوركه اوروپا الكابتدائي ، الكقاباضعت  
تلقيلربله بوشرق سراينك ديوارلرينه ياواش ياواش طيرمانيور . اسكى  
اصيل ذوقه بر صاليانغوز چير كيندكييله ياييشيور ، آزاوته ده طاوانلر مزه ،  
قبه لر مزه قدر چيقاجق . ايشته مثلا والده سلطانلر ك يمك اوطه سنده كى  
قبه . اورايه كوتوكلرندن صالقيملر صارقان آصمه لر رسم ايدلمش .  
ديوار پنجره لرندن كان ضيالر ، اونلرى هيچ اولمازسه ، قبارتمه كى  
كوسترييور . فقط شوصوفه نك ، شو سيدرك اوستنده كى انسانمز ،  
پلانسمز و مسافه سز سراي ، مسيره وقاييق رسملرى نه اوله جق .... بونلر ك  
يائنده صدف قاقمه لى آرابه سك قاپولر نه يوكسك ، نه مناسمز بر تضاد  
تشكيل ايديليور ! ...

ياواش ياواش والده سلطانك ياتاق اوطه سنه كييليور ، ايشته  
اوراده غايت آغير چينيلره قاووشوليور : صاقسيلر ك ايچندن آچيق  
يشيل چيچكلر بياض زمينلره عادتا برر فسقيه ناريندكييله يوكسه لوب  
دامله دامله سرپيلمكده .... بونلره چينيدن زياده غايت ناديده عجم  
شالارى دينه بيلير .... فقط والده سلطان جدا ايشيقسز وهواسز بر  
اوطه ده اويورمش . ذاتا ضياء بورايه آنجق حمام قبه لرنده كى تپه جاملرى  
كه درت بش دليكدن برر چيز كى اوزاتييور . سلطان بوندن ده صاقلانيرمش .

کچی قندیانی دیواره کومدوریور . یاناغی شو مذهب اوبانک آلتنه  
سهردیریور . اوکنده ایکی صوم صیرمه پرده چکدیریور .  
براز صوکره غایت باصیق طاوانلی کوچوچک براوطه نیک مدخلنده  
بولونیورز . کوچوک و صیق پنجره لرندن حرم باغچه سنک کوربوز  
سرویلری ، آره لرندن ده بوغولی برحاله استانبول پارچه لری ، شهر  
تغیریتیلری کوزوکیوردی .

— بوراسی برمشهد ! دیدیلر .

سلیم نائیک اولدورولدی یی ! بوقدر حشمتک، دبدبه نیک ایچنده  
بو نه بیتمه ز ، نه نسلدن نسله منتقل برخلجان یاربی ! . . آرتق سیاسی  
فعالیتی بیله قالماش براسی پادشاهی تا بویله اک محرم گوشه سنه قدر  
قووالاتمق، اولدورتمک ؛ . . قودورمش یکیچریلری حرمسراینک  
اک ایچ گوشه لرینه قدر صالدیرتاجق درجده کوزینی قان ، حرس  
یورون دردنجی مصطفی ده کی عائله محبتی دوشونیورم . بو نه دیمه ز  
قان ! . . . یا خبرسز هجومه اوغرایان زواللی سلیم نائیک شاشقینلی؛  
شومندرلرده ، شوجام کنارلرنده کیم بیلیر نصل چیریندی ! سلاحلری  
آلمق ایچون شو ماوی دولابه قوشمش . فقط آناختارینی اولجه  
چالمشلمش . . . اووقت «نی ، نه صاریلش ، «الله الله» دییه باغیرمش ،  
اوزرینه دیکیان قامارله او ساز پارچه سنی سپر طوتوب وجودینی  
قورومغه چابالامش .

بعضا لوشلاشوب ، بعضا آیدینلاشان دار ، دولامباجلی دهلیزلردن ،  
کوچوک کیزلی مردیونلردن چیقارکن تأثرمدن حالا اوزاقلاشامیوردم .  
فقط ینه اونک اوطه لرندن برینه کوتوردیلر . ترازیسیون وروقویله

قاريشيق توركواري بر يردى . ديوارلرنده چيني پرينه ، جالارى  
دوگولمىش آينه‌لر واردى . برينك اوستنده شوبىق اوقوديلر :

كورمه‌مىش مرأت خويلاسنده اسكندر دخی

قيل نظر صورت نمدار بكمزه زكار قديم

همت شاهانه سيلاه قیلدی بوقصرى بنا

ربيع مسكونك شه‌داد آورى سلطان سليم ...

پادشاهلرك ، سلطانلرك يوزلرينه ، حشمتلى ائوابلرينه ، دولغون  
گردانلرندن صارقان مجوهرلرينه باقدقلى بو آينه‌لرده آرتق كندى  
خياله‌كزى بيله كوره مه‌يورسكيز . اونلرده اسى سيمالره برابر توزلاشمىش ،  
يالكمز قديدلى ، صولغون يالدىزلى چرچيوه‌لرده اصيلى قالمىش ... كيم  
بيلير ، سلطان سليم بوراده سوزدل آرايى نجه دفعه ديكله‌دى ، مست اولدى ،  
شفاف الارك صوندينى فغفور كاسه‌لردن - قارشى بشكظاش تپه‌لرينه  
خوليا ايله باقارق - شربت ايجدى . . . .

آرتق يوللاريمى غيب ايدىيورم . بريكى پادشاهك دائره‌سندن بر  
اسكى پادشاهك دائره‌سنة كيدن يوللار ، اوطلر اوقدر بربرينه گرفت ،  
ايشيقلر قاريشيق صاچلر كې بربرينه اوبله دولانمش كه ... ايكي آدېمه  
بر تاريخ دورى آتلايورسكيز . سرايك پلانى آرتق ، هرطاشى كليشى  
كوزل قونمش بردومينو اويوننه بكمزه يور . ايشته پارقه ناظر چيقينتىلى  
دائره‌ده يز : عثمان ثالث دائره‌سى ... اليسنه قدر بوسرايك بشقه بر  
بوجاغنه قاپاتيلوب براقيلمىش بوعصبى پادشاهى دوشونمك ايجمه‌قورقو  
ومرحمت ويربيور . صانيورم كه شيشمان وجودى ، چيركين يوزيله ،  
باشنده يوسفى دستار ، شو قاييلرك برندن چيقيويوره‌جلك . قادينلردن



خوشلانمايان ، يولى اوزرلنده راست كلدكجه غضبلانان پادشاهك شو.  
مرمرلرده ، شو حصيرلرده كوموش چيويلى آياق قابى سسـسـلـريـنى  
دويدقجه كيم بيلير سرايليلرك يوركلى نصل چارباردى ، شو گوشه لره  
بوجاقلره نه تلاشله بوزولوب صاقلانيرلردى .

اسكى خليفه لرك بويله ياتاق اوطله لرينه قدر صوقولدقجه ايچمه  
تاريخك خشيتلىرى ، خوليلارى وجاذبه لرى بوسبوتون دوليور. عثمانلى  
تاريخنى ذوقلرك ، صنعتلرك تاريخيله برآرده كورويورم . دورلرمز ،  
پولتيقه لرمز ، مودالرمز ، مناسبتلريمز ، اوزه نيتلرمز ، سفارتنامه لرمزك ،  
سفيرلرك تاثيرلى چينيلرده ، آينه لرده ، دولاب اويملرنده ، سديرلرده ،  
قولتوقلرده ، تاريخ كتابلرندن دها واضح عكس ايدييور .

يورودكجه دائرلر قديمه شيور ، دها اصيل ، دها محلى برذوقه  
تماس باشلايور . سلطان سليمان دائره سنك اشيكنه قدر واردق . فقط  
مدخلده :

— حميد اولاك اوطله سى ديديلر . وشو بيتلى او قوديلر :

ملجأ شاهان عالم خان حميد دادكر  
نسخة اخلاقه محتاج يوزيك فصل وباب  
ديده بخى كى حق قايدى بن مفتوح ايدى  
پردہ صبحى كشاد ايتدكجه دست آفتاب !

مرمر چشمه لر ، يتلر ، يالديزلر ، صدفلىر وچينيلر آره سـنـدـمـ  
صوم صرمه يورغانلر آلتنده اويورمش . بلكه اوزينك سقوطنى شو  
آغير اوبانك آلتنده طويدى . واوراده نزول اصابت ايتدى . پادشاهى

آووتان حکیم حسن افندی احتمال شوایلدیز مصر اعلیٰ مرمر قابونک آلتده آغلادی .

هر کون بویرلی کزن رهبر لرمک کورمه دن سهوکی طوبدقلری ، خیالارنده کورمش کی یار اتوب کندیلرینه مونسله شیردکاری پادشاهلر وار . اولردن بری ده ساطان حمید . قرق سه شواینده کی انزو اخواه سنده . چله چکن پادشاهه آجیور لر . اوراده صابیسز هفته لری ، سنه لری ، کیم بیایر نه جان صیقینتیسيله ، گاه او قویارق ، گاه حصیر اورده رک ، گاه .... بیلده ، بیلده مصل کچیردی . ایشته دواتی ، ماتی انحطاطه کوتورن منبعلر ! یکیکچیرلری زوربالقلرندن کچیره جک ، خاقی دیوبوب رفاهنی دوشونه جک یرده بویالیزی انزو اکاهلره ، بوسه سولی زندانلره قاتیلان ، سیکیرلری شولوشلقلرده چوروتولن ، نیادن ، عصر خبرلرندن اوزاق یاشاتیلان مستقبل پادشاهلر ! او اداره سز ، او عصی ، اومتون پادشاهلر هب بورالرده بوزولمش ! . . .

آیاقلر من حاصیرلری جانیرداتارق ، بودوشونجملر ایچنده یورورکن قیرمزی چوخه قابلی بر قابونک اوکنده دوردق . دیوارلره قدر چیقان مرمر یرلره ، نارین مرمر دیرکلرک طوتدیفی پنجره لی قبه دن یکپاره ایشیق حلقه لری دوکولیوردی . پادشاهلرک ییقاندقلری حلوتک اوکنده کی یالیز پارمقلقی قابوکلیدیدی . پادشاهلر ایچیرده ییقانیرکن جانی کیمسه یه امنیت ایدمه زه ، رقیبلرله آرمه سنه بودمیرسدی چکرمش . . . دیوارده کی سلسبیلدن یکپاره مرمر بانیلوغه اینجه شارلنیلرله دوکولان صولر مرمرلره یابیلدجیه اوراده کی ضیالری قیریشدیران ، دیوارلرده شفاف خارلره اویناتان صولر ؛ صوکره اینجیلی نملیلر ، ایپک یشتماللرله

خوشلانمايان ، يولى اوزرندە راست كلدكجه غضبلانان پادشاهك شو.  
مرمرلرده ، شو حصيرلرده كوموش چيويلى آياق قابى سسليرنى  
دويدكجه كيم بيلير سيرايليلرك يوركلى نصل چارپاردى ، شو گوشه لره  
بوجاقلره نه تالاشله بوزولوب صاقلانيرلردى .

اسكى خليفه لرك بويله ياتاق اوطله لرينه قدر صوقولدكجه ايچمه  
تاريخك خشيتلىرى ، خويلالىرى وجاذبه لرى بوسبوتون دوليور. عثمانلى  
تاريخنى ذوقنك ، صنعتنك تاريخيله برآرده كورويورم . دورلرمز ،  
پولتيقه لرمز ، مودالرمز ، مناسبتلريمز ، اوزه نقيلمز ، سفارتنامه لرمز ،  
سفيرلرك تأثيرلى چينيلرده ، آينه لرده ، دولاب اويمالرنده ، سديرلرده ،  
قولتوقلرده ، تاريخ كتابلرندن دها واضح عكس ايدييور .

يورودكجه دائرلر قديمه شيور ، دها اصيل ، دها محبتلى برذوقه  
تماس باشلايور . سلطان سليمان دائره سنك اشيكنه قدر واردق . فقط  
مدخله :

— حميد اولاك اوطله سى ديديلر . وشو بيتلى اوقوديلر :

ملجاً شاهان عالم خان حميد دادكر  
نسخه اخلاقه محتاج يوزيك فصل وباب  
ديده بخى كى حق قايدين مفتوح ايد  
پردۀ صبحى كشاد ايتدكجه دست آفتاب !

مرمر چشمه لر ، بيتلر ، يالديزلر ، صدفلر وچينيلر آره سنده  
صوم صرمه يورغانلر آلتنده اويورمش . بلكه اوزينك سقوطنى شو  
آغير اوبانك آلتنده طويدى . واوراده نزول اصاب ايتدى . پادشاهى

آوٹان حکیم حسن افندی احتمال شویالیز مصر اعلیٰ مرمر قابونک  
آلتندہ آغلادی .

مرکون بویرلی کزن رہبر لرمک کورہ دن سهوکی طویدقلری ،  
خیالارندہ کورمش کبی یار اتوب کندیلرینه مونسله شیردکاری پادشاهلر  
وار . اولردن بری ده سلطان حمید . قرق سنه شویاندہ کی ازوا خاہ سندہ  
چیلہ چکن پادشاه آجیورلر . اورادہ صابیسز هفته لری ، سنه لری ، کیم بیایر  
نه جان صیقینتسیلہ ، گاہ او قویارق ، گاہ حصیر اوره رک ، گاہ .... بیامہم ،  
بیلمہ نصل کچبردی . ایشته دولتی ، ماتی انحطاطہ کوتورن منبرلر ! یکیکچر لری  
زور بالقلرندن کچیرہ جک ، خالق دویوب رفعتی دوش - ونه جک یرده  
بویالیزلی ازوا کاهلرہ ، بوس - وسیلی زندانلرہ قپاتیلان ، سیکیرلری  
شولوشقلرده چوروتولن ، دیادن ، عصر خبرلرندن اوزاق یاشاتیلان  
مستقبل پادشاهلر ! او اداره سز ، او عصی ، اومتون پادشاهلر هپ  
بورالرده بوزولمش . . . .

آیاقلرمن حاصیرلری چاتیرداتارق ، بودوشونجہ لری ایچندہ یورورکن  
قیرمزی چوخہ قابلی بر قابونک اوکنده دوردق . دیوارلرہ قدر  
چیقان مرمر یرلرہ ، نارین مرمر دیرکلرک طوتدینی پنجرہ لی قبه دن  
یکپارہ ایشیق حلقہ لری دوکولیوردی . پادشاهلرک ییقاندقلری حلوتک  
اوکنده کی یالیز پرمققلی قابوکلیدلیدی . پادشاهلر ایچریدہ ییقانیرکن  
جانی کیمسه یه امنیت ایدہ مه ز ، رقیملریلہ آرمه سنه بود میرسدی چکر مش ...  
دیوارده کی سلسیلدن یکپارہ مرمر بانیلوغہ اینجہ شارایتیلرہ دوکولن  
صولر مرمرلرہ یاییلدجہ اورادہ کی ضیالری قیریشدیران ، دیوارلرہ  
شفاف خارہ لرلہ اویناتان صولر ؛ صوکرہ اینجیلی نماینلر ، ایپک بشتالرلرہ



دولاشان، بکله شهن براق تنلی سرائیلر... اووخ! بورادو  
بیقانع شاهانه اولورمش! فقط نه یازیق که سرائیک هر طرفنده جان  
قورقوسی وار.

— خنکار صوفه سی! دیدیلر.

سلطان سلیمان دائره سنک الک محشم یرینه کلدک .  
بویوک بر قبه نك آلتنده بولونان بوکنیش میدان کرحه قانونی  
سلیمان انشا ایتدیرمش . فقط عثمان ثالث تریناتی دیکشدیرمش ؛  
دیوارده چیه چوره یازیلی آیتلرک آلتنه روقوقونقشیلر ، هولاندا  
چینیلری قابلاتمش ، آینه لر کومدورمش . سلیم ثالث ده نحتلی مرمر  
چشمه لر علاوه ایتمش ... بویله بویله اقبال دورینک قدیم اصالتی آکلومه  
ذوقلر آلتنده بوغولوب قالمش . . . فقط هر دورده بوقبه نك آلتنده  
شوعینی مراسم تکرار ایدیلدی :

کوشده کی درت مرمر ستونک آلتنده بر نخت دورویور .  
اطرافنده کی پارمقلقلر صوم صدف قافه .. او قدر مستثنا ظرافتلی وار که  
هر بری اسکی بر فیکه لی لحدندن چیقارلش بر وازو صانیرسکیز ؛  
رنکلری اوچوق ، قزحی ... پادشاه ، بایراملرده اوتخته ، نجف  
وزمرد طوپک آلتنه قورولوردی . شوصاغ یاننده کی صوفه نك  
باصاماق باصاماق سیدرلرینه اوطوران والده سلطانلر ، قادین افندیلر ،  
سلطانلر اوتختک کنارینه بوشالان بر قادین شالاه سیدی . مرمر ستونلر  
اوستنده کی شرواندن کورولمه یین ویا لکیز طویولان آلت سسلری ،  
مجهول موسیقیشناس قادینلرک قبلرده طولاشدیردینی کویاییری نغمه لر دی .  
او ائنده شو مرمر یالاقلره شوطونچ وکوموش موصقللردن حاریل

حاريل صولر بوشانير، حرم آغلاري، سرايليلرسس سز صدا سز خدمت  
 كورورلردى. بوغيل عالمك ذوقيله نشئه له نيوردم... كنچ عثمانك.  
 انتا ريسيله، باشنده بوستانچيلردن برينك كيلى دستاريله چيقاريلوب  
 چشيرلكه اينديريلديكي اوطه يني كوردم. او كيجه شوچيذيلرك اوستنده،  
 تيتريك موم لاشيقلىرى كيم بيلير نه قورقونچ كولكلر قوشدوردى.  
 شو چشيرلكك آغلاريني كيم بيلير قاج مشعلهك بو قورنتولى  
 علولى يالادى. شو قبه يه كيم بيلير كنچ پادشاهك نه قدر هيچ قيرغى  
 عكس ايتدى؟

سلطان مصطفى نك اوچ كون صوسز فالدينى محبسى كزدم.  
 يكيچريلر او وقت شو قبه يي ده مشلر، پادشاهى داملرده يوروشلر.  
 - يا ربى نه غريب منظره لر - بالقلمه آلتون سرين سلطان مصطفى :  
 « عثمان، عثمان... بو بار حكومتى بنم اوموز مدن آل عثمان، ديه  
 شو ده ايلز لرده مى باغير، شو قايليرده مى وورور، شهيد سلفنى شو.  
 اوطه لرده مى اومار، سراي قادينلرينى مرچتدن آغلالتيردى !

شوده مراد رابعك اوطه مى. ابراهيمك قتلى بوراده، ياتاغنده  
 جانيله اوغراشيركن فرمان ايتش اولاجق. نعثنك يانسه كتير يله سنى  
 بو اوطه ده ايستهدى. بوراده ياتاغندن فيرلادى. وقوى وجودى  
 سلطانلر طوتديلر.

سلفنك اولديكنه يردورلو اينانامايان ابراهيم قورقوسندن : « بن  
 سلطنت ايسته ميم. قارده شم صاغ اولسون، ديه شو چيذيلي اوطه ده مى  
 تيتريده ديدى. جنازه نك يوزنى شو يانمده كي ياتاقلقمده مى آچديردى،

اورتدوردی ؛ بر قاچ آدیم آتدقن صوکره ینه دوندی ، بر ده ،  
بردها آچدیردی . . .

شکر پاره نك ماصاللرینی شو او طه ده می دیکه ردی ؟ چینیلرک  
اوکنده خیالی برر تصویر او چوقلغیله قیوریلان دلبر سرایلیری شو  
بیله جك چاتمسی دوشه لی سديرلره می دعوت ایدردی ؟ بومندرلری می  
سمورلره دوشه تیدی ؟

تاریخك بزدن اوزاق فصلالرینه آدیم آدیم چیقورم . دیوارلر ،  
قبرلر آرتق کوسترییورکه ایلك دورلرک جسور حشمتنه ، آلایشسز  
سلطنتنه دوغرو یوکسامکده میم . کوربوز ، دها وحوش فقط دهاقانع  
بر ذوقه مجلوب جهانکیر پادشاهلرک او طه لرینه یاقلاشیورم . کچدیکم  
دائرة لده ذوق و حیات جیلزلاشمش ، دارلاشمش ، یالیزلره  
بورونمشدی . هپ سقو ط ، اوزه تی وتلون دورینك تمثاللریدی .  
حالبوکه مراد نالئك ، احمد اولك یاتاق او طه لرندک کورولن چینیلر  
قابه چارپاتی ویریور . او قدر نفیس شیئر . تکمیل دیوارلر یشیل  
یاپراقلر ، کلر ، سیاه کوکده لی نباتلر ، یشیلی ایلیق چینیلرله اورتولی .  
پادشاهلرک یاتاقلرینه قارشی اولان مرمر حوضلره شومو صقلردن  
سلسیبلر بوشانه جق . اولر ، ذوق ساعتلرنده ایچرینك محرم عجبترلرینی  
دیشارییه دیورمماق ایچون آقارلر مش ! صوکره اوچینیلرک آزه سنده  
یقه و صدف قاقه لی آبانوز کتاب دولابلری ، احمد اولك کتبخانه سی !  
مه قدر افسانوی بر کوزلاکلری واز یاربی ! . . .

مراد نالئك قادین ماجرالری ، قادین ذوقلردن آیینمش صرعه  
بحرانلرینك خاطرملریله دولو دائرة لری کچدک . سلیم ثانییه دوغرو

يورودك. اوردولرينك براوجى بىنده، اوبراوجى نىمچەده ووروشوركن،  
دونانماسى قبريس صولرنده ونديكايلا چاريدشيركن اداره يي صوقولاي يه  
بيراقوب كىندى ده چوبوقلى، سلطانيه مسيره لرنده بايلىق حىبتي وشعرلرينى  
ديكله يرك مى ذوقلرى ايدن سايم تانى ! . . . اونك دائره سنده كى  
چينيلرك، بوعصرلر موزه سى سرايده برأشى دها يوق . ديوارلرده،  
صولمايان لطافتلر يله يكي آصيلمش كى غريب بر تأثير اويانديرارق  
پيرلداشيورلر .

مور زمينلر اوزرنده ماوى دالاردن صارقان پيتراق پيتراق بياض  
ياسمنلر، صوكره چنلره طوغروا كيلن رنكارنك لاله لر . . . صانكه  
برباغچه . . . اينجه قيرمىزى وبياض خطلى كنار صولر يله صانيرسكنزكه  
قارشى كى زده اونجى عصره عائد برشيراز، بر كوردس سجاده سى وار . . .  
اونك ياننده كى ده اويله : مور بر كوكبده قرانفلاردن ، لاله لردن ،  
سنبللردن و كللردن، قار طويلرندن بردمت . . .

طاوانلر باصيقلاشيور، نجره لر سادله شيور. جاجياغمزك ايلك  
نمونه لرندن خاطره قالان بوجاملرك هر برندن استانبول باشقه باشقه  
بر رنك بوغوسى ايچنده كوزوكمكه باشلايور . كيمنك شفاغلغنده  
سه زيله ز بر صارى نكته ، كيمنده خفيف بر يشيلىك كيزلى . . .  
يالكنز اودا ئرده انسان آلايشدن فضله صلابت ، ساطتدن فضله  
قوت وساده لك كورويور . مصراعلى قابولر چوق آرقه ده قالدى .  
ياووز سلطان سليم دائره سنه كچديكم قاپونك اوستنده :

شفاعت يارسول الله ، شفاعت ياحبيب الله

يا زبلى !



قاج عصرک تاریخی ، معماریسی ، تذهیبی ، حسن خطی ، صنعتی و گوزللیک داتر نسی وارسه هپسی بویله اوپله کزدکدن صوکره آلتون یوله دوندم . رهبرلم بنی ولی عهدداترملرینک اییسمز ، قارا کلق ، قورقونچ دهلیزلرندن کچیرمشلردی . دیدیلرکه : — شهزاده لر حرمدن چیقارکن بویوله جاریلر دیزیلیردی . شهزاده لرده اونلره آلتون سرپردی . اونک ایچون بوراسنک آدی آلتون یول قالدی .

شمدی آلتون یوله کومور رنکنه یقین برقارا کلقله بر قاج بویوک کوبدن بشقه برشی یوق .

یاری بیلمه یورم ! دنیاده بوسرای قدر هم دولتنک ، هم ملتینک تاریخی ، روحی ، قباحتلرینی و مزیتلرینی خلاصه ایدن ایکنجه بر حکمدار پناهی دها وارمیدر ؟

قورقو ، نفرت ، سلطنت ، نکبت ، وفا ، خیانت ، حرمت ، حقارت ، هپ — شمدی بوم بوش قالان — شو اوپله لره بولونمشدی . هرکوشه بر عالم ، هردهلیز بر اقلیم ، هر داتر بر مملکتدی . . . . بر اوپله ده ساز چالینیرکن او برکنده آغلانیر ، او چنچیسینده خسته یه باقیلیر . دردنجیسینده عبادت ، بشنجیسینده طعام ، آلتنجیسینده زفافه ایدیلیردی . آللرنده اوزون عصالریله قورقونچ ، بعضی ده غدار اولان اسیر و بیکس زنجیلر ، شو چنیلرک یاننده بوجکار کبی دولاشیر . قافقاس قیزلرینی اورکوتور . بعضی اونلره باغداشوب شهزاده لری ، سلطانلری حبله لرینه ، احتراصلرینه قربان ایدردی .

صدق و بغه قائمہ لی آراہہ سک قابوی اصـو لـجہ آچدم . غایت  
 آجیق رنک چینیلرلہ ، پارمقلقی ، مصـنوع کلاہلی ، یالـدیـزلری  
 صولفون ، نارین براوجاقلہ ، انفس اویمالی مرمر بر چشمہ ایلہ  
 سوسلی برصوفہ یہ کیردم . قارشیدہ کی یوکسک مرمر قابودہ :

ظل السلطان کغل اللہ

یازیلیدی . ایشته پادشاہلرک آتـلرینہ بـینـدیـکی اومـدـخـلدن تـکـرار  
 حرم طاشانی میدانہ چیقدم .

۱۲ ایلول ۱۳۳۴

## يانغين

افقكز كيجه ياريلرينه قدر ، صباحلره قدر آتش كسيليرسه ،  
قارا كلك بيراقدىگكز اوطني اوزاق علولرك ايشيغى غروبىدن شفق  
قدر يالاوب دورسه آرتق باشقه برشى يازامازسكز. ايكي اقشامدر  
نجره مدن باقدجه كيجه يي قرمى كوربيورم . قهرله مناره لر  
قزىلقلرك اورتى سنده برر كول ييغى گي سياه و غيغ كورونيور .  
نفس آلدجه اچمه قوروم و ايس قوقولرى طولور صانيورم .  
عصرلردن برىدراستانبولك تملنه چوره كله نوب سينمش بواذردها ،  
صوك سىنه لرده بوتون بوتون پايتخته قصد ايديور ، زمان زمان  
قودوريور ، تپهلردن برنده ازرسه كز او بر كنده شاخلا نيور ،  
ياقور ، ياقور ، طويجه قدر ياقور . نه صودن قورقيور ، نه  
بالطه دن ؛ نه سراى ديكه يور ، نه معبد ؛ نه هيچ قريق ديكه يور ،  
نه امر !... آرتق استانبوله بر بوغا كې صيم صيقى صاريلدى ، اونى  
مطلق بوتون بوتون ديديكه يه جك ، زهرله يه جك . چوجقلغمده ،  
بويوجك بر يانغين يرني بكا پارمقله ، عبرتله كوسته ريرلر ، تمام  
سكسان او ياندى ، ديرلردى . كرچه اسكيدن ده بويوك يانغينلر  
اولورمش ، فقط اونلر ياغه دالان كچه لر كې ، چكيدكدن صوكره

ایزلی چارچابوق سیاینیرمش. یاشمادی بنمده چوجوغم اولسیدی ،  
 بن اوکا استانبولی ، یانیق ، برهلی بر یوز کبی چیرکینه شمش  
 کوسته ره جکدم. چوجوغمک ذهنتده، استانبولدن ایلک تحس اولارق  
 بر قاج نفیس جامع، بر قاج ده سرای، وصو کره خرابه لر قلا جقدی .  
 چونکه آرتق تپه لر یالکز ایسلی ، ییقیق دیوار لرله دامسز اوجاقسز  
 باجاردن عبارت قالدی: سلطان احمد ، طوپخانه ، فیروز آغا ، قبا  
 طاش ، چرچر ، یی قاپو ، خاصکوی ، بالاط ، اقسرای ، دها  
 بیلمه م نره سی ، هپ بویه ... فقط نه اولورسه اولسون ، آتش  
 هیچ بر زمان بو صوک کیجه لرده کی قدر چیلدیر مامش ، جرأته ،  
 دویه دویه بو قدر چوق یاقمامشدی . ایکره نج ، قورقونج ، قیرمزی  
 وجودنی خلیجدن مرمریه قدر اوزاندی . کذرکاهنده نه بولدرسه  
 چاتلاتدی ، قیردی ، آزدی ، کول ایتدی . استانبولک بلنه ایکی  
 کیجه ، آتشدن قوشاغنی دولادی . فاتحله سلطان سلیمک آره سینه  
 آتشدن آشیلماز بر سور چکدی . اسلام استانبولک اوزرینه آتشدن  
 بر قوس قزح اولدی ، عکسلیخی ایچ وطیش دکزله صالدی .  
 هر زمان بر یاری نشئه مزی بوتون بوتون بوزان بو یانغینلر !...  
 حریت کلیوردیه سهویندیکمز کونلرده، نشئه لر مزی دوداقلر مزده  
 کلیدله بن چرچر ؛ اون بر تموز کیجه سی معظم ، مخوف بر آتشین  
 صورغوج کبی استانبولک اوستنده زوربا ، دلی بر تهدیده ساللانان  
 آقسرای ! .. وصو کره بو ، بوسوک یانغین ! اشیکنه قاپان دیغمز  
 وقت ، سایه سنده مظفر بر بلده یه هنوز صاحب قالدیغمزی تسایله ،  
 انشراحله طوید یغمز .- بوتون تهدیدلره ، تسیدلره ، کینلره ، سوء قصدلره



رغمآهنوز قوی یاشادیغمیزی تسلیله، انشراحله طویدیغمز - حکمداره  
کیدم جکمز کونکی یانغین [۱] . . . !

یاربی، کیجه یاریلری علوسیللرینک اوکنده شیلتهلرک باقیر قاب  
قاجاقلرک، طوبراق دستیلرک؛ قیریق قولتوقلرک؛ اورکمش، انتاریلی  
چوجوقلرک؛ باشی آچیق فیلامش آنالرک، یینلرنده کدرلرینک  
یوکی، آللرنده برر اهمیتسز پیرتی عائلهلرینه باریناجق قوغوق آرایان  
بابالرک؛ کندینی سورویه جک دکنکدن بشقه برشیئجک طاشیامایان  
آغا بابالرک؛ طورونلرینک اوموزنده بوکوله قالمش اینمهلی نینهلرک،  
ورمیلله، ذاتالجنبیله، بایيلا بایيلا، نصلسه اولومه محکوم حیاتی  
هیچ اولمازسه صوک برامیدله بوعلولردن قاچیرمهیه چالیشان اوزواللی  
انسانلرک حالی . . . . . بونلر ایکی کیجه در مخیله مده بوتون مخوف  
آلایلرینی سورویوب قوشیورلر! نه آتشدن قورتاردقلری شی بللی،  
نه جانلرینی آتاجق بوجاقلر بللی، نه قورصاقلرینه کیره جک لقمهلر  
بللی! . . .

کیم بیلیر، بوکیجهلرک، بوکورولتولی، اوغولتولی، علو و آتش  
کیجهلرینک خاطره سی قاچ کوچوک یاورونک اویقوسنه قاچ سنه کیره جک،  
کورپه روحنی، تازه سیکیلرینی زهده لهیه جک! . . . کیم بیلیر قاچ  
کنج قیز دردلی اولدی؛ آرتق سوقاق اورته لرند، مردیون باشلرنده  
دوشوب دوشوب بایيلاجق، نیجه اختیار قادین وارکک صوک  
کونلریتی کره وه تنک یاننده، مانغالک باشنده، آلیشیدینی یاناغک ایچنده

[۱] استانبولک فتیحه سنه دوریه سی کوننده فاتح ترهبه سی زیارته

لاطایع

کیدم جک کون یانغین اولدی .

کچیرمکدن آرتق امیدینی کسیدی . اولومنی یا بر چادیرک کوشه سنده ،  
یا بر قبه نك آلتنده بکله یور .

بونلری دوشونمک ، بونلره آجیمق ، سهوکیلی و مرحمتلی قاره ،  
سنک و نیم ایچون بورج اولدی .

بیلیورم که ارضک اک آجیقلی ، اک هائله لی کونلرنده یاشایورز .  
بیلیورم که اورته حاللی او بارق صاحبلمزه وارنجه یه قدر هیمز ،  
معاشلرمزه ، هرآی باشی آرتان بورجلر ا کله یه رک آنجق قارنمزی  
یاری بوچوق دیورابیلیورز . بیلیورم که آرتق - عیب اولور دییه  
چکینه دن - اورته حالیلرمنز بیله ، ألمزده یاریم اوقه ا کک ، یکر می بش  
درهم شکر ، بش اون قورو اینجیر ، برمندیل کومورطاشیورز . بیلیورم که  
مسافر لکه برچوغمز یرتیق بوتینلر و یاقاسی آغارمش ، یاغلانمش  
جا کترلره کیدیورز ؛ قولاسی قارارمش یا قالقلرله ، بشکری آریمش  
یویون باغلریله کیدیورز . اوت ، آرتق آنجق معدده منزی دوشونه بیله جک ،  
- حیاتمک بشقه احتیاجلرینه « ده ا یکنجی درجه ده قالیرلر » حکمنی  
یوروب شاشقینلغمزی آونارق - آنجق بوغاز منزی ، معدده منزی  
دوشونه بیله جک کونلره کلدیکمنزی بیلیورم .

فقط نه اولورسه اولسون ، بوتون بونلره رغماً ، هیچ برمنز ،  
دون افشام یا تانلر قدر آجیناجق حالده دکلز ! سن و بن ، هیچ  
اولمازسه ده ، وجود منزی ایچنه اوزانا جق بر شیلته ، بر یورغان ،  
باشمنزی اوزرنده دیکله ندیره جک بر یاصدیق بولابیلیورز . « یادیر غارز ،  
راحت ایدمه یز ، قورقوسیه قارده شمزک اوینه بیله یووامزدن بر  
کجه آریلقده زورلق دیویورز . حالبوکه اونلرک شلته لری ده ،

یاصدیقلری ده، اوطه لری ده قالمادی . باشلرینی صیغدیراییله جکلری  
بردام آلتی ده قالمادی .

سن و بن ، حالا اوطوردیغمز اوطه یی یاتدیغمز اوطه دن  
آیراییلیورز . یکمز آیری یرده پدشور، آیری یرده بئنیور. حالبوکه  
شمدی اونلر دار، باصیق برچادیر آلتنده ، هپ عینی یرده بئشیروب  
ییکه، هم عینی یرده اوطوروب یاتمه محکوم قالدیلر . دوشون که ده  
ایکی کیجه اول ولو کونشسز، فنارسز، قالدیرمسز، سوپرونتیلی  
سوقاقلرده ، ولو بویاسز، قفسلی اسکی اولرنده ، هپسنگ دکرلی  
دکرسز برقاچ پارچه اشیاسی ، اولولرندن قالان خاطره لری، اوتله لری  
بریلری واردی . اونلرده سنک بنم کی اوبارق، قاپ قاجاق صاحبیدیلر .  
یکرمی درت ساعتک ایچنده اونلرک هرشیئی واستانبولک غنمه سی  
برآووج کولله ایکی یانیق دیرکن عبارت قالدی .

فقط بز اونلرک حیاته ، اونلرک رفاهنه محتاجز ، اونلردن  
کله جک نسللره ، یاشایانلرینک خسته لغه طوتولمقدن قورتولماسنه  
محتاجز . اونک ایچون اونلرک یاردیمنه قوشمق بروجدان ، برحیثیت  
بورجی اولدی . هم هرکس ایچون ؛ شکرینی اونلره ایکی یوز ، اوچ  
یوز غروشه صاتمش تاجرلر ایچون ، برلقمه اُکمکی اونلره اون بش  
یکرمی غروشه ییدیرمش بقالار ایچون، صباح اقشام اونلری طاشییارق  
پاره لرینی آلمش تراموای اداره سی ایچون ، کییه جکلری بر آرشون  
بزی ، صالاشبوری اونلره برقاچ مجیدییه صاتمش تحافیه جیلر ایچون،  
سوقاقلرده یاتان دیلنجیلره آجیوب بش اون غروش آتان پاره لی  
یولجیلر ایچون ، اقشام چایلرینی توقانلیانده ، لوبونده ایچمکه آلمش

زىنكىن بىكار ايجون، بوتون دائرەلر، بوتون شىركىتلر، بوتون مۇسسەلر  
ايجون اويرىنىز يوردىنىزلىرى ياردىم ايتىك بروجىدان، برحىت بورجى  
اولدى .

برمىلەدە ياشايدان ايى قوشىنى نىل فلاكىت آندە برىنىك  
ياردىمە قوشاردىسە ، قوشىنىنىك آجىنى نىل طاتلى سوزلرە  
آوتىمە چاللىرىدىسە قالان استانبولك دە فلاكتىزدە استانبولە اويلە  
تىمىز بر يورەكلە قوشماسى لازم ، الزم . برى برىمىزك آجىنى تايىنىدىن  
دويالم . بىيەككە ، كىيەككە ، ياتاق نەمىز وارسە بر آزىندە اولىرە  
آيرالم ، اولىرە قوشدورالم . سىنىك دىردىك بر آزدە بىمىكى اولسون ؟  
اسكدار استانبولە آسىيانىك اوروپايە لاقىد قالدىنى قدر اوزاق  
دورماسىن . بك اوغلى استانبولە جنوزلىلرە بىزانسلىر كى يان  
باقاسىن . بو فلاكت عمومى و آغىردىر . اونى خففىلەتمەكە چاللىشمىق دە  
عمومى وانسانى اولسون . پاتخت ، پاتختىك سىقتىسە قوشىنى .

جىمە ايرىسى - بازار : ۱ - ۲ - ۳ - ۴ - ۵ - ۶ - ۷ - ۸ - ۹ - ۱۰ - ۱۱ - ۱۲ - ۱۳ - ۱۴ - ۱۵ - ۱۶ - ۱۷ - ۱۸ - ۱۹ - ۲۰ - ۲۱ - ۲۲ - ۲۳ - ۲۴ - ۲۵ - ۲۶ - ۲۷ - ۲۸ - ۲۹ - ۳۰ - ۳۱ - ۳۲ - ۳۳ - ۳۴ - ۳۵ - ۳۶ - ۳۷ - ۳۸ - ۳۹ - ۴۰ - ۴۱ - ۴۲ - ۴۳ - ۴۴ - ۴۵ - ۴۶ - ۴۷ - ۴۸ - ۴۹ - ۵۰ - ۵۱ - ۵۲ - ۵۳ - ۵۴ - ۵۵ - ۵۶ - ۵۷ - ۵۸ - ۵۹ - ۶۰ - ۶۱ - ۶۲ - ۶۳ - ۶۴ - ۶۵ - ۶۶ - ۶۷ - ۶۸ - ۶۹ - ۷۰ - ۷۱ - ۷۲ - ۷۳ - ۷۴ - ۷۵ - ۷۶ - ۷۷ - ۷۸ - ۷۹ - ۸۰ - ۸۱ - ۸۲ - ۸۳ - ۸۴ - ۸۵ - ۸۶ - ۸۷ - ۸۸ - ۸۹ - ۹۰ - ۹۱ - ۹۲ - ۹۳ - ۹۴ - ۹۵ - ۹۶ - ۹۷ - ۹۸ - ۹۹ - ۱۰۰





فکر و شعر عالمده



## جناب شهاب الدين بك

شيشلی : ۱۶ حزيران سنه ۱۳۳۱

قونك چنغراغنى چكىور، چكىور... ايجرىدن چوجوق سسلرى :  
« باباجم طور، بن آچاجم .... خاير، اولماز، بن آچايم . » دى يە  
چىرىندىچە، بىرىنى بوغدۇچە او قەھقەھلرلە: هايدى كوچوك؛ هايدى  
كوچوك! دىيور وبكا سويلە آكلانيوردى: هر وقت بوتلاشدر؛ بن  
چنغراغى اويناتير اويناتماز بو آوازەلر، بورقابتلر اويانير. چونكه بكا  
قابويى ھب او غلم آچق ايستهر! « بو اوافق مھنە جنابك بىلىكنك  
بوتون خصوصيتنى ياشانيوردى. بشقەلرينك قىزوب باغيرە جنى يردە  
او - بويلە سويلە يە بىلىرسەم - كورەك سسپلە، خوشە كىدەك قەھقەھلر  
صاووريوردى .

\*  
\*\*

بويوك بركمينك قوموارى كنىشلىكەندە - اودەت، او قدر -  
بولونان كتاب او طەسنە كىردك. هر طرفى قابلايان طولابلر، كىتبخانەلر  
چىقاريلهيدى، آنجق اوزمان بوراسى راحت، مېنى مېنى، لوشجە  
برصالون اولايلىردى .



قارمه قاریشیق دفتر ، کتاب ، کاغدیغیلی ساده بریازی ماصه سنک اوکنده کی میشه اسکمله سنه اوطورمازدن اول ، بکاده بیاض لا که ، معینی الشکل ، مودرن ستیل بر قولتوق کوستردی .

بوچجرده یاشایان بوتون جنابک متنوع ، لزوجلری روحی ، اسلوبی ایدی : کوشیه صیقشمش بیاض لا که اوفاق بر کتبخانه ، یاننده جویر رنککنده میشه ایکی طولاب ، آره لرنده لا که ، شیق ، کوچوک بر قنایه - قارشیده ینه جویر رنککنده ، جامسز صیقی صیقی به کتاب دیزلش زنکین رافلر . آچیق قایی قنادینک اوته سنده ، اوسقی قویو ماوی قطیفه دوشه لی ، اویمه لرینک کناری یالیز چیزکیلی لوتی که نز بر قنایه . دیوارنده - بر دیوار پارچه سنک قوجه لیکلرینی ، بوزوقلرینی اورتیه لیک قدر - بویوک بر پاستهل تابلو : بوندن یکریمی سنه اول کوپریده دیلنن ایکی چوجوق تصویری . یرده شرق سجاده لری ؛ جام یازینخانه نک اوزرنده کنارلری صاری طونج چیچکلرله ایشله ملی بلور حقه ، بلور طباق ؛ طونج صولی بر یازی قوروتاجق ، طونج چیچک صاپلی بلور کاغد کسه جک . برطرفنده قیرمزی مهریله سیاه بویونلی تلفون ؛ برطرفنده بر مرمر پارچه سی اوزرینه قبارتمه برقادین پروفیلی !

ایشته بو محمول اوطه نک پیلانچوسی : هپ بر برینی طوتمایان رنکار ؛ .. بوکا برده پاپاغان تویلری قدر متلون کتابلرک بویاسنی سورک ! وشمیدی بومساعیکاهی بر رسام پالنه بکزه تیرسه کز حقسمزلق ایتش اولماز سکیز . فقط بودرجه بر برینی طوتماز کوزل شیلر نظر کزه چیرکینلکه حایقیرمایور ، نه بیلیم !

بواوطه صاحبك كينيشى ده بعضاً بويله دكلى ؟ بياض چيز كلى  
 سپاه بر ژاكت ، آچيق بىنگلى قويو رنگ بر بويون باغى ، صالقم  
 چيچي رنگنده ظريف برايبك يلك ، فائته زى بانطالون ، روغن  
 برچفت اسقاريين ، ويشنه چوروكنه يقين بر فسك آلندن آرقه يه  
 طاشان پومادلى صاچلر ، قوزمه تيكله نمش بيقلرى قيورمق ايچون  
 دوداقلره سورونن يوزوكللى پارمقلر !

ايلك باقيشده بر ذوقسزلك مشهرى كى طوران بوشينلر آيرى ،  
 آيرى برر نفيسه ، برر ظرافتدر . و جناب بر چوق چيچكلردن  
 ده ريلش دمه بگزه ر . بو طاشغين تووالتى تنقيد ايدنلر وار .  
 اوت بنده كولومسده م ، فقط يازيلريله بو كينيشى آره سنده طاتلى  
 برمناسبت بولاروق... شيمدى كتاب او طه سى ده دوشونجه مى قوتلنده  
 ريبور . اوت بواوطه ، اوتابس بكا جنابك « اورثيناليمه سنى »  
 كوسترن بارز برر اشارت كى كايور . فى الحقيقه « حج يولنده ، كى  
 جنابه ، « اوراق ايام ، ده كى جناب ؛ ينه « الحان شتا ، يقظات  
 ليله ؛ تماشاى ليال ، جنابى ايله « آشان مجموعه سنده تبعات ادبيه »  
 محبرى جناب ، « دونما ، رساله سنده « مقالات اجتماعيه ، يازان جناب  
 برميدر ؟ البته ؟ .. خير !... كوندوز آلرينى جيلرينه صوقوب ده  
 بشريتك ، مدنيتك تحف ، مستكره نقطه لرني جيمبز ، نيستر كى نافذه  
 مؤثر كوزلريله طارنا قلايه ، طارنا قلايه اكله نن ، بر آز اول قاينك  
 اوكنده اوغلنه يابدينى كى قهقهه لرله كولن جناب ، كيجه لامباسنك  
 ايشيغنده ، قليبيله قارشى قارشى يه قانجه حزنله مرثيه يازان ، مناجات  
 او قويا ن رقيق ، ليريك جناب بك بر كورونمه ز ؛ واپوردن طبعى طالعين

برمفتونیتله سیر ایدرکن ، متنوع ، شوخ لوحه‌لری درین ، جدی بر قدرتله بویایان جناب ؛ بریده اوچ درت فورچه ضربه‌سیله کوکرتله یولجیلرینک قاریقاتورینی چیزوب چیقاریویرن شقه‌جی ، مستهزی جنابک عینی دکادره . یلگی ایله جا کتی آرمسند . رنک اعتباریله نه قدر مناسبه وارسه بو مختلف جنابلر آرمسندده او قدر رابطه موجوددر . فقط فصل او یلکله او جا کت جنابکسه ، بوتون بو مختلف شخصیتلرده ینه اودر ، ینه جنابدر... فکرلریله اسلوبی آرمسند کی مشابیهته او یله : اک اسکی کلمه لرله ، اک یکی ، اک ایشیتلمه مش سحر ، تزیه جمله لر ، لکن آغیر ، قالین ایپکلی قاشلر کی حشیرتیلی موسیقار بر افاده ...

مصاحبه‌لری ده رنک ، رنک ، رنک ...

« بوراده نه چوق زنگین ، نه ده چوق فقیر واردر . بر قسممز بر قسمزی ازمکه چالیشماز ، اونک ایچون سورم » ، دیه قاضی کویخی آکلاتمقدن باشلایه رق ، براق صولر اوزرنده سه کدیریلن خفیف ، دوز طاشلر کی مصاحبه‌یی موضوعدن موضوعه صیچراتدی . بر قاج سنه‌سی ایچنده حار بر فعالیتله یاشامش اولدیغی فرانسه حرکات ادبیه‌سی آکلاتدی ، آکلاتدی .... او عالمی جیبی کی طانیبور . دیرکن رومانلره کچدی ... او قسمدن ؛ چوق خوشلانمازش ؛ اونک ایچون او جنس آناری چوق او قومامش . فقط هر کسک کوزدن کچیردیکی رومانلری بیلمه‌سنه . بوهیچ مانع دکل . یالکز شو صو وک زمانلرده غایبه‌ل دانونچیونک اثرلری متزاید بر اشتهایله تعقیب ایدیورمش . فکرده زنگینلک اعتباریله بورومانجی‌یی دیگر بر چوقلرینه

مرجع بوليور. و جناب بگك بر رومانه اك چوق اراديني مزيت  
فكر لرده تو كه نهز بر يسار موجودتي ايمش.

رومانچيلاق بزي « ادبيات جديده » بختنه كوتوردى. جنابك  
مملكتمزده هويت ادبيه سنه اك عظيم بر حرمتله مربوط اولديني  
شاعر، توفيق فكرت بكدر. « خالد ضيايه » رومانلرني يازدير مق  
خصوصنده تشويقانده بولونانده اودر. سوزمى جديتله تالق ايديكز!  
فكرت اولماسه يدي ادبيات جديده ظهوره گلمه زدى ديميم، فقط هر حالده  
دها رونقسز، دها ناقص بر شكلده تجلى ايدردى. او مكيتك روحى  
اودر! هر مملكتمده تعزير ايديله بيله جك قدر يوكسكدر! « ديدى.  
بن بختك بو وادى به دو كوله سندن جسارت آلد. كنديسنگ ادبياته  
نصل باشلا ديقنى وايك يازيسنى صوردم.

« اوده بك غريبدر ... بن طيه ده ايكن ناجى ادبياتنى ظفر  
كونلرني ياشا يوردى. او وقت معلم مرحوم تر جان حقيقت غزته سنگ  
سر محرر ليكنى، دها بشقه بر تعبيرله، ادبى محرر ليكنى اداره ايدردى.  
آرقداشلر مدن بو غزته يه يازى كوند رنلر بولسيوردى. بيليرسكز كه  
مكتبلرده بعضى كتابتى دوز كونه چو جوقلر واردر؛ ورفقا آرده سنده  
شاعر، منشى نظريه كوريلر لر. بن ده او قافله دندم. اصراره  
دايانامايه رق بر شى ده بن يازوب كونده ريويردم. شمدي اسمنى بيله  
خاطر لايامام. ايرتسى كون تر جانك ادبى ستوننده بزم يازى، آلتنده  
ناجى افنديك بر سطرلق مدحيه سيله انتشار ايمش. ايشته باشلاييشم  
بو صورتلدر. »

وايشته دو قور مكيتنى بترن كنچ طيب ادبيات مكيتنه بويله گيرمش.



طب تحصیلک بومستنا فطرت اوزرنده فیاض بر تأثیری اولمادیغنی کیچ  
ادعا ایدم بیلیر! پسقولوزی به وقوف، فن ایله ادبیاتی تألیف، بر  
انسجام حقیقی هپ بوطیده صره لرنده کچیریلن سنه لرك اولغون  
یمش لیردر. جنابک تشبیه لرینه، تصویر لرینه دقت ایدیکز، دو قوتورلغنه  
دائر اماره لر هیچ اکسیک دکلدیر! ذاتاً طبیبته ابدی بر اللهه  
اصهار لادق دیمه مش که! اوفنک خطوط عمومیه سنی حالا تدقیق ایدر،  
ساده خصوصیت لرینه - مثلاً صوک ایکی آی ظرفنده کشف ایدیلن یکی  
بر علاج کبی - مراق ایتمه زمش. فقط بر قاج وقتدر اک حقیقی بر  
ایسته کله او قودینی کتابلر تاریخه واجتماعیاته دائر اولانلر مش. اوافق  
لا که قنایه نك بر برینه باغلادیغنی - بری ماوی قابلی، اونه کی قیرمنی  
جلدلی کتابلرله دولو - ایکی میشه کتبخانه صرف بو اثرلری محتویدی.  
اساساً تاریخله فن اجتماع، بری پیر اولمش، او بری ده کنج،  
فقط یاش فرقلرینه رغماً صمیمی بر محبتله آکلاشمش بو ایکی دوست،  
بر ساعت بیله بر برندن آیر یلامازلر. دربدر لیکن آغر باشلی، استقبالنندن  
مطمئن اجتماعیات، یاشلاشمش، فقط تجربه لی، دینج تاریخک قولنی براقاماز.  
اوندن ایدم جکی استفادهلر وار! هر حالده بو ایکی فنک رابطه سی  
دونکیلرله بو کونجی ادبیاتچیلرمن آراسنده کی مناسبتدن دها صیقی  
دها شایاندر غبطه!

\*

\* \*

بز تاریخه دائر بر کتابک صحیفه لرینی دکیشدیر مکه مشغولکن  
اوغلی ایجری کیردی. باشیله بکا کبار، نازک بر آشنالق ایتدکن  
صوکره یازی ماصه سنک بر کنارنده طوران دفترینی یواشجه آلدی.

اون اوچ ياشلارندن فضله اولمايان بوچوجو غك بك سويلی ، غایت ذکی بر سیاهی واردی .

جناب : « عدنان سكار سوژه ویره جكر ، اونى بزه آكلاته جقسك ياوروم ! » دیدی . او ، بوتوجهدن سوينش كورونه رك باباسنى ديكله دی و كيتدی .

ينه بزكتابلری قاريشدير مغه قويولدى . جنابك حكمت طبعيه يه وقوفى وار . بكا قوجه اوچ جلدك بر فيزيق چيقاردی . او ، بونلری آرامق ايچون بعضاً كيلور ، بعضاً آياقلى اوچنه قالقوردی . طاتلى ، زنكین يازيلری دماغمه لذيذ غدال ویرن جناب بو اثرلر آره سنده چيچكدن چيچكه اوچوب اك شكرلى اوزلری امه رك سوزولمش بالار حاضر لايان بر آرى كې كزيند كجه بن مستعبر آدم ابي يازمق ايچون چوق و آبي دوشونملى ، چوق و آبي دوشونمك ايچون ده چوق و آبي اوقوبوب هضم ايتملى « قاعده سنه حريم قلمبدن اينانيوردم .

چو چوق قايي ي اوروب ياپيلمش وظيفه سيله تكرار كلدى . فصيح ؛ ياشنه كوره بك اعلا بر فرانسزجه ايله يازديغنى اوقودى . حيرت ! عدنان اوده صرف باباسندن درس آليور ، اطرافنى قوشاتان بو ايكي ، اوچ بيك - بلكه ده ، زياده - جلدك كتيبخانه نك اورتە سنده چو چوق هر كون خواجه سيله شو ماصه باشنه اوطورييور . اوراده باباسنك ارشاداتى برشا كرد دقتيله ديكله يور ، دو كوان امكلى دوشورمه دن طوبلايور . هله چيزديكى رسملر چوق اميد بخش شيلر .

موضوعلرني طبعندن استتساخ ايدنيور !

كنديسنة اك چوق سوديكي فنه ، ويچون سوديكنه دائرايكنجي

ير موضوع دها ترتيب ايتدك . اوزون سياه ساچلرينك ائتمده  
ايشيلدايان متبسم نظرلريله آز صوكره تكرار كورونهرك اك فضلله  
رياضياتى سوديكنى ، قولاي ولزيملى اولدينى ايچون اوفته - هيچ  
صيقلمه قسزىن - يدى سكر ساءت چالشمديغنى اوقودى ! رياضيات  
خواجھ سى ده جنابمش .

استادك برائرى ده بوشا كردى اوله جق !

\*  
\* \*

حضورندن آيريلديغم زمان ، « اوراق ايام » اسلوبنى آكديردبر  
افاده يله قونوشان جنابك امتحانمى ، استهزامى ايتدكلرى مبهم قالان  
كسيمك ، معنيدار ، ذكى جمله لرى حالا قولانغمد چينلايوردى .

## رضا توفیق بك

شیشلی : ۲۹ مایس سنه ۱۳۳۱

قاچ ییلدر هپ بیکده اوطورور . ققط نره سنده ؟ زیارتنه سیرکجه  
کیدییورسه کز آرامادن قابل دکل بوله مازسکیز . امانومید اولما کوزه  
سبب یوق . قوجه یالیلردن ، اسکی قوناقلردن صوروشدیرک . البت  
برنده بولورسکیز . شمیدی ده اسبق شهر آمینی رشید پاشا یالینسک  
برطرفنی اشغال ایدیور .

اکلی مرمر مردیونلردن ، قرقسکیز سنه لک - مفرط بر صورتده  
فعال - حیاتک ویره جکی آغیرلغه رغماً بر کنج کبی متبسم ، چالاک  
اینه رک بزی قارشیلادی : ظن ایدیلبردی که شوزنکینلر بو قوجه  
یالیلری ، مستشنا برر ظرافتی حائز بوباغچه لری صرف سوکیلی فیلسوفی  
دوشونه رک حاضر لامشیر . سنه لرجه یورغونلق ، طوربه لرجه پاره  
یوتان بویرلر صانکه اونک استراحتی تأمین ایچون دوزه لیلیمش .  
- بوکا طبیعتک سزه قارشى بر شکرانه سی دیمه لی استاد ! « دیدم ،  
ألزى حرارتله صیقارق : طوغری ، لکن نه فائده ! بزه بودنیاده  
ابدی بر مهاجرت قسمت اولمش . ایشته بویله هر سنه بشته بر طام آلمنه



صیغنیورز. ٻنم بوطاشینمه اویونلرنده اک زیاده آجیدیغ شینلر زواللی  
کتاجقلمدر. هر وقت اونلری ده کدی یاورولری کبی، سڀتلر ایچنده  
بورادن اورایه سوروکیوب طورییورز، دیه کولومسه دی .  
حالا بر اوه صاحب اولامامش بولونمق اغبراری بوتسمده کیزلمکه  
چالیشیوردی .

\*  
\* \*

ایکنجی قاته حیققدق. صول طرفده برقایینک آناختارینی چویره رک  
مسافرلرینی کنیش، فرح بر اوطیه آلدی . اوراده اینجه بر اعتنا  
محصولی اولارق وجوده کتیرلش برظرافت ، برانظام اومان کیمسه ،  
آلدانیر! بالعکس چوق تمیز؛ چوق ساده. آزاشیاسی وار، فقط هیچده  
چیپلاق کورونمه یور . یوقوشلی باغچه ده کی کل آغاجلرندن ، گور  
چاملردن طویلا دینی حسیلی قوقولری آجیق پنجره دن بورایه  
دولدیران روزکار خفیف بر سرینلک ویریور . آرقداشمه بن  
قویو فس رنجی قطیفه دوشه لی برر صندالیه اوطوردق . فیلسوف ،  
شقه جی بر ادا ایله : بوراده هر کوریککیز شی ٻنم دکدر . مثلاً  
چیکنه دیککیز شو خالی ! فقط بویایی سجاده بزم اولک مالی، دیدی .  
بوطاتلی لایالیگه کولوشدک. سجاده لردن اسکی ، اینجه ایشله مه لی قره باغ  
»وه رنسی« اولانی شزلونغک اوزرینه سربلش، اوته کی ده برقاپه نک ،  
اموز طایانه جق یرینی اورتیوردی . رضا توفیق بک ، یازیخانه سنک  
توکنده کی بایلی اسکمله سنده اوطوریوردی . خفیف روزکار، اوزون،  
اوجلری قیوریق صاحب لری اوقشایور ، قیپرداتیوردی . سینه لک  
ایزلیله بوروشوقلانش کنیش آلی ، آلتنده پارلاپان مونس ،

موشكاف كوزلری انسانده درین بر محبت اویاندریوردی . بز ، ایکی آرقداش ، مساعده سنی ایسته یه رك یازنخانه سته صوقولوق ، او ، چكیمجه لردن برینی آچقله مشغولدی . قالین بر كتاب چیقاردی : « بو ، انكلتزه سابق باش وکیلی سوربالفورك فلسفه حقنده کی مهم بر اثریدر . بكا کنیدیسی هدیه ایتمشدرد . آریجه بر دگری اولدینی ایچون كوزمده صاقلایورم . دیدی .

هر كوزك اوزرنده اوافق برر یافته وار : ایسته بو فلسفه نوطلری ، شو ادبیات نوطلری ، بر اونه کی محاورات ؛ بر دردنجیسی تشریح وفیزبولوزیا نوطلری . بو طرزی کتیدی ایچون بك استفاده لی بولویور . بووجهله آیرمش اولدینی هر شیئی ، لزومنده ، زحمتسزجه آل آلتنده بولوندیرا بیلیورمش . یازنخانه نك اوستی قاریشیق كاغدلرله طولی . اوافق بز نخته اویمه سی کوكرجینلك ، اونك حقه سی ؛ یاریسنه قنذر یازیلی بر كاغذك اوزرنده قباغی آچیق قلمش ، قلمك اوجیده کنارنده طورییور .

یازیلرینه کیزی بر نظر آتدیغمزی همان کشف ایتدی : « بك اویمه كوزل فلان بر شی دكلدر ؛ یالکیز اوقوناقلیدر ، ناموسلی بر یازیدر ، دیدی . نقطه لری دندانلرله توافقی ایدن ، هر حرفك حقی یورمش اولان بر یازی یه « ناموسلی » تعیرینی بك مناسب بولویوردی .

\*  
\* \*

قوبو جویر رنکی ساده ، اوزون رافلردن عبارت ، جامسز کتبخانه قارشى دیوارلری چپ چوره احاطه ایتمش . یالکیز اوافق بر نظر عطفی اونك رنگینلگنی آکلاتمغه کفایت ایدر .

واقعا ايکي بيک جلد طاشيان رافلر ، کيفيت اعتباريله ده پک شايان دقت بر قيمته مالک . همان بيکدن فضلہ سي فلسفہ يہ عائد مش !

بزم ايمره ندرک سير ايتديکمز حجره لر فيلسوفک سويلي ، عالم چهره سنده ده حقلی بر ممنونيت ، بر افتخار پارلاتيوردي . پک بللی ایدی که روحک بو پرستیده لری قارشيسنده بولونمقدن حقیقی بر ذوق آلیوردی . فقط بو دولو کتبخاده اویله رنکارک ، فورمالرک انسیاقنه کوره وجوده کتیرلش بر انتظام آرامق بیوده ایدی . انسانک بو التزامی هرج و مرجدن اولاهیچ بر معنا چیقارمه یه جنی کلیه ردی . مثلاً اسپه نسه رک اوچ جلدلک بر اثرینک برنجی جلدی ایله اسکي یونان فیلسوفلرندن بیلمم کیمه عائد بر اثر یان یانه طور مش ، قانتک نظریاتی ، داروینک Evolution ی ده بونلرک اطرافنه طویلانمش . دقتله جلدله تدیرلش کتابلرک آره سندن رساله ، کاغذ پارچه لری - درلو بویلریله - باشلرینی چیقارمش ، روزکارله یاپازمه نیوردی . بزموکمزده اوافق بر معما حائده اوزانان بو کتبخانه نک حکایه سی وار .

ه اونی دیکله مه دن سیر ایدرسه کز پریشانلغمه آجیه جغکمز گلیر . دیه باشلادی . وه بنم کتابلرم ، فنگر مک طرز جریانه کوره دیزیلیر ایجابنده منمادیآ یر دیکشدیرر . بر چوقلرینک اویله اثرلری رنکارینه ، بویلرینه ، یکیلرکیرینه ، اسکیلرکیرینه کوره یراشدیررک انتظام دیدکاری شی ، بنم نظارمده قاریشقلقدرد . سبی ده شوکه بر مسئله یی تدقیقه قویولدیم زمان اوندن باحث اثرلری موضوعمه درجه ارتباطلری نسبتنده معین بر مرکز اطرافنده طویلارم . بالاخره بازارکن ایجاب ایدن هر شیشی قولایجه یرلی یرنده بولورم . ایشته کتبخانه مه

حاکم اولان نظام بودر ...! بعضی او طهمی، کتابلری غایت پرمردہ  
براقارق شهره ایندیکم اولور . اقسام دوشنبه هپسینی اسکی شکله  
کورمرسه م سیکیرله نیرم و دوزانه جکیز دیه اونلری بوزمش اولانلره  
طوغریسی غایت قیزارم .

بو قیصه حکایه بویوک کتبخانه نك سرخی بزه آجدی . بر خالی بی  
دوقویوب اورته یه چیقارمق ایچون مختلف دستکاملر بر صنعتکارک  
آلنده قاریشیق حرکتلره نصل ایشله یورسه دیمک شومعدد صحیفه ارده محترم  
ساعینک پارمقلری آتنده اویله چوریایور ونهایت روحلی ، اساسلی بر مقاله نی  
ایشله یور . اوت ، سوسلی واولو اولمقدن زیاده جانلی ، عضلی  
برکتبخانه! .. فقط ینه عقل ایردیره مه دیکیز بر جهت قالمشدی که  
اوده آرزوسنجه دیزلمش بو کتابلردن فیلسوفک نه طرزده استفاده  
ایتدیکی ایدی !

اونی ده شویله آگلاتدی : مثلاً بیساقولوزیده accommodation  
بحثی حقمده جدی ، ایشه یارار فکرلر طویلامق ایسته یورم دگلی !  
شورادن باشلارم ، دیدی ، ( بر کتاب چکدی : انکایزجه ایدی . )  
بونی ایلک او قودینم اناده کی دوشونجه لرم ، اسکی تبعلرمدن او آره لق  
ذهنمه توارد ایدن خاطره لرم ، ایشه شو قارنجه دعاسی یازیلرله هپ  
کناره قید ایدیلشدر ؛ باقیکنز ؛ فقط بویله برچوق اسانده یازیلش  
کوروبده صاقین بنم هر جائیکمه ویرمه یک ؛ چونکه الهام نصل  
کلیرسه اویله قارالایویوریرم .

فی الحقیقه او کتابک اوصحیفه سنده آنتلری قورشون قامی ، یازی  
قامی ، ماوی ، قیرمزی رنگلی قلملرله چیزلمش سطرلر چوقدی .



هېسئەت كە آرى آرى برر معنائى واردى . كئنازلرى ده عىرجه  
 بر جله ، تور كچه بر پارچه ، عجمجه بر بيت ، لاتىنجه - بىلمم  
 هانكى فېلسوفك - بر ملاحظه سى ، فرانسه زجه بر فېكر ، انگليزجه  
 بر احساس ايله دولديرلمشدى . هر كتابك هان هر صحيفه سى عادتاً  
 بدستان چارشىسندە بر آنتىقه جى دكانك اسكى ، يكي قيمتدار آنتىقه لرىنى  
 آ كدير يوردى . و آنتىقه جى نصل ، جامكانى نقطه سى نقطه سە بىلير سە ،  
 فېلسوفده اويله جه كىتابلرىنىك ايچنى قارىش قارىش طائىنور ...  
 دها نە برت سەپەنسر ك Premiers Principes ى كېي نجه كىتابلر  
 واردى كه اونلر ك صحيفه لرى كىرله تىلەمەش ، لىكن هر بختك  
 صوكنە تمىز كاغدلر كچىر تىلەمەش . فېلسوفك اونلر حقنە ديه جى  
 وارمەش ، و اونلرى بورالە يازا جقمەش . « ادبيات ايچون آرمائىكز ؟ ..  
 اونلر دها آذر و بشقه يرلردە در . يالگىز ، ديدى ، و ايكي صرە ديك  
 كىتابلر ك اوزرىنە ياصىيله ماسنە اوزانمەش ا كلى بر جلدى چكەرك -  
 قا اينىك ديوانى هر وقت بورادە صاقلارم ، زىرا يك سوەرم . يورولديغ  
 زمانلر بونى يوكسك سسلە او قور و بر موسيقى ديكەركى تىلەذ ايدرم .  
 ديوانك ياپراقلىرىنى چويردى ، وينە آلتلى اشارت اولونمەش  
 بعض مصراعرلردن بر قاچنى او قومغە باشلادى . اويله پوروزسىز  
 بر تلفظى ، اويله وقوفلى بر اداسى واردى كه فارسى يى آز او قومشلىر  
 بيله قا اينىك بىتلرىنە بر ذوقلە نفوذ ايدە بىليرلردى .

« افندم بو شاعرده اويله رصين فېكرلرە ، اويله آهنگلى خياللرە  
 راست ككشمدر كه ! بعضى حقە بازلقلرندن صر قنظر ، شر قده ، غرىبە  
 قاچ عصر در اسانە ، شاعر لىكنە بونك قدر حاكم بر كيمسە ظهور

ایتمه مشدر دیه بیلیرم . کله لری ایسته دیکی کبی آچالتوب یو کسلتمه سنی ،  
 بویولتوب کو چولتمه سنی ، دارلاتوب کنیشله تمه سنی غبطه اولونا جق  
 بر اوسته لقله بیلیر . دیدی .

هله شو :

عکسهای فکرت تست آنچه اندر عالم است

نقشهای فکرت تست آنچه اندر دفتر است

یتیمی باشلی باشنه ایدمه الیزمک فورمولی اطلاقنه سزا بولویوردی .

\*  
\* \*

او آرائق قایی آچیلدی ، ظریف فنجانلر ایچنده کتیریلن چایلر  
 بزی قا ایندن آیردی . فیلسوف بر طباعک ایچنده کی تره یاغلی  
 ا کسکاردن ا کرام ایدمه رک : بویورک ، کرچه بونلر بزم بایاغی چارشی  
 ا کسکی ! فقط چوجوقلردن بیسکوی فلان دایاندیرامیوروز !  
 شهردن ده پک اوزاغز دیه اعتذار ایتمدی . بر بچق آیدر قیزامقدن  
 یاتان کوچوکلر ده باغچه یه بیله چیقمه میورلرلمش . دو قنور ادبیاتی ،  
 فلسفه یی بیراقدی . چوجوقلرندن بحث ایتمدی : نظیفک کسيلمش وماوی  
 بر قورده لا ایله باغلانمش صاری صاچلرینی ، سعید پهلوانک ایلاک  
 دفعه فوطوغرافی آلتی اوکنده کی حیرتی ، نی کوسترن رسمی یازینخانه سندن  
 چیقاردی . بر جوق صالونده رسملر دیوارلرده ، ماصه اوستلرنده دورور .  
 حالبوکه رضا توفیق بك هپسینی یازینخانه سنه کیلیدله مش . حتی لوندره ده  
 آلدینی ژاپون تابلولرینی بیله ! (بوژاپون تابلولری ده ، امپره سیونیزم ،

اوزرینه بر نطقه سبب اولدی . . . . ) یالکزاپی موفق بریاغلی بویا تابلو  
چرچیوه سز اولارق دیوارده آصیلی ایدی. کچن بالقان محاربه سنده شهید  
دوشن پک معزز بر آرقداشی طرفندن فطوغرافی یه باقیلا باقیلا یاییلمش.  
فیلسوفک کنجلیکینی کوستریور .

شهر لونگک اوزرنده سازلرده واردی . «بوزوق» لره پک زیاده  
مراق صاردیغنی ، حتی شو آئنده طوتدینی صدف ایشلمه صاپلدیغنی ده  
بروسه ده بر صنعتکاره اصمارلامش اولدیغنی سویله دی. اونی اوکر نمه که ده  
اوغراشیورمش . فیلسوف قرقدن صوکره ساز چالیور ، اساساً  
اونک کنیش ، حساس دماغنی صارصمان ، اوراده خیلی قوی ایزلر بر اقامان  
کچن بر صنعت ، بر علم تصور ایدیله بیلیر می؟ داماء شطرنج ، زیبک اویونلرینه  
قدر ، گبری ، بکتابشی ، ماصون ، فته تیشیدست آیدنلرینه قدر هر  
شیئدن دم ووراییلیر ، ذوق دویار و دویورر .

انسانه ساعتلرک کچدیکنی اونوتدیران متنوع ، رنگین و در بدر  
مصاحبه لردن آیریلماق ممکن اولامایوردی . فقط آرتق آقشامدی . باغچه نك  
میللی وقوملی بوللرندن ، قوجه آغاجلرک آلتندن قاپی یه طوغری ایندک .  
فیلسوف قالین کوکده لی یوکسک آغاجلری پک سور ، کولکه لرنده  
چالیشمقدن حظ طویارمش . کونده اون ساعت او قوریازار و هیچ  
یورغوناق حس ایتمه زمش . هله بوضوک آیلرده ، یکی چیقاجق بر فلسفه  
کتابنک مسوده لرینی بکله یین مطبعه یه قارشى اهالچی کورونمه مک ایچون  
برقات ده اهمت صرف ایدیور ، و هفته ده ایکی اوچ فورمه یتشدریورمش .  
آسودکی ایچتده تتبع ایدوب یازمه بیلدیکی کبی دیویتتی ، قلمتراشی  
- اوت فیلسوفک دیویتتی قلمتراشی ده وار ، گوسته ردی - آلار ق شویله  
اوطه نك اورته سنه اسکی قاضی افندیلر مثللو باغداش قوروب ، چوجوقلرینک

جیوانیلری آره سنده ، راحت راحت تحریراتنه دوام ایدم بیایرمش .  
حق بزم بك بکندی کمز بعضی نفیس دیوانلری ده سعیده نظیفك  
کورولتیلری آره سنده ابداع ایتمش . صول الی اوغلیله کوره شیر ،  
صاغ الی ده مصراع یازارمش .

\*  
\* \*

مسافرلرینی لطفاً اسکله یه قدر تشییع ایتدی . اطرافزی صاران ایلك  
قارا گئلقلر آره سنده ، شیرید کنارلی سیاه چوخه مانطوسنه بورونمش  
بو صیجاق آدم کندی نك طونجدن بره یکلگی گبی هیبتلی گورونیوردی .

## سليم سري بك

کندیسنی بوملکسته مسلیکنه عاشق نادر سیالردن بری اولارق .  
طایریم . ثباتنه حرمت ایدرم .

مقاله لر ، حکایه لر ، کتابلر ، مجموعه لر ، مکتبلر ، بایراملر غایه سنه  
اولاشمق ایچون قوللانیدینی بوتون بوتجهیزات ، سعینه براردو فعالیتنی  
خاطرلانا جق هیبت ویرر .

بن ، وجودی قوتلی برآدم دکل . کرچه مکتبلیکن برآز ژیمناستیک ،  
خصوصیه برآز سپوریا بدم . مثلاً دواملیجه قوشار ، اوزونجه آنلاردم .  
بونسکه برابر آرقداش لرینک استخفافدن قورتولامایا جق قدرده  
بحریکسز فوتبولجیدم . فقط چوققلغمدن بری قیرلری ، قوشمه لری ،  
یوزمه لری ، کورک چکمه لری سوه رم واونلره دائرده بر قاج کتاب  
کوزدن کچیردم . دهاپک کوچوکلکمده ، بابامک احبابی شیق ، قومرال  
ونشئه لی برضابط اولارق طانیدیغ سلیم سری بک ، کتابلرینی ایلک  
اوقودیغ تربیه بدنیه معلمیدر . تا اوققتدن بو صوک هفته لره قدر ،  
ساده ، مفید یازیلرینک دواملی برقارئیم . مسلیکنده کی تحول وتکا-  
ملرینه مدافعه لری ، ایضا حلریله کرچه واقفم . فقط تجدد مزک تاریخنده ،



کنجلیکه الک مثبت خدمتلردن بریخی کورمنس فیعتنی برسیمیا ارلارق  
یاد ایدیله جکینه تماماً قانع بولوندیغیم بواسطه بالذات قونوشوب بعضی  
شیئلر صورمنی کندجه الزم عد ایتدم . اونک ایچون نشان طاشنده کی  
آپارتماننده بوندن ایکی اوچ کون اول کندیسینی زیارت ایتدم .

کیمیک کبی سرت تختلی، اوچوق کهر بارنکلی اسوه چ یازیخانه سنک  
باشنده ، ینه بر مقاله حاضر لاملقه مشغولدی . صولنده کی ایجه اوزون  
یان پنجره سندن ووران ایشیق لر ، یوزینک حقیق یرلرنده پاراق ،  
چوقور طرفلرنده کولکه پایور ، اوکایورغون برحلاوت و بریوردی .  
بولوندیغیم اوطه سلیم سري بکک صالونی دکل ، مسلك اوطه سیدی .  
رده جلالی لیلوله ثوملر ، دیوارلرده اسوچکاری ژیمناستیک چرچیوه لری ،  
مردیونلر ، دیرکلر ، اورته یه طوغری کنیش و یاتیق ماساژ صندا .  
لیه لری ، کوشه دایالی ایسکیلر ، استقریم قیایجلری ، نهیس را کتلی ،  
غولاف طاقلری واردی . یاریسنه قدر بوز جاملی کنیش قابو قنادلرندن  
برینک آرقه سنده بویوک بر کتاب دولابی ، اورته سنده ، اوستی طونجندن  
بر فوتبولچی هیکلیله سوسلو ، دوزر کتاب رافلری : ایچلرنده تربیه  
بدنیه و تشریح دائر ، سپوره ورقصه دائر کتابلر ، واولنره جوار  
ادبیات جدیده تالیفات ، ژان ژاق روسو ، پول بورژ ، ژوسه تولر .  
محرم و صمیمی براسوچ ژیمناستیک صالونی !...

استاد ، بنمله قونوشمق ایچون یازیسنی بیراقدی . صندالیه سنی  
دوندوردی . اوزرینه بولیشیل فوژه دلردو کولان ایجه کیام اورتولی بر  
کوچوک ماصه نک یاننده کی آلاتورقه مندرده اوطور ییوردیم . اوکمه

اوفاجق برصاری مانغال و آلتنده مبدول چيچکلی قویوماوی برسیله  
سیجاده سی واردی .

ایلاک سؤالم عائله سنه دأردی .

سلیم سری بك ، قره طاغ محاربه سنده شهیددوشن باباسی یوسف  
بکی سیماجه طانیمايور . اونك یالکیز حسن خطله مکتوب یازدیغی  
بیلیور . آنه سنك آکلایشنه کوره اوزون بویلی ، شن و کور سسلی  
برضا بطمش .

سلیم سری بك ، چوجوقلق دورینی اسکدارده کیرمش کندیسنه  
ژیمناستیک مراقبی سلطانیده فائق بك ویرمش ، صوکره طانیشوب  
دوست اولدیغی فیلسوف رضا توفیق بك اونك بومراقبی آرتیرمش  
وبرلکده سنه لرجه ژیمناستیک یامیشلر . فقط ذکالری مکتب صره لرندن  
زیاده حیات تجرب به لرنده کویسترن برچوق طابه کبی سلیم سری بك ده  
مکتبده چالیش قانلقدن فضله حاشا ریغی آکیلیر بر چوجوقش .  
سالماتی بی دردنجی صنفده ترک ایتمش ، اولدجه قوتلی بر فرانسه زجه یله  
مجهز اولارق مهندس خانه به کیرمش . اوراده ده بك اوصالو ، بك  
چالیشقان برشا کرد دکلش . بو ایضا حارندن ، دها دوغوشدن بر  
مجادله ، بر بدنی فعالیت احتیاجیه مجهز اولدیغی آکلاشیلیوردی .  
مسئلکینه فصل باشلادیغی صوردم .

— مکتبدن ۱۳۱۲ ده ضابط چیقنجه اولا چناق قلعه به ، صوکره  
ازمیره کیتدم . واوراده درت سنه قدر قالدیم . ایلاک ژیمناستیک معلملکم  
ازمیر اعدادیسیله ازمیر صنایع مکتبده در . طبیعی اوزمان بنده  
طلبه لر مه تجربی اصولی اوکره تیوردم . حتی استانبوله عودت ایدوب

تخصیصی اكمال ایتدیكم ، مهندسخانه یه ژیمناستیک خواجه سی اولدیغ  
زمان عین یا کلاش یولدن دوقوز اون سنه یورودم . آوروپاده انتشار  
ایدن اثرلری اوقودقجه ، تدقیق و تتبع ایتدجکه عافیتی انسان یتشدیرمکدن  
زیاده غیرطبیعی بر صورتده قول و کوکده عضله لری ایری ، پهلوان و یا  
جانباز یتشدیرن اسکی ژیمناستیکلری براقدم . و مسئله یی یرنده تدقیق  
ایچون جهانک مظهر تقدیری اولان اسوه چه کیتدم . عودتده ترایه زه می  
طاواندن سوکدم ، کوله لریمی ده کومورلیکه آتدم .

بوراده سلیم سری بکک اوزون اوزادی یه محررلیکنندن ، عسکرلک  
و حریت مجاهدلیکی حیاتندن بحث ایدمک دکل . ثروت قنونده ،  
اقدامده ، شوراده بوراده تربیوی ، اجتماعی مقالدر ، اوردو وظیفه لری ،  
مشروطیتک باشنده کی انضباطی خدمتی ، جوشغون خطابه لری ؛ بونلری  
هرکس اوقودی ، کوردی ، بیلیر . صوکره دوغرو سوزلر ، وزجه  
مجهول حیاتلرکی نفیس باصیلیمش ، کندیلرینه قاره بولش ، سهویله رک  
اوقونمش کتابلری ده وار ... لیکن بن ، استادی ، کله جک نسللرک  
طانیاجفی اک بارز شخصیتیه ، بر تربیه بدنیه مرشدی صفتیه زیارته  
کیتیمشدم .

دیدم که : « بزده ژیمناستیکک ماضیسی حقیقده نه دوشونورسکز ؟  
بو خصوصده کی قناعتلریمی ( یکی مجموعه ) نک ۲ نجی و ( ۱۰ ) نجی  
صاییلرنده ایضاح ایتدم . اجدادیمزک آته بینمسی ، جرید آتاسی ،  
کورز صاللاماسی ، قلیبیچ قوللانماسی ، اوق آتاسی ، کوره شمه سی  
تربیه بدنیه دکل بدن ادمانلری ایدی . اونلرک غایه سی ایی محارب  
یتشدیرمکدی . اوزمانک اصول حربی اوق و جرید آتاق ، قلیبیچ

قوللانمق كېيىنكى فردى ادمانلاردا نمارسە پيدا ايتىكى ايجاب ايتدیريرمش .  
بوكون مجادلالات اجتماعیه به مطلوب اولان قوتك ماهیتی دكیشمیشدره .  
أسكیدن پك بكنديكى ، حتى فائده لرينى كىتابلارنده شدتله مدافعه  
ايتديكى ، انرلرينك صحيفه لرينه ، كندىنى برالله دميره چكن ، خلقه لردم  
يالكىز اورته پارمقلىله جهنم دن افقى وضعيتلردم دوران رسملىرى .  
باصدیرتدینى او دور علمنه نچون دونديكىنى صوردم ؟

او دوردن دونمە ديكىنى ، او كهنه دورى آشدیغنى سويلەدى .  
— نچون آشمق ديورسكز ؟

او دورى سليم سىرى بك عضله ياپان ، فقط صحقى ادامه ايتمين  
براصول دورى كېيىن كوريور . ايقىتيله قالدیريلان آغير كوللر .  
شدتلى احتالاجلرله ياپيلان زور حركتلر اعصابى ، قلبى بوزار ، جريان  
دمى ، طبيعى تنفسى اخلال ايدر . فضله اولارق وجودك آلت  
قسمنى جيليز براقير ، بدنك تناسبى ، ظرافتى اخلال ايدر ، حتى برعضوى  
ديكر عضوك رغمنه نمالانديرره ديور . ديكر طرفدن ده اسكى ژيمناسىتى  
هر شخصه كوره ، ياخود بويوك زمرة لرايچون قابل تطيق بولمايور .  
برملتك آره سنده تراپهز ، خلقه ، دمير حركتى ياپاييلان اوچ درت .  
يوز كنج يتيشه جكنه بوتون ملت افرادينك كوربوز ، كوكسى .  
صاغلام ، چويك ، سىرى يتيشمه سنى دها طوغرى بوليور .

— پك اىي بو نتيجه به ناصيل واصل اولديكز ؟ ديدم .

سليم سىرى بك بو محذورلى تجربه وتبعلرينك نتيجه سنده .  
كورمش .

— اونك ايچوندركه ، قناعتلرېمى صلاحيتله تاسيس ايدم بيلمك .

اچوندرکه ، اسوه چه تحصيله کيتمک صيق صيق روحی بوقلايان  
بر امل اولمشدی ، دیدی .

اسوه چ ، ژيمناستيكك بدیی ، فيزيولوژی ، تشریحی بر سحت عاملی ،  
عادتا بر نوع سحت علاجی اولدیغنه استادی اقناع ایتش . بورایه  
دوندکدن صوکره معارضلرینک هجوملرینه قارشى سرد ایتدیگی  
مدافعه لرك روحی ، آکلاتدیغنه کوره شویله خلاصه ایدیله بیلیر :  
ژيمناستیفی کهنه ، آمپرک ، فردی ، سخته آرز نافع معرفتلى مجموعه سی  
حالدن قورتاروب اك ضعیفلردن ، اك تشکله استعدادلی وجودلره  
قدر تدریججه ، علم وفله تطبیق ایدیلیر ، عمومی واجتماعی بر بدن  
تربیه سی حاله قویمق . آرتق یکی نسلدن نه پهلوان قوتی ، نه جانباز  
چویکلکی بکله نیر . بزه ، انتظام داخنده فعالیت سهرور ، عافیتک  
قیمتی بیلیر ، روحی وفکری تربیه سنه اهتمام ایدره ، اراده سنه صاحب  
آبی دوشونیر ، بحریکلی بر کنجلك لازم . وارسین قولاری قالین  
اولماسین ، وارسین ، عضلاتی دمیر کبی سرت اولماسین . فقط سیکیرلری  
صاغلام معدنه سی صاغلام ، قلبی صاغلام اولسون ، یوروسین ، قوشسین ،  
آتلا سین ، طرمانسین ، یوزسین . وبونلری اعتدال واصل تخننده ،  
دواملی یاپسین .

— فقط آرتق اسکی اصول هیچ اورته ده قالمایه جقمی ! دییه صوردم .

— قالماز اولورمی ؟ هر ممالک منده جانباز خانلر یوقی ؟ اك تهسکلی ،

اك شایان حیرت معرفتلى موفقیتله یاپانلر یوقی ؟ وار آلت ... بز  
اویله لرینی حتی آلفیشلارز . چونکه بو ، نهایت بویوک هنردر . دیدی .

— بک آبی غایه کزه نه یولدن یورویورسکز ؟



اوزمان قونفرانسلرینی ، کتابلرینی ، بر وقت بویوک فدا کارلقلرله  
یرسنه مدت دوام ایتدیردیکی تربیه مجموعه سنی، صوکره دارالمسلمینده کی  
تدریساتی آکلاندی .

— تربیوی ژیمناستیکلر آرکاک چوجوقلره ، کنج قیزلره، معلول  
یاشیلرله، هرکسه کوره قابل تطبیقدر . دارالمعلمیندن یکی فیکری  
قاورایان معلملر یتشدکجه بو اصول ولایتلرده یاییلیور . ملتک بدنی  
نجات یولانی بن آنجق بو طرزک نشر وتعمیمنده کورییورم ، دیدی .  
— اسوهچ اصولی یکنسق ، قولای حرکتلردن عبارتدر ؛  
خسته لروچوجوقلر ایچون ایدر، فقط دلیقانلیلره کافی دکلدردیورلر!..  
— بزم ملکتهده هرشی دیرلر؛ فقط دینلرک بریسی نه اسوهچی  
کورمش ، نهده مسئله یی اساسلی بر اژدن تدقیق ایتشددر .  
مع مافیه سزدهده بر کره بونی ایضاح ایدیم . قولای ویکنسق کبی  
کورون حرکتلر نه ظن اولوندینی قدر قولای ، نهده یکنسقدر .  
موسیقیدن آکلایان بر آدام برویرتوئوزک پارمقلرینک قلاویهلر  
اوزرنده سرعت حرکتینی کورونجه بونک پک قولای بر ایش اولدیغنه  
حکم ایدر . وکندیسی ده عین سهولت وسرعتله فیل دیشلری اوزرنده  
پارمقلرینی کزدیریر ؛ فقط بر قاقوفونیدن باشقه بر ایش کورمش  
اولماز . اکر یاییلان حرکتلرک فیزیولوژیک وپسیقولوژیک تاثیر  
دوشونیلمه دن راست کله بش اون ممارسه متماًدیاً تکرار ایدیلیرسه  
بونک طوغرودر . آنجق جمعیت حالنده فعالیتی مطلوب اولان  
چوجوقلره تحلیلی بر طاقم ممارسات بدنیه دقت واهتمامله یابدیریلیرسه  
اونلرک هم وجودلری، هم فیکرلری فائده کورور . هم اسوهچ اصولی،

حرکات بدنیه دن عبارت دکدر . اونکده وجودک تکملنه خام بر چوق آلتلری وارددر . یالکیز او آلتلره مخصوص تربیه بدنیه صالونلری مع الاسف بزده هنوز یوقدر .

اسوهچ اصولی ایله اسکى اصول آراسنده کی فرق لر شونلردر :  
 اسوهچ اصولی تربیویدر ، اسکى اصول اختیاریدر . اسوهچ اصولی تنفسیدر ، اسکى اصول غیر تنفسیدر . اسوهچ اصولنده چو جوغه ذوق ونشئه ویرمک ، اونى سربست بر اتمق ایچون متعدد اویونلر وارددر ، اسکى اصولده اویون یوقدر . اسوهچ اصولی اولاسیکیرلری صوکره قابی ، جکرلری ، معدیه یی واک صوکره عضله یی دوشونیر ، اسکى اصول اولاعضله یی دوشونیر . اسوهچ اصولی اجتماعیدر ، هرکسک یاپه بیله جکی فائده لی ممارسه لری احتوا ایدر . غایه سی مختدر . اسکى اصول اولاعضله یی دوشونور ، اکثریا دیگر عضولرک ضررینه دوشونور ، غایه سی کوستریشدر . اسکى اصولی یالکیز استعداد وقابلیق مساعد اولان بر قسم کنج لر یاپه بیلیر . اسوهچ اصولی ایسه بوتون برماقی احیا ایدمه بیله جک ممارسه لری حاویدر . کوریورسکیزیا ، فرق شکله دکل اصلده در . یکرمی سنه بو ایشلره وقف حیات ایتدکدن صوکره ماهیتنی تدقیق ایتهدن ، فائده سنه قانع اولادن بر اصوله طرفدار کورونمیه جکمدن امین اوله بیلیرسکیز .

— بعضیلری تربیه بدنیه نکده ملی اولماسنی آرزو ایدیورلر ؟  
 بوملی نه دیمکدر ؟! ایضاح ایدمه میسکیز ؟

— تربیه بدنیه ده فیزیق کبی ، کیمیا کبی حد ذاتنده قاعده لری هر مملکت ایچون بر اولان بین الملل بر قندر . ملی اولسه اولسه اویونیر

بعضی اسپورلر ور قصلر اولایلیر که اوکاده چالیشورز. مثلا زیبک اویوتی  
تحلیلی بر شبکه قویقد . ملی اویونلردن بعضیلرینی تصحیحدن کچیردک .  
کتاب طرزنده نشر ایتدک . « دیدی .

اورتالاق قارار مشدی . استاد ، الکتریک دوکمه سنی چویردی .  
طاوانده کی آلچی چیچکللی کوبکدن صاری صابه آصیلی قالارق صارقان  
بلور لاله فانوس هر طرفه مساوی ، صیجاق برایشیق یایدی .

سایم سری بک قیزلرینی چاغیردی . ساده وتمیز کیملی ، نارین ،  
تربیه لی و آتیک ایکی قیز ، سلما ایله آزاده ، المی صیقیدیلر . بر آز  
قونوشدق . صوکره بابالرینک توصیه سی اوزرینه سس سنز و سویی  
ایکی کدی کبی مر دیونلره ، چرچیوه لره قوشوشیدیلر ، بعض حرکتلر  
یایدیلر . سلما ، چرچیوه نك دلیکلری آره سمنده کوچوک وجودینی  
ییلانقاوی حرکتلره قیویردقچه ، بر آغده چیرپینان تلاشلی بالقلری  
آکدیریئوردی . آزاده ده مر دیونلرده باجاقلرینی افقیله شدیریئور ،  
بر مقاص انتظامیله آچوب قاپایوردی .

بونک اوزرینه تنفس حرکتلری یایدیلر . و بابالرینک اینجه برصو  
صیزلتیسی ملالیه چالدینی فلوته آياقلرینی اویدرارق بعض حرکتلر  
دها کوسته ردیلر .

استاده تشکر ایده رک صمیمی صحبتندن بر حرمته آیریلدم .

## سایمان پاشا زاده سامی بك

وفاتی مناجاتیله

بو هفته ، غزته لرك صوصدینی کونلردن برنده ، ادبیات جدیده  
بر شاعردها غیب ایتدی . ذاتاً بایرام طویلری ایچمزدن اکیسان  
سوکیلرک سونوکه شمش آجیلرینی اوچوق برمالاله ده شرکن ، اونلره  
تازه بر کدردها اکلندی : سایمان پاشا زاده سامی بك !

احتمال اونلکه بایراملاشمغه کیدن بش اون وفاکار دوست ، بش  
اون یتیم چوجوق وبش اون قلم آرقاداشی خلوق شاعرک ، حایلینده  
جنازه سنی بولدیلر ! اوده فکرت کبی ، طویولمادن ، بر قاچ صمیمی  
اوموزده کچوب کیتدی . حیاتی کورولتوسز و کوسته ریشسز اولمشدی ،  
جنازه سی ده ، کیم بیلیر ، غلبه لقسز و دبدبه سز اولمشدر !

زووالی سامی بك ، نه مثاسز بر انساندی ! کبار ، نریه ، متین ،  
غداکار ، خیر خواه ! . .

خیج محرومیتلره زده له نمش بر وجودده تمیز و بیاض بر روح  
طاشیردی !

کیم بیلیر ، کله جک زمانک فضله دیدیکله یین قارئلری آره سنده

بوخلوق شاعر ڪندينه مفتون بر آشنا بولاجقمي ؟ بلڪه خاير ! فقط انسان سامي بكي طائيان بونسل ، شبه ايمه يورم كه اونك مصراعلرنده خسته ، نازك ، ڪنيس صورتده مغوبله شمش بر روح سوه جك !

آلبت ، سامي بك ده هر شاعر كبي عشق سوردى . فقط عشق ، اونك نظرنده ، نهايت با كر بر آله دو كولن صاچلره قونمش حزين بر وداع اوپوجي قدر ماديله شه بيله جكدى .

سامي بك حياتي هپ تميز ، وهپ تميزلكدى . قهرمان روحلى وقهرمان اخلاقي انسانلره اك چوق محتاج اولديغمز بر زمانده اونك بويله خبرسز چكيليويرمه سي نه آجيقلى شى !

فكرت بزدن چوق يوكسكده وبر آز اوزاقده طوردني ايچون اونك صاغلام اخلاقي ، كوزلرمزى قاماشديرردى . حالو كه سامي بك ، ياني باشمزده يوروين ، آرم مزده بزم كير بولاشديرمادن وبزم كيرلرمزه بولاشمادن ياشايان غايت سه ويملى ، غايت مظلوم براخلاق سيا سيدى . هر وقت بر آز سيليڪ قالمايى ، آنسزبن پارلايوب صوكره سونميه ترجيح ايتش بر آدمزدي .

ادبياتده ، نسلنك اك يوكسكى اولارق فكرتى بولمشدى . ڪندى افاده سنى اونك اسلوبنه اك زياده ياقلاشديران ، حتى - بعضى شعرلرنده - اونك اسلوبى ايچنده اريتوب يوق ايتك ايسته ين ، يالك - ز سامي بكدر . ڪندى شخصيتنك رغنمه اولان بو بگزدهش ، شودقيقه ، ايچمه اويله ڪليوركه ، سامي بكي طائيانلر ايچون ، اوني يوكسه اتن بر شيئدر . چونكه او ، سه وديكي اوغربه ڪندي اورتى ردن قالدريويرمه ، احتمال ڪندى ده فرق ايتك سزبن ، اوقدر ميالدى كه : بلڪه اسمنك « سليمان نسيب »



اوناسی ده بابا عشقی ، کندی عشقندن یوکسک و یقین طوتدینی ایچوندی ،  
ممکندرکه دوشوندیکم حقیقتدن اوزاق اولسون . فقط سامی بك ،  
اوزرمده اويله روحلی بر آدم تاثیر بر ایش که بو فراغتلی اوکا  
چوق کورمیورم ؛ بلکه آیری بر اسلوبه صاحب اولمیشی بر نفعساندی .  
نه بیله ییم بن ! فقط اخلاقی اويله قوتلی که بکا ، بو نفعصده خصوصی  
بر عزتیت کوسته ریور ، وبو فراغتی سامی بکه یاقیشدیر میورم .



اورتمدن اوزون بوی و دولغون وجوديله ، قیرانطه صاقلارینک  
یووارلاق چرچویه سی ایچنده کی معصوم سیاسیله بو آدم بنده جانلانیور :  
اونی ، آقشام اوزری ، قلم دونوشی ، سلطان محمود تره سنک  
کوشه سنده کور میورم . صول الی قالجه سنده ، ازلی یولداشلیری  
اولان درت بش کتاب بوکرند ، صاغ آووجنی قولاغنه سپرایده رک  
کنج و کیمسه سز بر ولایت معلمک درد لرینی دیکلیور ؛ و صاقلانی قاشیا  
قاشیا ، قیصیق ، ایقنتیلی سسیله اوکاتسلی ویریور . صوکره آکمزین  
کری دونیور ، آلتون کنارلی کوزلکفی دوزلته رک نظارت قابوسنه  
باقیور . ناظرک اوتوموبیلی ده اوردیسه همان کنجی قولندن چکوب  
حضور نظارت پناهی ، یه قدر چیقاریور . وبالذات شخصنه بر ایش  
ایسترکی محمسی ایچون یالواریور . و بر ده کورسه بیله طانیامایاجنی  
او آدمک کوکلنی ایدوب یوللایور .

ایشته ینه اوطه سنک قابوسنده اون ، اون بش یتیم چوچوق  
کور میورم . همدی ده اونک بر مکته قایردینی ، وقایرتدینی یوقسول

ياورولر ! بومعنوی بابدن هفته لقلرينی ، آيلقلرينی ونصيه قتلرينی آلتی  
ايچون بکله شيورلر .

ايسته اونى ايوبده فکرتك جنازه سنى قارشيلاركن كورييورم .  
قوللاری حيرتدن هواده ، آووجلاری تابوته طوغری آچیق ، دوداقلاری  
تيتيره يور ؛ ضعيفلامغه باشلامش اوموزلرينه آرقداشك اغير لغنی يوكله نيور ؛  
ياشلر ، صقاللارندن كوكسنة دوکوليور .

دها صوكره اونى چنبرلی طاش اجزاخانه سنك قابوسنده كورييورم .  
خی أليه چاغرييور : توفيقك صوك كونلرينه دائر خاطره لرك واردر .  
بكا آكلات ، بكا آكلات ! عمر مده ايكي دفعه حياتی مدهش صورتده  
بوش بولدم وياشامقدن اوركدم ؛ بری بابام تولديكي زمان ، بری ده  
توفيق تولديكي زمان . بوایي انسان هيچ ثوله مه ز صانيردم . دييور !  
ايسته سامی بكا كوزلرمده كي صوك سياسي ، قولاقلرمده كي  
صوك سوزلری :

دها ايكي هفته اوجكه فکرتك مولونده كوردم . آشیان صالونى  
كوموش بخوردانلرده توتن عود آغاجك دینی قوقوسی بورويور . سامی  
بك ، اونى قوقلايان برقويون كي باشی مولدخوانه طوغری اوزاتمش ،  
اوصلى اوصلى ديكليور . البسه سنك ايچنده نه قدر پورصولمش ، نه قدر  
ايجه لوپ ، اوفلمش !

چيقاركن ، يانته كيتدم : « صوك شهر يگنر بك مؤثر دى ، هله شو :

بيليرميسك كه حياتدن آرتق ايكره ندنم  
مانكده بزير آچار سهك ، بو ، اك بو يوك نعمت .

مهراغلر نده نه حزنى بر روح وار ، ديدم .

ألفى يا واشجه قلبه ووردى : « بورادن كلدى ، بورادن ، ديدى .  
وآشيانه ، صوكره بوغازه اوزون اوزون باقدى . يوقوشدن ايندى ،  
غيب اولدى !

مكر آشياندن ايوبه كيدييورمش !

بويوك آله : ۳۰ ايلول ۱۳۳۳

## نڪار بنت عثمان خانم افندي

خاطره لر و تحصيل

دها ايکي هفته اول عسکرلرک اوموزنده دالغەلاناڻ يمنيلى تابوتى  
حزنله تعقيب ايتديکم نڪار خانمک اسمى ايلک دفعه تيزه مدن طويدمدى .  
اووقت آتى ، يدى ياشلرنده برچوجوقدم . . . پاشانک قوناغنده  
کوروشديکي « شاعره نڪار خانم افندي » دن حرارتله ، مفتونيتله  
بحث ايتشدى : « اونک قونوشمهسى اوتەکي خانملرککندن آبرى ،  
سوزلری اوتەکي خانملرککندن تأثيرلى ، تربيهسى اوتەکي خانملرککندن  
کبار ، بيلکيسى اوتەکي خانملرککندن يوکسک ، مش .

بوندن اوچ قيش اول برصالى اقشامى نشان طاشندهکي قوناغانک  
لوش وغالبهلق سالوننده کنديسنه تقديم ايديليرکن چوجوقلق خاطرهم  
تيزه مک ورملى سسيله برابر تکرارجانلاندى .

نڪار بنت عثمان خانم افندي جدا پوروزسز قونوشوردى .  
صانيورم که سوزلرنده قولايلىق اعتباريله فرانسزجهنک تورکجهدن ،  
رومجهنک فرانسزجهدن ، آلمانجهنک رومجهدن فرقى پک آزردى .  
سالونندهکي مسافرلره بونلردن هانکيسيله خطاب ايدرسه ايتسين

هر وقت - نه اینجه، نه ده فالین - سنک حلاوتی کله لره ده فاضله بر هیجان، مخاطبه ده فاضله دیکله مک آرزوسی ویرردی. بولسانلری او، هفته اینجده فلان سلطان حضر تلرینک دعوتنه کیتدیکنی، فلان کنج شهزاده حضر تلرنده کی قونسره اجابت ایتدیکنی، اولکی کون فلان خانم افندینک قوناغنده چایه، فلان تیاترویه مدعو بولوندیغی، دون سیکرلرینی دیکله ندرمک ایچون یاتاق او طه سندن بیله چیمه ادیغی آکلاتمق ایچون قوللانمشدر. لسان وادیات مناقشه لری، موده و ظرافت مصاحبه لری ده ایکنجی درجه ده قالیردی.

دعوتلیرینه یوکسک زیارتلرندن دایما بحث ایدن بو آوروپا کاری خانم افندی بی اکر یکی طانی دیکر سه بر آزاو کونیور آوروپا طرز حیاتنه موباسانک حکایه لرنده کی بر بورژوازی کی اوزه نیور، صانا بیلیردیکز. دیوارلرینی - بر کبارلر وادیلر مشهری کی - فوطوغرافده قاباماسی بودوشونجه کزی قوتلندیره بیلیردی. فقط مملکت ونسلی تربیه سی ایچون خواص صنفک لزومنه اینانان بوقادینده، او، عادی بر اوزه تی دکل، طبیعی بر آرزو، حق بر احتیاجدی. و بو احتیاج، کیم بیلیر، اوکا، اصالته باغلی قلمنی سور مجار قانندمی کلیردی؟ یازین حصارده کی یالینسده، قیشین نشان طاشنده کی صالوننده کچیردیک حیات بو احتیاجک اونده نه قدر صمیمی اولدیغی کوسته ره بیلیردی. نارین قایینک جلاسی، صوچیر پنتیلری اوستده ریختم طاشلرینه سورتلرک صیریلدجه، حریری کوملک پو طور کیمش قایقه جیلره، ده دقت ایتمه لرینی یالی قفسندن صیق صیق تنیه ایتدیکنی هیچ کوسته ریشسر، هم او کونلری اوزله یین بر تأثرله آکلانیردی. مایس اورته سنده کی مهتابی کیجه لری هر شیه ترجیح ایدردی. آه ایش-یغنده، آقدینی آنجق چیرپنیلرندن



و پارلتیلرندن بللی اولان صولر اوزرنده ، اوزاق بلبل سسلری ،  
تنها چانی آهنگلری ، حزلی قوربغه ایصلقلری دیکلهیه دیکلهیه ،  
یاری قارا کلکده بوتون بوتون هیبتله شمش حصار قولهلرینه باقا باقا  
یالیسنه دوندیکی دملری تلفله آکاردی . صوکرده کور حاجلی  
باشی چویرر، ایکی چفته قایقده آلدیردینی آطلاس شمسیه لی، یاشماقی  
رسمنه باقاردی .

صولر ، قایلرده اویقوسنی قاجیراجق قدر شاریلدامغه ، روزکار  
قفسلری صیق صیق طیقیردامغه باشلانچه باغچه نك صارارمش یپراقلی  
یوللری شمسیه سیله قورجالایه قورجالایه بوغازدن دوزدی . آرتق  
قوپه لرده نشان طاشی دولاشمه لری باشلاردی . به توفن سه مفونیلری،  
خریق مارشلی، یاخودده نهاوند فصللری، صباحی فصللری چالینان  
وکلانك حرم دائره لرده خالایقلر وخاتم افندیلر اونو حرمتله قارشیلار،  
حرمتله دیکله ردی . استانبولك کبار حرملرنده دائمانه بکله ن قیمتلی  
برمسافردی .

کرچه بن کندیسيله شرفیاب اولدیغ زمان حیاتنك بوکنیشلکلی  
برآز دارالمشدی . شاهرینه آتی آی قوناغنده ، آتی آی یالیسنده  
یاشاربرخانم افندی . فقط چایلرینك رنکی براز صولمش، پاسته لرینك  
شکری براز سوزولمشدی . بونکله برابر یوکسك موقعنك وقارینی  
حادثا دیندار براعتنا ایله طومغه چالشدینی اك اوفاق حرکتلرندن بیله  
اوقدر آکلاشیلردی که ... اونده ، ایچی قورت ینکلیله توزلانمش،  
اسکی یالیزلی ، اصیل برچرچیوه ظاهری واردی .

نکار خانم افندی جدا صایماسنی و صایدیرماسنی بیلیردی .

عبدالحق حامد قدر الك طائمش، الك طایلمش برشاهردن، الك شهر آتمز  
بر محرر طا الاغنه قدر، رتبه سی و نشانلری الك چوق رجالدن موقی  
الك سونوك مأمورلره قدر كندیسی هر زیارت ایدنه اصلتندن بر هوا  
یار آتمشدر. نزاكتی اوکا هپسی منون ایدمك، كندی ده منون  
قلاجق ظریف، نزیه، التفاتلی جمله لر بولدورمشدر.

کیمسه بی قیرمامغه چوق دقت ایدردی. حتی دیورلرکه، ایچون  
ملاقاتنه کیتدیکم زمان: د براز تهاجگار بر جمله سویله یه جك اولورسه  
لطفاً ایقاظ ایدك. چونكه نزاكت سزلكدن تحاشی ایدرم، دیمشدی.  
بونكله برابر بوقادینی یالکز صالون حیاتندن خوشالانان، بر محبه سیله  
کچیره جکی ایکی نشئه لی ساعت اوغربنه اوینی اهل ایدن بر خانم تصور  
ایتمك حق سز ویاكلش اولور. اوینك هانکی اوطه سنه کیرسه کز  
اوراده تیتیزجه بر تمیزك بولوردیکز. یمکنی وقتنده بین، دیکیشی  
وقتنده دیکن ترتیبلی بر خانم دی. هر صالی بشقه بر آلبسه یله قبول ایتمك  
عادتیدی: بوصالی، لوئی فیلیپ سراینده کی بر دام دونورك قیافتی  
آکدیرر فضله خرچلی، فضله سوسلی، اوزون اتکللی برقالین روب  
ایله اوطورردی. ایرتسی صالی مبذول واسکی بیچم مجوهرلریله او یله  
صانیردیکز که اوروپا سوسنه پك مجلوب بر شرق سرایی خلقندندر.  
اوچنجی هفته آرقه سنده غایت ساده بر بلوز، غایت دوز بر اتمكك  
کورردیکز. بوتون بوقیافتلرک بیچملری ورنکلری شخصه مخصوصدی.  
موده مجموعه لرینی موسم موسم تعقیب ایدن قیافت و ظرافت دوشکونی  
کنج خانم من ایچون نکار خانم افندیك کینیشنده تنقید ایدیه جك  
نقطه لر بولماق قابل دکلدی. فقط بیلمم که، بو، ادبیات

قادینلرینه ساری وهر مملکته مخصوص بر عادتیدر؛ اولردن بر چوغی،  
 رسملرنده، «نهایت» یاخود «دی دامه»، یاخود «شیق پاریزیه»،  
 یاخود «له موده» غزته لرنده کی متلون - صوک موده توالتره طابان طابانه  
 ضد قیافتلرله کوردن. مثلاً: اوزون اپک انتاریله تئنه بر باش اورتوسندن  
 خوشالانان قارمن سیلوا، فوطوغراف اوکنه مائینه یله، آلی چکه سنده  
 اوطوران زیپ، ارکک قوستومیه و کسکک صاچلریله دیولافوا، قبابریق  
 اوموزلی بلوزی، تپه دن کوچوک طوپوزیه دانیل له زوئور، غایت  
 کسکین رنکاروشخصنه مخصوص صورغوچلی غریب شایقلر و مبالغه لی  
 یچملرله برجنت قوشی تلوننه مالک قونته س دونو آی!... اویله دینه بیلیرکه  
 هپسند، خیاللرینک یاراتدیغنه بشقه قلملرله، بشقه ذوقلرله دوزله تیلیمش  
 شیردن فضله اینانان صنعتکاره فانته زیلری، وار. نیکار خانم افندی ده  
 اولردندی.

نیکار بنت عثمان خانم افندیده عائله رابطه سی، وأو صاحبی اولق  
 عشقی چوقدی. سحیه اعتباریه باباسنی توفیق فیکرتله بر طوتاردی.  
 باباسنده کی اصالت مراقفی، باباسنده کی وظیفه پرورلیکی اون آلتی یاشلرنده  
 بر قیزک مکتب دهلیزلرنده اک محرم آرقاداشلرینه سویله دیکی صفوت  
 و بکارته آکلاتیردی. چوجوقلرینه قارشلی اولان محبتیه پایانسز،  
 حرمتی ده غایت جدیدی، هیچ بن بوقدر مراسمله سهویشن، بر برلرندن  
 بوقدر نزاکت و تربیه یله بحث ایدن آنا و چوجوقلرله راست گلدم.  
 بوکا رغماً اوند هپسندن آیری یاشامنی، ایچلرندن برنده  
 مسافر یاشامغه ترجیح ایدردی. اولرک اصرارلی دعوتلرینه موافقتله  
 جواب ویرر، صوکره وعدینی اهل ایدر کورونوردی. عجبامدهش

بر درجه یه وار ان سیکیرایجه عزت نفی می بوکا مانع اولوردی ؟  
 هر حالده نکار خانم افندیده حیانتک مادی ، معنوی اوزونیتلیری  
 چوجوقلرندن بیله کیزله مکه چالیشان تمکینلی بر آنا ، ایچندن نه قدر  
 صارصیلسه طیشنی برطونچ سکونیه کوسترمکدن یورولماز وقارلی بر  
 قادین روحی واردی . نکارخانم افندی ، مجارعثمان پاشانک قیزی ، منیرک ،  
 فریدونک و کرامتک آناسی ، عثمانلی ادیبانک معروف برسیماسی اولدیغی  
 هر حالده پک قوتله طویاردی . حتی بوتون حیاتی بو عائله شهرتیه  
 بو ادبیات شهرتی لایق اولدقلری موقعلرده طومق ایچون صرف ایتدی .  
 فقط صولک سنه لرده کی اوزونیتلر قاشلرینه آره صره بلیرن بر  
 چاتیقلق ، سنه آره صره دویولان سیکیرلی برتیره کلک ، کیرپیکلرینه  
 آره صره اینن یاشر کتیردی .

کچن سنهیدی . براقشام یمک وقتی قابومز چالیندی . خدمتجیسی ،  
 خانم افدینک بنی ایسته دیکنی سوبله دی . کیتدم . « جیجیم » قابلی  
 کنیش سیدرده اوطورمش ، کوچوک ساقسونیا محفلرده یمک بیوردی .  
 سهویندی . کرامت بکک و یانه یه کیدرکن بیراقدینی غراموفونی  
 کوسته ردی . « اولجه سزدهیدی . علمنی بیلیرسکیز . رجا ایدرم  
 دوزه لیک ، دیدی . اوکون درت دانه یی پلاق آلمش ، اونلری مطلقاً  
 دیکله مک ایسته یوردی . فقط بوش امک ... ایکنه او قدر چیزرتی  
 یاییور ، پلاق او قدر میریلدا یوردی که هیچ برشی آکلامق قابل دکلدی .  
 اوزمان اوفسکه لندی . ایچنی چکدی . « آرتق بو دنیا بکا بو قدر  
 اکلنجه یی بیله چوق کوریور . ألم وحدت ، ألم وحدت ، دیدی .  
 بز بعضاً نه قدر سطحی کوروشلی ، نه قدر سطحی محاکمه لی یزدر .

ترکیبلی و مروضلی مصرعلرک یالکیز صنی اولدقلرینی ادعا ایدم دوز .  
منطقمزلک آغیر باصقیسی قلبمزی صوصدورر . ققط بر لحظه لک هیجانده  
بعضی برقاج ییلق محاکمه لری ییقان او یله خارق العاده بر قدرت  
وار که ... نکار خانمک بوتون اونک پوت دولو مصرعلر نده کی باکر ،  
جید ، ملاللی روحی او کیجه بو ترکیدن صوکره غایت قوتله طویدم ! ...  
ادبیاتده اوزاق بر خاطره کبی صولفونلاشان اثر لری ، و خاطره لرله  
جانلامغه چالیشان دورغون حیاتی نظر مده بردن کنجه له شیویردی .  
نکار خانمده او کیجه ، چوق سلطنت کورولیسندن ، چوق شملک قهقهه لرندن  
صوکره تنه ابر او طیه دوشمش ، قولالرنده حالا اوسسلرک او غولتییسی  
چینلایان ، کوزلرنده هپ او صحنه لرک پیرلتیسی او چوشان بوزوق  
سیکیملی کچکین و یالکیز بر خانم افندی حالی واردی ؛ چو جوقلرینک  
و فاسنه بیله اینانامایاجق قدر مرشیدن آجی آلمش بر آنا ، بر قادین ،  
بر شاه حالی ... ظن ایدم اونی بوتون حیاتنده بر کلبک حقیقله کیله  
سیرانلره ، دعوتلره او چوران شیده بوایدی : ألم وحدت قورقوسی ...  
فقط نهایتده ، ألم وحدت ، ی بوندن بر آی اول ، اولوم خسته لنی  
کلیرکن اوندی یالکیز باشنه یکر می درت ساعت قالدینی وقت ؛ تیفوسک  
ایلک رعشه لری آلتنده صیقیشان دوناقلرینه بر داملا صو آقیتاجق  
بر خدمتچی بینه - خدمتچی بر اقوب قاچشدی - بولونمادی وقت  
دها آجی طویدی . خسته خانه نک یالکیز او طه سنده اولوم سکر لرله  
صایقلادینی زمان اطرافنده ینه ، ألم وحدت ، واردی . عجبا زواللی  
قادین بونی طویدی می ؟ ونهایت ، بویوک ، مؤبد ، ، ألم وحدت ، ی  
آشیان ، له حصارلرک اتکنده ، - کندی دیدی کی « بوغاز روز کارلری



کوکسنک اوزرندن اسه اسه - ياندقجه ؛ ايهسسز مزاريني برقاچ کيله،  
 بويونلري چنغراقلي برقاچ قوزودن بشقه هيچ برزائر يوقلاماديغي  
 وفت بوتون بوتون طوياجق ... اکر طوپراغک آلتنده ده انسان  
 طويغوسي وارسه ... آرتق سلطانلرک سراي اوطه لريني ،  
 کبار خانم افنديلرک سالونلريني نکار بنت عثمان خانم افندی، بوبهار،  
 - صوک سته لرده يک سه وديکي مور چارشافيله - بره سوسن «کي  
 سوسله يوب تعطير ايمه يه جک ...

زوواللي قادين، کومولديکي کون اوزرينه قونان چيچکارله برابر  
 آرتق صولغون برخاطره قالدی .



بر قاج مصاحبه



## روڻياده آعشق

وڻا ڪه ڦوربڻه لي دره شيشڪينله شير ، ڦاباريڻ صاري صولرينڪ  
اوستنده ڦورو ياپراقلر سوروڪله ردي ؛ وڻا ڪه شيمشڪسز وسورڪلي  
ياغمورلر يولارڪ توزلرني باصديرر، آرابه تڪرلڪلرينه لاسٽيڪ ڪبي  
بريو، وشاڦلق ويرردي ؛ وڻا ڪه بوستانلرده باغچوانلر صوڪ باطليجان  
ڪوڪلريني چيقاروب قيشلق سبزملر ايجون بل بلله ردي ، وماناولرده  
اووهز هونڪلري يانچاق ڪوفه لرينڪ اوستنه صارڦاردي ؛ آرتق بغداد  
جاده سنده ڦوناق آرابه لرينڪ خيزلي ڪچيشلري سيرڪله شيردي . آرتق  
ساتن دوايون يلديرمه لر، آغير بغداد، حمام شاحلري، دانته لشمسيه لر، ايبڪ  
باش اورتولري ڪورولمه زدي . ڪوروڪي ڦالقيق ڦايطونلردن يوزلري  
پچملي خانم افنديلر آره صره صارڦار، پشتمال اورتولي يايوان  
اشپورطه سني باشنده ڦيريتا ڦيريتا شاديان ڪستانه جیدن صوڪ عنايلري  
آيلرلردي . ڦوش ديلنڪ ، پاپاس باغچه سنڪ ، زامبا اوغلنڪ تحته  
بردملي صالاش تياترولرينه ؛ توزلرله ڪونشدن صولمش ، ياغموردن  
ايسلانوب دوتڦالي آيريلش صالانان اسلي اعلان پارچه لرينه ؛ ڦنهر  
و ڦالامش ڦوينده يلڪنلري طوپانمش ڦوطرملره باڦا باڦا ڦاضي



کوبینه اینلر ، قوز یاتاغنده کی ، ارن کوبنده کی ، جاده بوستاننده کی  
 کوشکلرندن قیز طاشنده کی ، بایزیده کی ، شهزاده باشنده کی ،  
 قوسقهده کی قوناقلرینه کچرلردی . آرتق یوللارده بری بری  
 قووالایان فایعلولر ، قوپه لر ، بریکلر توز قالدیرماز ؛ سیوری  
 فسلی آرابه جیلر خاتم افسیدیلرک آمرلرینی دیکله مک ، قوردونلی  
 قاپاقلی پاشا زاده یاورلرک خوواردلرینده قاپا تریبه لرله مخاطب  
 اولمق ایچون دیزکینلری قاصماز اولوردی . آرتق یوللارده بهزکین  
 اوکوزلر آقین آقین کوچ سوروکلریدی . خفیف چامورلرده دینکیلی  
 قاطرانمز تکرارلرک ایلکهر ؛ صندیقلرک ، شملته لرک ، قانابه لرک ،  
 کوکوملرله قزغانلرک آغیرلنی آلتنده قالین دیره کلر آسنه ردی .  
 صاریقلی ، پوطورلی اختیار مهاجرلر ، سلطان عثمان زماننده کی کبی  
 اوجی چیویلی اوکن دیرکلرله ، زنجیر دیزکینلری - بللرینه  
 دایاقلری - آلرند ، یایا یورورلر ؛ اشیایا کومه لرینک اوستنده  
 آشجیلر ، اوشاقلر باجاقلرینی صارقیتلر ، قوجاقلرند کدیلر ، قفسلرده  
 پاپاغانلر ، قانابه لر ، یاخودده طاووقلر ، هندیلر طوتارلردی .

صیفیه لر آرتق بویه هرکون ایچین ایچین بوشانیر ، یوللارده موسم  
 صوکنک اختیاری هجرت قافله لری صیرالانیر ، کوشکلرک قاپانمز  
 پانجورلری ، قریزانتهملری آچمش باغچهلرک تنها یوللری ، یپراقلری  
 دوکولمز آغاچلرک قوشمنز داللری ملاللی برایصمنز لغه بورونوردی .  
 صانهکه بوتون کوشکلر ، صیجاق و آیدینلقکن قهقهه لرله شنه نمش لوش ،  
 صوغوق اودالرنده ، کورولتیمز قالمش مردیون بوشلقلرنده اوغولایاجق ،

آجی آجی ایصالقر چالاجق قیدش روزکارلرینی ، دونوق تیبیلری  
عبوس بر تسلیمیتله بکله ردی .

\*  
\* \*

صیفیه لر بویله بردن بره طائمه زلاشیردی . چونکه استانبولک  
آلتون کیجه لری باشلاردی : معلومه دورویور ذهابی ویرن آلتون  
شرفه لر و تیتومک ماهیه لر، دین اسلام شرفه ، خلیفه لر شهرینی اوتوز  
کیجه دوناتیردی . سنه نك اون بر آینه یورغون عمله لر کبی اقشامدن  
ایرکنجه جک اویقویه چکیلن شهر ، رمضانده شهزاده باشنک  
آیدینلقلرینه پروانه اولوردی . شهرده قالانلره صیفیه دن کلانلرده  
قاتیلیر ، یکی بر عالم باشلاردی : اوتوز کونی آخرت ، اوتوز کیجه سی ده  
شنک دوشونن بر عالم !...

کوندوز آلرندنه تسبیحلری ، دوداقلرندنه دعا لری ، جامه لر دن  
سرکیلره ، سرکیلردن افطارلره دولاشان اوروجلی ارککلره ، مکتبلی  
چوجوقلر ، زاهد اختیارلر تراویج بیتنجه ستونلر آره سنده کی  
سوقاقلری خنجا خنچ دولدورر ، ستون دیبلرندنه کی قرا تخانه لر دن ،  
بروکارلردن قالدیریملره طاشارلردی .

بیلمم او داراجق سوقاغک نه سندن خوشالانیلیردی ! بوناله  
بوناله ، کوپوکی قاجش برقهووه ایجه بیلمکدن می ؟ باصیق طاوانلی دار  
اوطه لرده کومبور کومبور خوموردایان داوولارله دومبه لکلردن می ؟  
نزله لی قره نته لرله زورنازدن می ؟ مدعش آیدینلقلرده بیله مشمع آل  
قنارلرینی سوندورمه یی ، تراکلرینی آلرندنه طاشیان یوزی اورتولی

قادينلره ، چارشافه يكي كيرمش فيقيرداق كوچوك خانملره دليقانليكلر  
حرف آتمه سنى ، اونلردن آزار ايشتمه سنى سير ايتمكدن مى ! ...  
بر قسمنى ده قابيلرنده قوجه قوجه صولى بويا فنا رسملى ، فنايازىلى  
اعلانلر دوران تياترولرى سه وردى . بن ده اونلردندم ! اطرافلرنده ، هوا  
غازلرينك فيصلتيلي چرچيوه لرى اولان او اعلانلره درس كتابلر مدن فضله  
مجلوبدم . مناقيانك بر دالايلا ، سنى كوره بيلمك ايچون مكتبده ، هيچ  
بر علاجله دينمه جك قدر عنادجى برديش آغريبى ايجادايدر ، صارغىلى  
يوزيمى اكشيتير ، چوروك ديشمى مديره كوسته ريردم . اينانوب اذن  
ويررلر سه راحت راحت چيقار ، ويرمزلر سه - اوچ هفته اذنسزى  
كوزه آلديرارق - ينه چيقاردم .

دالايلا نك صوك پرده ده ريجتم كنارندن مشمع قاينغه ينيوب يكي  
عاشقنه قاچديغنه ، اسى عاشقى كنج كمانچينك ساحلده دوشوب  
باييلديغنه مى ، اولديكنه مى - شمدي آرتق بيله ميورم - اوزولور ،  
اختيار حامى قونت قارنيويله بن ده آغلاردم . ايرتمى كون تاريخ  
خواجه من ماراتون محاربه سنى ، آتسه ليلرى ، پلاته ليلرى ميليتياديسى  
آكلاتيركن قولانغمه حالا دالايلايه لغت او قويان حامى قونتك  
سنى چينلاردى !

آمان ياربي او انهماك نه ايدى ؟ ده ا افطار بيتهر بيتهمز قاپودن  
كدى كجى سس سسز ، ديواره سورونه سورونه او طهيه كيريشمز ، بزه  
اركلردن اذن آملالرى ايچون قادينلره اشارت لرله آصيل قاليشمز ؛  
بر اولماز ، طويماق ايچون خلع جانلانماز ! شمدي دوشونيورمده ،  
نه سنى بويله آرزو ايدردك ؟

قاپۇلر تعریفىمىز درجەدە ازدحاملى اولوردى . اوفاجق باراقەلر دە قابالى بىلتجىلرە دىلىكەن ، محله احبابلىرى ، حرمتلى تىنارلر ايدەلر ، تىك ايجرى يە بادھوا كىرمەك چالیشىرلردى . سىرايە منسوب اولدقلىرى قىرمىزى فسلىرىلە روزەتلى رەدنەوتلرندىن آكلاشىلان چاتقىن يوزلى آدملىرە قايىچىلر ، بىلتجىلر ، اويونچىلر يىرلرە اكيلەرەك سلام ويرىرلر ، تىلاشلى تىلاشلى يول آچارلردى .

برى برىنە باغلامىش ، چوق مىشتى آلسون دىيە كچىلمە يەك قدر برى برىنە صىقىشىدىرلىش اسكەملە خطلىرنەكى تماشى كرلردىن كىمەنە اخطار ايدىرەك ، كىمەندىن عذر دىلە يەرك ، كىمەنەك قىپردامايان دىزلرندىن آشارق يىرلرەكزە آنجىق كچە بىلىردىكەز . قەلى طاولنلرە چىقان سىفارە دومانلىرى - ناركىلە دومانلىرىلە بوغولانمىش قاوانوز كچى - حضارەك تەپە سىنە رەھوايى بولانمىش قىلاشدىررورچوروك برقوقويلە دولدوروردى . شام فستىقى قىروب دورماما جەسى يە يىن آلتون كوزلىكلى عسكىرى مەكتىبلىلر ، بارداقلىرىنى شاقىردانە شاقىردانە باغىران غازوزجىيى سىرت سىرت چاغىرلردى . ايكىنجى موقعدە اوطوران كلخان بكنەك برى سىمىدجى يە چانار . صارىقلىرى آرقىيە آتمىش ، اسكەملەلرىنە يارى باغداش قورروب اوطورمىش خواجەلر دولغون سىسلى آرنالوودە « زىنجىلى غنى » سىجىلر اىصمارلاردى . كوچوك چوققلىر باالرنندىن متصل كاغد حلوالىرى ، قورروب بادملر ايسەلرلردى . انسانى سىرسىم ايدىن بو كورولتىلرەك فوقندە قالىنى اينجەلى ، قورولى ياشلى اوكسوروكلر اوچوشوردى . . . . . اويون باشلايىغىنە يقىن مىراقلى كوزلر لوجەلرە باقاردى . اورالردە

هراقشام یا برفهیم پاشا ، یا بر محمد پاشا ، یا فلان پاشانك اور تانجه اوغلی  
مطلقا اوچ درت دالقا و و غیله برابر بولونا جقدی .

ایلریده اینجه ساز یالکیز ، کندی کندینه ، بو فورطنه آره سنده  
چابالانیر ، چینغراق سسلری هیچ ایشیتلمه زدی ؛ تا که پرده آچیلیر ،  
« صوصالم ، صوصالم به » کبی اخطارلر هر کسی سکوته دعوت ایدردی .  
بو قدر صیقیتیلزه هانکبی قیمتدار صنعتك خااری ایچون قاتلانیلیردی ؟  
هله حسنك ، شوقینك تیار و سنده بش غروشه نه ده چوق او یون  
سیر ایدیلیردی . پاندومیمار ، بر پرده قومدیا ، قانطولر ، دونه تولر ،  
تاك صوکرده اصل او یون !

\*  
\* \*

کرچه ایسته کله اشکنجه لره خیلی کیجه لر بنده شکو استر ،  
استکرا هسز ، بالعکس لذتله ، قاتلانمش ، مناقیانده ، حمیدیه ،  
حسنده چوق او یون سیر ایتشدم . فقط بو کون خاطر مده ، او وقت  
تماشا کرلرک مدهش بر تقدیر له آقیشلا دینی بر موضوع ، او موضوع دن ده  
بعضی غریب فقره لر قالدی ! ... آدی : « رؤیاده تعشق » دی .  
حسنك قومپانیامی اویناردی . پرده آچیلنجه قارت ، شیشمان برقادین  
قابا ، بجریکسز تورکجه سیله برشیلر ، برشیلر سویله ردی . دیرکن ،  
— ره دنغوتی فرانسزلرک ۱۸۳۰ موده سنه ، قیصه بیاض پانطالونی ، سیاه  
اوزون چورابلری وولته ر عصرنده کی قیافته عائد — برعجائب قیلقلی  
قونت کیرردی . غالباً ، بزم محله قهوه لرینك حاصیراسکمه لرله مفروش ،  
— ابعادی ، عمقی بلیرسز قرون وسطا رسملری کبی تک پلان اوزرینه



یایلمش۔ بو بویوک پارس اوتلنه نازل و مسافر اولوردی . براز صوکره  
 « فیفیرلین ، اسمنده کی اوشاغی - حسن - کلیردی . قاپو وورولور . اوتاجی  
 قیز ایکره نچ بر فرانسه زجه ایله : « آنتره ایسی » دیردی . دیشاریدن  
 اوشاق : « یوقدر ماداما ایچری کیره جک آدامک انتساریسی ، دییه  
 جواب ویرردی . بو بولوش مدھش بر موفقیتیدی . آلفیش صاغانخی  
 برقاج دقیقه بوتون جوشغونلغیله بوشانیردی . ایچری به کیرن آدام  
 هانکی ملتدندی ؟ اسمی « فیفیرلین » ، باشنده قیصه قیرمزی فس ،  
 اوزون ماوی پوسکول ، صرتنده یامالردن بر کو ملک !... صحنه به چیمار  
 چیماز تماشا کرلره آلاتورقه بر سلام ویرردی . صوکره شوپله  
 بر محاوره باشلاردی : اوتلجی قیز : « قومان تاله وو ، بییهن ؟ »  
 فیفیرلین : « کیمدی او طرابییه ده بورنمی یین ؟ » آل شاقیرتیلری ، « یاشا »  
 ندالری ، کفرلردن مرکب تقدیرلر آراسنده قیزینه صوراردی :  
 - « پارلاتو تالیانو ؟ » اوشاق شوپله جواب ویرردی : « کم پارلاندی  
 دالیانی ؟ » ایشته بو محاوره آرتق اوزاردی . اوجهلرده کی زنکیین بکلر ،  
 دولت اداره ایدن باشالر ، برنجی موقعلرده کی طابور قوماندانلری ،  
 میز لر ، خلفالر ، مکتب معلملری ، مدرسه نشینلر هر کس بمنون  
 قالیردی . بو آدملرک مایقی نهیدی ! وقعنهک محل جریانی نره سیدی ؟  
 هانکی تاریخده جریان ایدردی ؟ کیمه نه ؟ اولورکه کولهلم !... »

اوشاق ، افندی غیوبتدن صوکره بولوشورلر . فیفیرلین حسرتی  
 سوندورمک ایچون افندینک بویننه صاریلیر ، باجاقلرینی بلنده کندلهر .  
 فیفیرلین پارسده مقیم اوقونته باباسندن خبر کتیریر . « سه وکیل

اوغلام ، ی ، « سیلیوریلی اوغلام » ، « سیلیوریده دوغوردم » ،  
 « سیلیوری یوغوردم » کبی او قویارق ، آیاق آیاق اوستنه آتارکن  
 فیفیرلین باتیکنی قونتک صورتنه فیرلار ق غریب بر مکتوب او قویشلری  
 واردر فلان . نهیسه اوتلدن چیقارلر . غالباًینه اوروپا مملکتلرندن  
 برنده کی اولرینه دونه جکلر !... فقط یورولورلر ، اورمانده  
 او یورلر ، بر قیز کلیر ، دلیقانیله عاشق اولور . او قیز وحشیلرک  
 سر کره سیدر . بو او یویان یولچی نی معیتده کی آدملره قالدیرتیر . معیتده کی  
 آدملرک باشلری تویلی ، وجودلری مایویلیدی . باشلریله جغرافیا  
 کتابلرنده کی عرق احمر منتسبلرینه ، وجودلریله ده چانبازلره بکزر .  
 لردی . غالباً بونلر هندلی وحشیلردی . صوکره کی پرده ده ینه تک  
 پلان اوزرینه بویاغش درین ستونلی ، مسطح غاله ریلی بر صالون کوروردک .  
 ینه هانکی دوره ، هانکی ذوقه ، هانکی موده یه او یغون اولدینی کسیدریله .  
 مه زعجائب قیایلی بشقه بر قونت چیقار : « مادمازل بو پنجره دن اوروسکه ر  
 کیریور ، غایاتسه قی ؟ » دیبه صوراردی . غالباً اوصالون ، فیفیرلینک افندیسنه  
 او اورمانده عاشق اولان هندلی قیزک صالونیدی ! ایشته اوراده رؤیا  
 ایچنیده بر تشیق عالمی اولوردی ! عشقی افندیکنک اینجه سساز طاقی  
 هندلیلرک چالغیسی ، چفته تللی هندلیلرک رقص هوا سی ، قیزلرک شیقیر شیقیر  
 قیریتوب کوبک آتیشی ده هندلیلرک رقصی اولوردی . او آراق فیفیرلینده  
 جوشار ، صنعتی کوسه رملک ایچون تک باشنه آلاتورقه عود ، کمان ،  
 قانون ودف تقلیدلری یاپار ، بر اینجه سساز طاقی دوزه ردی . بو آبور  
 جو بور پرده ده نهایتسز آلفیشلرله بیتردی . اک صوکنده غالباً بر محاربه

باشلاردی . اوهندلی وحشیلر ، غالباً کنج قونتک اصل نشانلیسنه ،  
 و یا اصل عائله سنه منسوب ژاندارمه لرله قیلیچ توفک قارشى قارشى به  
 کلیرلردی . اووقت یورکی افندینک بش کشیدن مرکب هم آلاتورقه  
 قانعویه ، چفته تللی به ، هم آلافرانغه بالاده ، سه رمانده کلن «مکمل  
 ومشهور» اورکستروسى ده بر آت جانبازی غاوسى چالارق غوغایی  
 قیزیشدیرردی . اولوملر باشلارکن کلن برکیریش اوزرنده تالاشلی  
 تالاشلی تیتره ، صحنه ده - نیچون بیلمهم ؟ - قیرمزی برایشیق  
 پیدا اولوردی . بوجورجنه آره سنده قونت اصل نشانلیسنه فاووشور،  
 صوک پرده ده آغیر آغیر اینردی . طبابعهدن قورقوب قولاقلرینی  
 طیق-ایان ، بابالرینک قوجاغنه یاتان کوچوک باش اورتولی قیزلر :  
 «ایتیورسک !» دییه آرقاداشلرینی یومروقلایه رق ؛ اسکمه سنده  
 صیزه قالمش چوجوغنی باباسنی : هیش قالق بر دها کتیرمه م ، یوللی  
 سوزلرله اویندیرارق ؛ یقالقلى برکنج یاننده کی صاقاللی آدمه : نصل !  
 بن دیمه دیمی ! بو حسنک طلوعا تحیلغنه چیقار یوقدر ، کبی محاکمه لر  
 یوروتهرک بوغلبه لق ایته قاقبله سوقاغه بوشانیردی .

دیشاریده ده بکجینک داوولی قرائتخانه لره ، غلبه لق یوللره ،  
 آیدیناق جاده نك آرقه سنده قارا کلنی بوتون بوتون کشفله شمش کبی  
 کورولن محله ایچلرینه سحور وقتنی خبرویرردی . کوپری باشنه اوچ  
 مجیدیه به مشتری ایندیرن فایطونجیلر بوأسنه به کرینه تالاشسز تالاشسز  
 یورون غلبه لغی «دستور» لریله آچغه چالیشیر . صاغدن صولدن  
 کفر ایشیتیر ، صاغه صوله کفر و قاجی صاووروردی .

بو خلق ، شمدی دوشونه بیلورم ، بو قیل معناسز تیاترولره  
 نصل بویله تهاکله قوشاردی ! بو قدر ابلهجه سنه موضوعلر یاراتاراق  
 بوتون ذوقنی ، محاکمه سیفی ضالته دوشورن او تیاترولردن  
 عجبانه طویاردی ؟ همده یوکسک مأمورلر ، مایینه منسوب رتبه  
 صاحبلی ، بشقه مملکتلرده استقبالك الک بویوک امیدلری اولان کنج  
 مکاتبیلر ، فعال آدملر !.. هیچ اولمازسه مناقیان قساویه دومونته پهنی  
 فلان ترجمه ایدردی . ایچنده حبسی پارچهلر بولوردیکیز . یا اوته کیلر ؟  
 بز بوراده ، آوروپانک کنارنده ، بوندن دها اون ایکی ، اون  
 اوچ ، نهایت اون بش سنه اول بو صحنه لره قوشوشورکن مکر پارسیده  
 دو مافیسلر ، صارددولر اسکیمش ، بریولر پیس بازارمش ، ادمون  
 روستانک نه غلونی ، سیرانودوبه ر ژوراقی اوینایرمش ، لادانلر ،  
 نه روی ثولر ، مه ته رلینقلر بی یکی صحنه افقلری ابداع ایدرلر ، فرانسیسک  
 سارسه لردن صوکره ژول لومه ترلر ، نه میل فاکلر پیس تنقیدی بازار-  
 لر مش !.. بز بوراده حسینله شوقینک اوستنه قومیق بو قدر دیرکن  
 اورالرده قوقله نلر ، فیه رودیلر ، کیتیلر ، لوبار ژیلر اوینارمش ؛ بز هه کیمیان  
 مارغریت غوتیه ده خارقه صانیرکن ، اوراده سارایه رنار ، سوزان ده پره ،  
 در ژان اوینارمش !..

بونکله برابر ، بیلمم ، چو جو قلع ملک ذوقنی احتوا ایتدی ؛ سواقلرک  
 اوغابه لغنده او یانیق بر حیات سه زدم ؛ اوده پترول لامبه سنک صاری  
 صولغون ایشیغی یرینه بیکی چیقان لوکسلرله ، - اون قوللی شمعدانلرکی ،  
 بیاض ضیالی - هوا غازی آویزه لر یله آیدینلق سواقلره و تیاتر و قابیلرینه  
 باقدجه بکا مدح ایتدکاری آوروپائی نخیل اتمکک باشلادم دیه می ؛

شمدی شو تخطار ایچمه خفیف براوزونتو بیراقیور ! بلیرسر وازو  
چاتلاقلری کبی بنمده شمدی ایچمده او کونلری آ کدجه خفیف خفیف  
صیزی چیز گیرم وار. بنم ایچمده صوک بهارده ترک ایدیلش اوصیفیه لرك  
بوشلقلرنده اوتن روز کارلره بکیزه ر بر تحسره خفیف خفیف ایکیلده -  
پور ... شهسز او ایکره نیچ « رؤیاده تعشق » ی آرا مایورم. اوبله کده  
حالا واردر. فقط اونلری او کوزله کوره جک چوجوق خیال اولدی؛  
ایچمه کومولوب قالدی. وبن غالبا او اولو « رؤیایه تعشق » ایدیورم!

شیشلی : ۱ تموز ۲۳۴



## تراموایلر ده

استانبولك ، هله قیش باشلانغچنده اویله اقشاملری واردرکه  
 بنیت اجزاسنه قونادن ایشیغه براقیلمش فوطوغرافیا کاغذلی کپی  
 چابوجاق صولوب قاراریر. رنگلرک، مسافه لرک و شکلرک مختصر لاشوب  
 سیاه برهوا ایله صاری برقاچ بنیکدن عبارت قالدینی اوزمانلر روچه  
 الک فضلہ بزکینلک ویرن آنلردر.

او اقشاملردن برنده ، یورغوندم . توقاتلیانه کیردم.  
 یوزلی جام جدارک آرقه سندن- منسکیرالکتریق عکسلری کپی-  
 داغنیق موزیقہ آهنگلری ایجرییه دوکولیوردی . یازی چوقلیده  
 کچیرمک ایچون اسکندریه دن، قاهره دن کلوب ده حرب باطلار باطلاماز  
 بوراده قالان اوزون قیرمزی فسلی، یان پوستکوالی آلانغله مصر لیلر؛  
 قویو قیرمزی یاناقلرنده میچ یاره لرینک چیز کیلریله پارلاق صاحلی، سرت  
 تلفظلی آلمانلر؛ چای پخته لرینی حولی کپی دیزلرینه یایوب قالین پارمقلرینی  
 مرمزلره ووره ووره قونوشان زنکیین طاقاجیلر؛ آینه لرک اوکنده  
 قراواتی دوزه لاین کوبکلی، کوزلکلی معوتلر؛ جبه لرینی قاووشدیروب

یردن سلامر آلان شیق بر ایکی خواجه افندی، شیق شیق ماداملر؛  
مادموازلار ...

بوتون بو آیری آیری مشتریلر؛ بوجامدن و آینه دن آقوار یومک  
ایچنده موزبکه نغمه لرینک اورتیه سنده یوزو یور، قایناشیوردی .  
ماصه نك برندن عربجه، اوبرکندن آلمانجه، اوچنجی سندن مجارجه  
دردنجی سندن روسجه، بشنجی سندن ارمنیجه، آلتنجی سندن روجه  
طویوردیکز .

چالینان « پالیاچو » چهلرینک ذهنه ویردیکي تحف بر اوغوشوق  
فہالیت ایچنده بوشیلری کورمک و طویمق انسانه جنسی بلیر سزیر  
تسلی و براوزونتو ویریوردی. دینه بیلیردی که براتنوغرافیا عالمی،  
برعلم لسان متخصصی مختلف تجربه لر یایمق، استانبولک مزاجنی،  
وصفی تعین ایتک ایچون بودورلو دورلو عرقلری ولسانلری شوجام  
قو طویه طویلا مش . بو قو طونک ایچنده یالکیز مملکتلرک دکل اقلیملرک  
و بوتون برعتیقک اموذجلری واردی. یولدن کچنلر، طبق حیوانات  
باغچه لرنده کی بالق آقوار یوملرینه باقارکی - الکتریق ایشیقلری ایچنده  
اوبک اوبک طویلا مش، کولن، ایجن، کیدن، کلن، او قویان -  
غلبه لغی سیر ایدیوردی .

بن که، اجتماعیات، لسانیات و روحیاتدن یانه فقیرم، بونلر حقنده  
وجیز ویا مغلق هیچ بر فورمول تعین ایده میوردم . یالکیز ایچری یه  
دیشاری یه باقوردم . تراموایلر، سوقاقلرده بر بری آرقه سی صره  
قوشورلردی. طاوانلرندن برر پارمق کبی صارقان فنارلر صاریقلری،  
سکه لری، فسلی، قالیاقلری، قاسکدتلری، شاپقه لری اشارت

ايدیوردی . او ایشیقار بکا او اقسام چوق جانلی ودیلقی کلدی .  
 « ایچریسی ایچون دوشوندیکک شی بوراده وار ! » دیوردی .  
 توقاتلیانک ثابت آقوار یومنده کی آموزجلره مقابل ، سواقلردن ده اقساملره  
 قدر ، - طاشلر آره سنده دوندن قاتیلش برر صو چیز کیسی کبی  
 قیورانه قیورانه اوزایان یوللاردن - بوسیاری آقوار یوملر آقوردی . شهرک  
 مزاجنی ، ذهنتلرینک ، سوبه لرینک ، تربیه لرینک ، مفکوره لرینک  
 تجانسی ، فرقنی بوسیاری آقوار یوملرده یاپیلان تجربه لرله آزچوق او کره نمک  
 قابلدردیه دوشوندیم . او ائشاده حسین رحیمی نک ، احمد راسمک  
 اسکی تراموای محاوره لری علقمه کلدی . بن ده خاطره لر می طویلادم .  
 بربرینه بدیزه من خیلی مشالیر بولدم . یونسکه برابر ، عرض  
 ایتدم یا ، بن روحیاتچی ، لسانیاتچی و اجتماعیاتچی اولمادیغم ایچون  
 بونلردن برر تصنیف وجوده کتیره مه یورم . برر نتیجه چیقارامایورم .  
 یالکیز ایچلرندن بر قاجنی قید ایدیم . نتیجه لرینی سزک کشف فکزه  
 براقایم .

\*  
 \*

او وقت تراموایلر صالحیم سوکودده دورر ، اییی بارکیره اییی  
 ده اطاقیدر لرلردی . چیتقو دامک اوستنده خیز آلان اوزون قیر باجلری  
 او کده بارکیرلرک ، آرقه ده ده مش-تیرلرک ییدیکی زماندی : آرا به لرک  
 تیزلی ، پستلی بورولرله ، ده هالر ، یوهالر ، شاقیرتیلر ، کیشنه مه لرله  
 یورودیکی زمان ...

برکون ، یقه سی یاغلی ، فیتناتی کیرلی ، سیغاره زیفیرندن صارار منیش

پارمغنده ایری دانه لی قالین قیرمنی تسبیخ، شیشمان بر قیصریلی باننده کی  
ضعیف آرقداشنه پنجره دن برشی کوستردی . صوغوق چشمه .  
رشدیه سنک اوکنده آبانی صاریقلی، شال قوشاقلی و کوموشی شالوارلی  
براختیار، باشی و قولاقلری دوشوک بر اشک هکبه لری ده، وجودینی ده  
یوکه مش، یولارلری بیراقش کیدیوردی. اشک، بویولاری ائی  
ازبرله مش بر آدم کی کناردن هیچ آریلما یوردی: اختیار او یوبور،  
اشک قبی قبی کیدیوردی .

شیشمان، تسبیحنی بیله کنه کچروب طبقه سندن بر سیغاره صارارق:  
— کوروکمی . اشک بیله آدم اولور . اشکک آدمدن فرقی  
نه که . اونک یولاری بشقه سنک ائده، آدامکی کندی ائده. اشکک  
فکربنه یولار دیرلر . آدمک یولارینه ده فکر دیرلر . دیدی .

آرقداشی اینجی چکدی، باشی صالادی :

— ده سنده ؛ نیجه آدم بیایرم . اشک قدر بیله عقلی یوق ده  
ینه ایشی نجروب چیقیور . بزم نیقولی کورمه میوک . عقلی ده یوق  
فکری ده . حریفده طالع وار . سندن بندن زنکی . دیه جواب  
ویردی . شیشمان، سیغاره سنی یاقمادی . قیزمش کی دوردی . قالین  
قاشلری چاتیلدی . ائک ترسیله پوص قیرانطه بیقلرخی صاغه صوله ایتدی:  
— سن اوکا باقا . فکرله طالع انسان اولانه ایی قانادر .  
فکرک، بیلکک چوق اولمش، طالعک اولمادیمی ؟ اون پاره ایتمز .  
طالعک چوق اولمش، فکرک، بیلکک، اولمادیمی ؟ ینه اون پاره  
ایتمز . تک قنادلی قوش اوچارمی به ؟ فکرده لازم، طالعده ....

بن او ائىئادە اينيوردم . محاورە نك صوكى نه اولدى بيلميورم .

\*  
\* \*

بر وقتلرده او عادت اولمشدى : مکتبه کيده جك چاغه ايرن  
قیز وارکک چوجوقلر آلارنده برر معدن قوطو ، واپورلرده ،  
ترە نلرده ، تراموايلرده دولاشير؛ هر يولچينک اوکنده قوطوي ساللار؛  
معجونچينک دمير چوبوقلرندن دها شانفريتلى بر - ايچ غيجيقلايچى -  
معدن سسى چيقارارق ديكيليردى . برکون آلېسە سى شيق ، سويه سى  
اورته بر بک آرقاداشنه :

— برادر دوشونيوردم ، بن چوق وطنپورم . شو قوطو  
زده اوکمه چيقديسه هيچ بوش چهو یرمه دم . هر دفعه سنده بش پاره ،  
اون پاره ، نه ايسه برشى آتم . دیدى .

وطنپورلکنى بشلکه اولچن وبوقوطويه راست کلدکجه خاطر لايان  
آرقاداشنه ياننده کى کولومسه مشدى . ايکيسى ده غلطه سراينه اينديلر .  
يان سواقلردن برينه صايديلر .

\*  
\* \*

بشله یدی آرمسى مغازه ويازيخاڭه صاحبي قره مانديلرله ، ارمى  
قويومچيلرک طاطاوليه ، پانغالقيه دوندکلى ساعتدر . دولغون ورنکلى  
بوزلرنده حياتک ذوقنى طاتمى ، تجارت دالاوله رالرينى دنيانک اک  
يوکسک ذکا نشانه سى ديبه قبول ايتمش آدملرک کنديلرينه قارشى  
اولان اعتمادلرندن دوغمه بر صلابت ، بر تېم واردر . بر برلرينه



اوگونكى ايشلرينى قابا تور كجه لريله خلاصه ايدرلر . كابور صـ اتون  
آلدقلى ماللى مدحله ، رقيبلى كفرله آكلانيرلر ، بكن سنه  
بر آقشام بويله لدن برىسى آرقداشنه بر شمسىه كوسته ردى .  
— نضل ، دنى باقالم ، قاچه آلدن ؟

— وير .

خيزله آچدى ، او كنده كى مادامك شاپقه سنى اورسوله دنى .  
— قصوره باقايك مادام ! ديدنى .

اويردى چه ويردى :

— اوچ كاغده آلكسه باد هوا ! خالص اينك !  
— آلا بيليرسه ك ، بكا بو فيئادن اون دها آل . سن نه سويليورسك ،  
اوچ كاغده ويريلير شيشى شو ...

مناقشه يه باشلاديلر . بر برلرينك قولاغنه بر شيلر سويله ديلر . كولوشديلر .  
حرييه ده بازارلقلى اويوشدى . برى يلكينك جيبندن برنى چيقاردى .  
آووچنى قاپادى . آرقداشـ نك آووچنده آچدى . باشنى و آييدر ،  
آييدر ، مقامنده صاللا دى . اوتەكى ، بوكه رده كاغده آچار كى آغير  
آغير ، كيمسه يه كوسترمه دن باقدى . او ائنده فرى كوينه كلك .  
ايكىسى ده اينورلردى . پاره يى آلان ديدى كه :

— دنياده اوچ بياضه ويرمه م . بر ، دها ويره جكسه ك ،  
قابلى يوق ؟

— جانم اوزاتمه ...

بر بياضى دها آلدى .

— ايوالله ؛ قيجه كونك كارى بو قدر اولور . ايگيشر بوچوقى

کوموش چيڭده دن دوت دانه آلدیمیدی . بری ده سکا قسمت اولدی .  
هایدی کوله کوله قوللان دیدی .

کوشده آبرلایلر . بری طاطاولا طرفه صابدی . بری ده  
نشان طاشی طرفه ...



یديله دو قوز آره سی ده هر ملتدن عمله لرك وسر خوشلرك دوندی  
ساعتدر . بر اقشام ابری یاری ، اکنه بوینه بر آدمک آياغنه بیلتی  
باصدی . « باردون ، دیدی . آغزی قوقولی بك » نه باردونی به ؟  
ناصریمی بیتیرك . آدم چیکنه رسکز ، باردون ، بیلت پاره سی  
یوتارسکز باردون . پاکتلی دوشورورسکز باردون . آياغنه  
باصارسکز باردون . قومپانیا كرك آدی باردون قومپانیاسی قویك ...  
هپ بویله باغیرییور ، یاننده کیلری ده دیرسکیله دورتیور ، فکری  
اونلرده تصدیق ایتدیرمه چالیشیوردی . بویله لری چوق کوروب  
کچیرمش بیلتی اوته کی یولجیلرله بر آز اوغراشدقن صوکره کلدی :  
« بر سیغاره کز وارمی پاشام ؟ » دییه صوقولدی . اوته کی کفرلرله بر  
سیغاره وردی . احباب اولایلر . مشتری بومونئیده اینرکن دیدی که :  
هایدی کل سکاذه بر تك ایچیریم ! »



بر کون حریسه نك اوکنده تراموای زینغادق دوردی .  
قادینك بری واتمانه باغیرییور ، یالوارییوردی . هرکس بر قضا اولدی

دیهه مراقه دوشدی . قادین ، بارکیریله چکن ا کککچی نی پنجره دن .  
چاغیردی :

— هو ، هو ! سن تشویقیه دئمیسک ؟ بقالک یاننده کی حسی .  
افندی سنی بزم اوه کوندرمش . نه یه کله دک ؟ باق ، دور ، هیش ...  
واتمان فنا حالد . سوبله نیوردی . ارککلر طرفی ده غضبه گلشدی .  
چنغراق قایشنه دوت آل بردن آصیلدی « چک به ، چک به ! » دییه .  
باغیریشدیلر . تراموای کیده رکن قادینلر طرفنده ده ، ارککلر طرفنده ده .  
محاوره لر باشلادی . هیچ عمرلرنده بربریله طانیشماش آدملر ، اسکی  
اجابلر کی تکلیفسز سوزه دالیدیلر . بزم طرف قادینلر حقنده کی  
احتیاساتی یاننده کنه حرارتلی حرارتلی نقل اییدیوردی .

\*

\*\*

تراموای خیزله کیدرکن چنغراق آجی آجی اوچ دفعه چکیلدی .  
مدهش بر صارصنیه دوردق . مرکس اوطوردینی یردن فیرلادی . باشی  
بر طرفه چارپدی . قادینلردن بری باشی جامه چارپدی . آغلامغه  
باشلادی . مکر یولجلردن بری آرقاداشنی کورده ایچری به آلمق  
ایسته مش . همان ایکی دوست یهودیجه قونوشمغه باشلادیلر . آرقاده  
آیاقده دوران بر مبعوث تحمل ایده مه دی ، چنغراق چکنه صاغلام  
برشمار ایندیوردی . « کوپک ، عالمک جکرلرینی می سوکه جکسک ؟ »  
دیهه باغیردی . صاپ صاری کسيلمشدی . آز آشاغی ده ضابطک  
بری ده لزومسز یره چنغراغی چکدی . اوده قوشارق پارمقغه  
آصیلان آرقاداشنی ایچری به آلدی . فقط حقسزلغه قارشی کوپورن  
مبعوثک بوسفر سسی چیقما دی یاننده کی یابانچی اختیار ، اسکی ولایالی  
بر دوست کی قولاغمه اکیلدی ده دیدی که :

— اوغلام تورک تورکدن بیلار . سن بی دیکله . طیشمزدده کی  
بیگ کوتوی برسیله ده ده ویریرز . لیکن ایچمزدده کی بیگارجه کوتودن  
یردانه سینه قیمیق باتیرمغه بیله کوجز یتمز . کندیمزدن کندیمزد  
قورقشز . »

اوکسوره اوکسوره کولمکه باشلادی .

\*  
\*\*

بو تراموای مثالری چوق اوزون سورر . یارلی ضابطلرله  
مقاعد ضابطلر آره سنده کی غوغالری ، بیلتمز قاچان مشتریلرله ،  
فاتحدن حربیه یه (بیلتمزیه غروشه صالح اولدقدن صوکره ) باد هوا  
نکن ایش آدملری ، « پرده دن ایجری یه باقدک » دیه کنجلرله طوقات  
ووراجق قدر اوفیکله نختیارلری ، قادینلرله ایکی قومپارتیمان  
آریانسلی چوق کورن افندیلرله ، ارککلر طرفنده اوطوران ماداملری  
قادینلر طرفنه کوندن یوچیلری ، هله ماداملر ، مادمازلارله خاملر  
آره سنده کی چکیشملری ، پولیسلرله ، آرقه ده کی خورطوملرله  
آسیلان انسانلر آره سنده کی کچمشلری آکلاناچق اولسم دها  
نیجه صحیفه لر دولار .

شو خالده ، تراموایلر استانبول خلقنک انموزجلرینی سوفاقلرده ،  
طبقی چورچوبدن بیه جک طاشیدیان قارنیجه لری ، کیجه لی کوندوزلی  
کوتوروب کتیرن سیار آقوار یوملر دکلی ؟ استانبولک بوتون اخلاقی ،  
طبایعی ، نزاکتی ، قبالتی ، انتظامی ، تلونی ، هرشیئی ایکی باقیرتله  
ایکی دمیر چوبوق آراسنده قایان بوقوطولارده ...

## ذوقمزه دائر

۱

فاضل احمد بک

محترم اقدام ،

ذوقمزه دائر یازدیغکز ووقته نشر ایتدیگکز مقاله لری بنده او قودوم . اولرله پک مهم بر مسئله تماس ایدیورسکز . فقط اسمکزک اوستنده هر وقت تزیه خنده لر طوبلامغه آلیشمش بعض قارئلرکز ، - او قودقلرندن ، ایشیتدکلرندن مبهم معنالر سزن آدملر ترددیله - «جدیمی یازمش ، شاقامی» دییه صوروشدیلز . حتی ، سوزمه اینانک ، مناقشه یه بیله کیریشدیلر . بعضیلرخی ده کوردم که سزه قدرتلی برناتر وصفی قازاندیرمق خصوصنده جمله لرکزی هنوز جیلز بولورلردی . بعضیلرندن شوکاککزهر دوشونجه لر ایشیتدم : مزاحی بیر اقامسه کاشکه ... او طرزده یازیلری روحمزه او قدر سینمش که شمدی غایت جدی ده یازسه بزحالا شاقا صائمده اصرار ایدیوروز . حالا اوتیه سنده بریسنده ذوقمزی غیدیقلا یا جقیرلر آراشدیریوروز . بیلیمم بونلردن هانگیلرینک حق واردی : خفیف بردکیشمه کزله استقامتلیخی شاشیرتدیغکز



دوز کون روحلیرک می؟ دنیاده چاشنیسی یکی کله یله نقشی نادر  
جمله نك خارچنده هیچ بر حقیقت کورمه یں تیتیز مزاجلی یوکسک  
صنعت دوشکونلرینک می؟ ذهنلرینه یرله شمش خیاالکزی دکیشدیر مکدن  
راحتسزلانان آالشقینلرکزک می؟

فقط بنم راست کله مه دکلم آره سنده ، محیطدن آلیناجق بدیی ،  
وطنی تربیه مزه دائر - سطحی ، درین ، نعل اولورسه اولسون -  
برطاقم دوشونجه لرله صارصدیفکز قارئلرده واردر آلت ... وارسه  
اکر، ایشته بنده اونلردن برییم... کرچه سزک انسانلرله فعللرینه  
وحداتلرله برچوغمزدن چابوق وبرچوغمزدن فضلله کولکه میال  
اولدیغکزی بیلیرم . حتی او یله کدرلرکز کوردم که اونلرک آجیسی  
کوزلرکزدن یاش اولارق داملامایور، دوداقلرکزدن قهقهه حالنده  
دوکولیوردی .

فقط بوصوک مسئله ده سز، اوزون ویا قیصه، هر حالده شوحیاتی  
دها کوزللشدیرمک ، دها زیاده بنلکمزله مونسله شدیرمک قایغوسی  
ایچنده دوشونن جدی ملاحظه لی بر آدم وضعیته ده کورونیورسکز .  
اونک ایچون آچدیغکز بومهم بحثه ، مساعده کزله ، بنده قاریشقم  
ایستیورم .

هنوز ایکی هفته اولدی اولمادی ! براقشام په راپالاسده بر آلمان  
سیاحله برلکده یدم . مخاطبم، اوملتک اکثری ارککلری کبی قیرمزی  
وجلادار یوزلی ، اکنه بوینه ، بیقسنز صقالسز ، قومرالارینه تک  
توک آقلر دوشمش بر آدمدی . کورونوشده ، یینی اویان اقتصاد

حساندن باشقه احتمال اوفاق برصیزی بيله دویمامش ، صاغلام ، الی  
بیلاق صرفه بروجود !

کوزلکنک آرقه سنده آغیر آغیر قیبردایان دکز یشیلی کوزلرینی  
تانیلی بر نشئه ایله اوزر مه دیکور ، و شرقه داتر سوزلرمی ، جدی  
کوزوکن برمادی آدم علاقه سیله دیکله یوردی . محاوره مزك بربرنده ،  
پارمقلری برقچ یوزوکللی آلارینی بری برینه سورت سورت دیدی که :  
— چوق کوزل شیئرکز وار . شرق حقیقتاً سحرلر و خولیلر  
اقلیمی ... غوته دن بری شرقه داتر یازان شاعرلر مزله ناترلر مزك  
پك حقی وارمش . بوکا بوآنده ده یقیندن اینانمقدهیم . بوکون  
پازارده یدم . اوراده نفیس ایشله مه لر فلان بولدم . بهالی ، فقط  
آلدم . دورك سزه کتیرهیم .

ویاشنده اوفولمادق برآنیکلکله قولتوغندن فیرلادی .  
سزكده اویله میدر عجباً ؟ بوپازار کله سی ، بالخاصه — بر هفته لق  
سطحی بریکیش معلوماتیه مجهز بریابانجینک آغزندن ایشیتیرسه —  
سیکیریمه طوقونور . حرملك ، بخشش ، بازار ، کیف ، نارکیله  
و پاپوش ! بوتعبیرلر هر قولاغمه چارپیشده ، کندیلرینی سویله ینلری ،  
نظر مده برازدها بایاغیلاشدیرر ؛ نه قدر ذکی ، نه قدر خیرخواه  
اولورلر سه اولسونلر ، نظر مده اولنرک سیالرینه ده بلاهت ،  
روحلرینه ده تصلاف ویرن مبتدل یافته لر ماعیتی آلیر . چونکه همان  
هر طانیدیغم یابانجیده کنیش ، اسرارلی و داغینق شرقی — روحیه ،  
تریه سیله ، عادتلیله ، غایه لری و دردلیله — هب بوبش آتی کله نک ایچنه  
حقیقشدیرمغه چالیشان قیصه کوروشلی — بوبش آتی کله سایه سنده

اسلام و تورک دیارینی ایضاح ایدیه بیله جکنه اینانان - بون و تزییفکار  
بر آدم حالی کوردم .

آز صوکره مخاطبمک برچو جوق سه و نیجیله بکا کوسته ره جکی  
شیئری ده بیلوردم : هپ بویله ، یازیسز ، اکسیک چیزکیلی ، بر باد  
ایشله مهلی صرمه دن طغرا تقلیدلری ؛ اطرافنه ایکره نج برو قوسز لقله  
چه وریلش صیرمه چیچکلی کویا شرق یاصدیقلری ؛ معناسز ابریشم  
قیورنیلری ایچنده بورقولان چیرکین شکلی جزؤدانلر ؛ حقه باز  
چنکیلرینک سنت دو کونلرنده صرتلرینه طاقیویردکلی پوللی پوللی  
عادی چبکسنلر !... هپسی ده ایشیقسنز و هوا سنز چارشی دهلیزلرینک  
- آتقیقه مادر بازی برقاج موسوی به عائد - توزلانش جامکانلرنده کیزی  
پیرلتیلرله یانا سونه اوروپالی شرق پرستک عجمیلکنی آولایان یملر ؛  
اجنبی کوزلره یرلی ذوق دییه تقدیم ایدیان بوغدار ذوقسنلرکله ؛  
حنجلاه ، بهتانه ، غرضله ، عنادینه چیرکینه شدیریلش ، عنادینه ابتدائیه -  
شدیریلش صانیلاجق کویا تورک ذوق ، زواللی باقیمسنز ذوقنز !...

اوت ، مملکتتمز ایچون کوسته ردیکی توجهه منتدار قالدیغم مخاطبم  
اواقشام اؤکه هپ ایشته بودرلو شیئر یایدی . فضلله اولارق ، نقشلی  
ماوی قیرمزی بونجو قلرله بزه نمش ایکی اوچه ده خنچر واردی که او ، بونلرک  
یکیکچریله عائد اولدیغنه قامش ، نجی ده اینساندیرمق ایچون اصرار  
ایدیوردی . بویوک تنها سالونده ، بیلسه کز ، نه درین برچاره سنلک  
ایچنده قالمشدم . مملکتتمزه قارشی کوسته ردیکمز تسبیک آجیسنی نادرا  
بو قدر یقیندن دویمشمدرد . اواجنبینک بیک برکیجه حکایه لرنده کی خولیلرله  
بکزه ین ادعالرینه قارشی ، شهرمنک ایچنده نفس آلیرکن بیله حالا اوزاقدن

کتاب صحیفه لری آره سنده بر استانبول دوشونورمش کی محاکمه یوروتن ادعایینه قارشی صوصمق بویوک برنانکورلک اولاجقدی. آلداتیلدیغنی آچوب، شرقه و شرق ایشلرینه دائر یا کاش دوشونجه لری قیرمق بلکه اونی بوتون اسکی واوزاق لذتلرندن چکوب قوپارمق اولاجقدی. فقط سویله دم، شرقک اصیل وکتوم روحنه تعلق ایدر نفیسه لردن مع التأسف هیچ برینه راست کلمه مش اولدیغنی آکلاتدم. اینانما یوردی، هر طرفده بونلری کوردیکنی، بونلرله، ملاکتنده آرتصادف ایدیلیر براوطه دوشه یه چکنی سویله یوردی. واثبات ایچون موراری یوردی.

— ایشته، بواو طور دیغمز او طه شرق اصلنده دوشه مش بر سالون دکلیدر؟ دییه صوردی.

— دکل یا، دکل... بو، اکسپرس قومپارتمانلرندن چیقان اجنیلرک خولیا سنی آو و تمق ایچون قوق قومپانیا سنک کچیجی مشتری لری نه جاضر لادیغنی معناسز، شیوه سز براوطه، دیدم.

دیرسکلرینی قولتوق کنسارلرینه دایامش، پارمق قریله چککسنی اوقشایارق دیکل یوردی. بلکه ده دوشون یوردی. چونکه:

— پک آبی، او یله یسه بکا حقیقی بر شرق او طه سی نمونه سی کوسته رک، بواو طه زرده وار؟ بر هفته در بوراده یم. ایلری کلنلر کزدن بر خیلدینک آوینه اوغرا دم، دعوت ایدیلدم. سر بستانکمی معذور کورک، هر او طه ده بحریک سز بر غرب مقلد لکی بولدم. همان هیچ برنده نه اسلوبدن اثر واردی، نه شرق روحنک ظرافتندن، نه ده صاحبنک حقیقی سویه سی حقنده بر فکر ویره یله چک بر یرلی ذوقدن... آجی بر عتابه معروض اولمش کی صوص- یوردم. ینه او.

آلمانلرده کوروان، واکثریا بزم نزا کته، نکتهیه آلیشقین روحلرمزه  
آغر چارپان فضله آچیق سوزلیلکله ایضاخه دوام ایتدی:

— هنریم، استانبوله کادم، بو شهر ی کوتو بر غرب ایالتی  
تقلیدی کبی کوردوم. بر قاج حشمتلی جامه کیزله، بر قاج صنعتلی  
چشمه کیزی، بر ایکی قایغ کیزله بر ایکی اسکی محله کزی ده بولماسه یدم، ایش  
ایچون اوغرامغه مجبور اولسه م بیه، بو یورغونلغمه جدا آجیبا جقدم،  
دید ی.

وقت خیلی کچ ایدی. الکتریک لامبالرینک بمضلری بر آن  
سوندورولوب ینه آچیلورودی. مساعده سفی ایستدم و آریلدم.  
کیجه قارا کلغنده آیاغمک سسندن بشقه یالکیز لغمه آرقاداش  
بولامادیغم سوقاقلرده دوشونیوردوم. و، ایستهرسه کز بکا کوچه نك،  
او آلمانی کندیمدن ده ا فضله بو مملکت امتعه سینه قارش ی رغبتکار  
بولیوردوم.

دها آجیسی، اونك مراقفی ساخته، معناسز زینتلرله تطمین  
ایدنلردن خبردار اولمایا جق قدر، — کندینه مخصوص بر ذوق عالمی  
یارا تمش بر ملتک نادر امتعه نمونه لرینی تحریف ایدم رک بشقه مملکتلره  
چیرکین نمونه لر یوللایان بر قاج پاره حریصنک آله شرق بدایع ی  
بیراقیورم جک قدر — کندیمزه بیکانه قالدیغمز ایچون سزی وبی،  
اوته کنی و بریکنی تهمتلی کورییوردوم. پیهرلوتینک شرق امتعه سیله  
شرق اوطه سی دییه سوسله دیکی دائره یه کولنلرمزه او کیجه عادت  
ایچمدن اوفیکه لر کلیوردی. چونکه او اجنینک هوسیه زوکلنه نك  
کندی اوندی بر باقیر مانغال، بر چوره، بر بخوردان، بر قلم تراش،



کونی کچمش ، شمشه سی اولمش ، کویا بشقه ملته عاډ کبی یابانجی بر ماهیت آلمش آنتیقه لر طرزنده صاقلانیور . بعضیلرنده ایسه - سزک بزم کبی شهر ایچنده مهاجر اولانلرده ایسه - بلکه بونلر ییله یوق . مقاله کزک احتوا ایتدیکی حقیقی ، ایشته محترم افندم ، اوکیجه قارا کلقدمه ویا لکزلقدمه آووجک ویا کوکسک بر یارمه سی کبی دویدم . انگلیزک « هوم » ، اسیمه چلیک « نوت هم » دیدیکی وقت دویدینی غرورک ، انسانی حسک نه صمیمی برشی اولدیغنی اوکیجه قارا کلقدمه یالکیزکن سه زدم . و تورک چوققلرینه اوکسوزلره آجیر کبی آجیدم . چونکه هانکیمز بزه مونس ، بزمه دولو ، دده لرمزه عاډ اولمش ، اولرن بزه کچمش اسکی ویرلی ذوق ایچنده بویودک ! بزم چوققلرمن بزدن دها فضله اوماضیدن ، اسکی تورک اوطه سندن ، تورک اشیا سندن قوپوب آیریلش یاشامایا جقلرمی ؟ اولرمزده ، کوچوک یاشمزدن بری پرده لرمزدن ، قانا په لرمزدن ، یورغانلرمزدن ، چرچیوه لرمزدن سس سز و خبرسز آلدیغمز قوزموپولیت تربیه ، وطنه قارشى کوسته ردیکمز تسبیك ، چوق اجنبی پرستلکک بلیرسز منبعی دکلکی ؟

ایشته مقاله کز بکا اوکیجه ، قرا کلقدمه کندی کندیغه قالدیغ زمان بوتون بوشیللری دوشوندردی . وسزک اولنلردن برنده اوزله - دیککیز خولیا اؤک حسرتی اوکیجه بنده دویدم . هر حالده اویازیلرکز ، ذوقزک یوصونلی رکودتی حاره لندیرن بر ملت تاثیرینی جائزدی . سزه چوق تشکر ایده رم افندم .

## ذوقزده دائر

### ۲

کچن کون یازدیغم مقاله ایچون شویله بر اعتراضنامه آلدیم : « ذوقزده دائر سرلوحه سی آلتنده تحریر بویوریلان مقاله علیه لری مطالعه کذارم اولدی . مملکتک حیاتنه تعلق ایدن بوقبیل مسئله لر حقننده بودرلو دوشونجه لره مالک اولما کز شایان تبریک و تقدیردر . مملکتتمزده اعمال اولونان امتعه یه قارشى کوسته روب طورمقدمه اولدیغمز لاقیدی بنده کزکده هر وقت منفورم اولمشدر . مع مافیه مقاله کزدن اوילה استشمام ایدیایورکه مملکتتمزده شرق ذوقی تمامیه انحطاطه یوزطوتمش ویا هیچ درکه سنه تنزیل ایدیلشدر . مع التأسف بوفکر کزده اشتراک ایدمه دم . سببی عرض ایدیم : بنده کزک دوشوندیگمه کوره بوتون مملکته شامل اولمق اوزره قلمه آلیناجق بر مقاله ده محرر آز چوق اطرافنه دخی عطف نظر ایتمه لیدرکه سردیاتی مبالغه دن قورویایلسین . زیرا الله قلمی آلتجه قوس قوجه بر مملکت حقننده حکم یوروتو ویرمک اذهان قارئنده بر طاقم ذهابلر تولدینه سببیت ویردیکی کبی تدقیق ایدنلر نظر ننده دخی مقاله نک قیمت علمیه و حقیقیه سنی تنقیص ایدر . ادیبلمزى

زیارت وسیله سیله تصویر ایتمش اولدیغکنز خانه لرك عدد و دائره سنی برار  
دها توسیع ایده جك اولورسه کنز مبعوث مقاله ده عدم موجودیتدن  
طولایی حیفلان دیغکنز اولردن بعض نمونه لره تصادف ایتمه کزیک ممکندر.  
بنده کنز نیجه نیجه ارباب ذوقك خانه سنده جداً بی نظیر اطلاقه شایسته  
اولان عربکاری، شر قواری او طه لره راست کلمه در. هله ولایتلر مزده  
بو قییل اولرك بیکلر جه سنه تصادف ممکندر. بونی ذات عالیکنز کز ده  
البت بیلمسی ایجاب ایدر. ثانیاً، کذا عینی مقاله ده بیه رلوتینک  
اوطه سنی بکندی ککزی اشراب ایدر بر نقطه وار که بنده لرینی طوغریسی  
دوچار استغراب ایتدی. نه دن دیرسه کنز بیه رلوتینک او اوطه سی شرق  
اوطه سی دییه نمونه اولارق کوستر یلکه لایق بر اوطه دکلدرد. بویه برشی  
سویله مکله مزده مخاطبکنز آلمانک دوشدی کی کریوه یه دوشمش اولیورسکنز.  
نظر دقتکنزه اوچنچی بر نقطه دها عرض ایتمک جراتکار لغنده  
بولونا جیم. عجبا شوملی، بوملی اولسون دییه اولانجه شیئلری یرایله -  
شدیرمه سنی ایدنلر، مملکتیمزک برخیلی ترقی ایتمش طرز تلقیسی  
کری یه دوندورمک کنه افی ایشله مش اولمایورلرمی دیرسکنز. مثلاً  
ذات عالیکنز اسکی یرلی ذوقز احیا اولونسین دیر ایکن رخاوت قارشی  
میل او یاندیران، انسانی بغدادش قورمغه مجبور ایدن یایوان یایوان  
کره وتلرمنک، صوبالر یرینه منغاللرمنک، قهوه چوملک لرمک، خلاصه  
یکیله شمک حکمتنه مبنی آتیلمش بو کهنه شیئلرک یکیدن رواج بولاجغنی  
دوشونم دیکزمی؟ ملتیمز، ملل مترقیه عدادینه داخل اولمق ایچون  
کندیسنی بونلردن اوزاقلاش-دیرمق املیه سنه لره غیرت لر صرف  
ایتدی. شمیدی اولر مزه کلن قورصه لی ویا پانطولونلی مسافرلری

اوروپا اصولى قانايەلەرلە مىندالىيەلەردىن بىشقى يەرلەر اوطورقماقنى ،  
حق الانصاف ، سويلەيىكەن ، جاۋىمىدەر ؟ ،

اسمىنى سويلەمەككە اذن وىرمەين قارە ، مەكتۇبى باصدىردىغى  
ايچون بىي مەذور كورسون . مساعده ايتىپىن دە بن علناً كەندىسە تشكر  
ايدەيم . چونكى بواعتراض ، دكرسىز يازىلارمىزك قارنىلارك روحنە  
علاقە اوياندىردىغىنە قىممەتلى بىر دىلىلدەر . چونكى بىزە اينانان روحنلارك  
صمىمىتىنى اىي ويا قىنا استقامتلىرە كوتورمىك خصوصەندە بىر نوع  
تأثيرمىز اولدىغى كوستىرىيور . ھەر كەلمەزدە ، دىكرلىرىنىك روحنلارنى  
قارشى بويوك بروجدان مسؤلىتى يوكلەندىكەن بىزە اقناع ايدىيور .  
شەھەسىز بىزدە شىرق اشياىنىك اصيل ذوقنى صنت پرست روحنە  
طاشيانلار وار . اونك مەككىنى اولرىنىك براوطەسەندە ، اوطەلرىنىك بىر  
كوشەسەندە كوستىرنلار وار . . بعضى توزلى يوللارك كەنارەندە باقىمىسز ،  
نظامسىز بويوپىن ، آشى كورمەمش كل فەدانلرى يوقىدەر ؟

چوق شەكرەكە ھىيچ اولمازسە بو قدردى وار . مىثلا :  
آشيانى دولاشان بىر زاۋر ، تىزە شاعرك ، مەلىكەتەندە وجودە  
كتىرىلش نەپەسەلرى ، انسانە وجدلار اوياندىراجق بىر ذوق پرستلىككە  
كوچوك كوچوك رافلەر ، لوش لوش كوشەلەر ، كىزلى وسە وىملى  
بوجاقلەر يىراشدىرىمش اولدىغى كورور . . . . . ك اوينە اوغرايان  
بىر ذوق آشنا پرەلەردە ، خالىلەردە ، دىوارلەردە كى چىرچىوەلەرلە  
آيتلەردە ، يردە كى ناركىلەرلە مىندىرلەردە - يارى آيدىنلق - بىر شىرق  
اوطەسەنىك وىردىكى استغراق دويار . تورك اوجاغنك بىمىز اوطەلەرنە  
مەلىكەتكىزك قوقوسىنى بولورسەك . . . . . پاشانىك سالوننە اوغراسەك

دكزك آقان و دكيشن نظير سز فيروزه سنه حاكم واسه كي برتورك پاشاسنه عائد راحت ، ساده - يازيلرينه ، سجاده لرينه چوبوقلرينه باقدجه انسانه فرحلق و یرن - بر شرق بوجاغي كور رسكز . كنچ رسام نامق اسماعيل بكك ، قنديللريله ، قابوطوقاقلريله ، قرآن رحله لری و جای كاسه لريله ايمره نيله جك بر شرق اوطه سی وارد ر . كوپريلي زاده محمد فؤاد بكده تعريف ايديله ميه جك قدر ظريف و نارين قلم تراشيلر ، اسه كي او يملر كوردم . كورمه ديكيم ..... بكك اوندن ، شهزاده عبدالحميد افندي حضرت تلرينك قصريله ، برنس سعيد حليم پاشا حضرتلرينك ياليسندن بكا بويوك بر غبطه يله بحث ايدنلر اولدی .

فقط بوتون بو صايد يغم جدآ كوزل ، جدآ اشسز يرلردن روحی تماميله دويوران بر حس آلامد . كي مي سنده پيه ر لوتينك ده زاناشته سنی او قود قدن صوكره شرق ذوقه دون بر اوصاحي روحی كوردم . كي مي سنده شرق ايشلريني غرب ايشلرينك بر چرزي اولسون ديه صالحونه قبول ايتمش بر آدم حالی واردی . كي مي سنده آنديقه لرله دائره سوسله مكه اوزه نمش بر صنعتكار آرزوسي سه زيل يوردی .

اوطه لری ادرنه صابوني قوقان ، كرمه وتلرينه قابلي ساقز كي بياض اورتولری ، بوروشديرلغه قیلامايان ، يوكلرنده اسه كي قاصناق ايشی بورغانلر ، طولابلرنده كوموش قهوه ظرفلری بولونان ، ياتاقلرينك باش اوچنده صرمه ايشله مەلی قرآن كيسه لری دوران ، كيجه لك بوغچه لری نقشلی ، آبانی قونداقلری قات قات ده وشه يريملي اولردن بحث بيه ليه ايتمه يورم .

زیرا عصر لر جه مدت عمومی بر ذوقك سلطنتی سورمش بر نماسكتده ،



اوزاقلاشان اوزوقدن بودرلو آرتیقلا آلت هنوز حالا موجود اولاجقدر .

فقط بن ، ادبیاتده ، معماریده و روحمزه باشلایان بوکندیمره دونوش ، کندیمری کندیمره آرایش حرکتک دها حیاتیله شمسی ، دها عمومیه شمسی و قوللانیدیمر اشیا به وارنجیه قدر هر شیئه سرایت ایدیه بیلمه سی مقصدیه سویله دم .

دیمک ایسته مه یورم که ینه یر مندرلرینه کیجه لک انتاریلری ، بل قوشاقلری ، حیدری خرقلرله باغداش قوروب ایکی آرشون بوینده چوبوقلر سیغاره ایچهلر . مرجان ترلکلر مزده آیاق اوجمزه ، آفندیسنک یاننده بکله ین صادق کوپک یاورولری کبی اویوقلا سین ! یاخود باقیر سینی به چه چوره چومهلوب تحته قاشیققلرله اورته ده کی بوپوک کاسه دن چوربا ایچهلر ، ألمزله کلاچ ییه لم ! دوشکلر منی کیجه لری یره سروپ صباح قارا کلنی ، هوالاندرمادن ، زیفیری یوکلره طیقالم ! یاخودده باشمزه قاووق ، آیاقلر مزه چدیک کچیره لم ! خایر... بن آرتق بوکی عرقی عادتلی ، حتی قیافتلری ولایتلر مزایچون بیله فضله ماضیه یاپیشقانلق دییه دوشونورم . وارسین ، بوشهری دنیادن آل چکمش برایکی تنکیه وبوسوقاقلری ، کچه کلاهلری ، یاغلی اوزون صاچلری ، قیورجیق اوزون صاقلاری ، آلرنده بویلرینی کچن تبرلی عصا لرله برقاج مرثیه خوان سوسله سین . وارسین بشقه بشقه کینین اصنافلر مزه جاده لرمزه ولایتلر مزدن واسکی کونلرده کی قیلقلر مزدن برر سرپیتی دوکسین . بنجه بو قدر کافی ! حتی لازم .

فقط اوتەسى دكشەمەلى ، اما او شرطلەكە قسطمونىلى جنورهلى يە ،  
استانبولالى لوندەرەلى يە دونمەكە اوزە نوب دە كنديسنى دە غىب ايدە رك دكل .  
بن ديمە دم كە پيەرلوتينك اوطەسى بزه نمونە اولسون ! چونكە  
مثلاً : چورەك ياننە مزار طاشى دايايان ، مانغال كوكبكى چيچك  
صاقسىسى ياپان ، صندوقەك بوينندن مشلح صارقيتان ، قالين اوليا  
قسيدىچنك اوجنە بالطه طاقان ، مانغال تحەسنى قالقان كې ديواره  
آسان شاشى بر شرق ذوقنى بوملە نمونە كوستەرەك قدر قارا كلق  
وجدانلى دكل . يالكز اولسە اولسە بويلە براجنى بى مملەكتە مزامتە سەنە  
قارشى بزدن دها قدر شناس ، بومملەكتە قارشى بسلە ديكى اصيل و قيمەتدار  
سە و كيدە بزدن دها صميمى بولور وبوقدر دە كندىنى دوشونە مەين بر  
تورك زنكىنندن فضلە ألت اونى تقدير ايدە رم . بو بويلە در . قلبمك  
بو حقى كوكسمەن كيمسە سو كە مەز .

بوكون اوروپانك سالونلرينە تعريفسز برايستەكلە قبول اولونان  
هند رحلەلى ، عرب اسكەملەلى ، ژاپون پاراوانالىرى يوقى ؟  
هندلنك ، عربك ، ژاپونك كنديسەنە خاص اسلوبلىرى عصرك  
احتياجىلە دكشيسين ، يكي شەكلر آلسين ، دكل يالكز كندى  
طوپراقلىرنە ، حتى رقيب مملەكتلر دە رغبت قازانسین دە ، نە يە بنمكى  
بنم كوزلرمك او كندە صرف بنم نانكورجە تسيم ، سفىجە لا قيداغم  
يوزندن چورويوب يوق اولسون ! ايشتە بن ، بوتەكاسلى سيلەكوب  
آتمق امليلە سسمى چيقاردم . مثلاً اسكى مندەرلرمز برازدها يوكسە لوب  
ايچلرينە بررە ياي قونامازمى ؟ انكلىز قانا پەلرلى ديه او خلر چكە رك ،  
« آمان نە راحت » تقديرلىرى فيرلانارق ايچلرينە كومولديكمز شىلر ،

اونو تئمايلم که دیوان اسمی طاشیور . برصندالیه اون دردنجی ، یاخود  
اون بشنجی لوئی اسلوبنده اولاجنی یرده شرق جامعلرندن ، او نفیس  
اسکی کرسی اویمالرندن ، رواق استالاقیتلرندن ، منبر کلاهلرندن  
چیقاریلوب یاراتیلا جق شکلرله یاییلامازمی ؟

یحیی کمال ، برمه صاحبه سنده نه طوضری سویله یوردی . دیوردی که :  
« مدنیت بردر ، فقط تجلیلری مملکتلره کوره متنوعله شیر . »  
شبهه سز که بو دوشونجه ، بر جوق طوضری قسمی حاویدر . عینی مدنیت  
هر مملکتده او مملکتک اسلوبنه بورونور . شو حالده بزم دیاریمز  
اوز ذوقزدن ، اوز اسلوبمزدن نیچون محروم قالسین ؟ کندی بدیی  
منبعلمزده خصوصی برکوزلک بولاییله جککن نیچون صرف یابانجی  
ذوقلره اسیر قالالم ؟

طبیعی لوئی که تزه ، لوئی قاتورزه ، آپیر ستیل ، موده رن ستیل اوطلر  
ینه اولاجق . ذوقک حدودلرینه عرفی بر داتره چیزمک جنایتی .  
هیچ کیسه نك عقلندن کچه مز... کاشکه ، هیچ اولمازسه ، بویله مکمل  
صورتده دوشه نمش غرب اصولی اوطلرمنز اولسه یدی . چونکه  
بز - اک یوکسکمزدن اک آشغی سویه نیمزه وارنجه یه قدر - غرب اصولی  
اوطله دوشه مه سنی ده بیلمه یز ، اسلوب نه دیمکدر اوندن ده آکلایمیز .  
زیرا دوشونجه سز بر عجه یله کندی ذوقزی غرب ذوقنه دیکشدک .  
اوکاده درین وصیممی بروقفله صاریلماق . او ائناده محافظه ایدیلسی  
و یکله شدیریلسی لازم کلن یرلی ذوقده خراب اولدی . بز اورته ده  
آجیناجق بر وضعیته دوشدک .

نیجه او صاحبیری طانیرم که بر قاج یوز لیرا مصرفله دوشه دکاری

اوطه لرده ، تنظيم و ترتيب دوشوكلهكي ، آچيق برياره كورمش كي ، آكلايان بر روحه او كورتى ويريوردى . اكثر يمز غرب صنداليه لر ينى ، طبقى اسكى شرق اوطه لرنده كي مندرلر ترتيبنده باشدن آشاغى به يان يانه ديزه ر ، موميا لركي ديواره يابشدير يز . اوطه نك اورتى سى ده بوم بوش دورر . صوكره ديواره ياپمه چيچك ايشله مهلى ، قطيفه زمينلى چرچيوه لر ، چيك يالديزلى قورنيش لار ايچنده كوزلرى تيكسندير ير . اوت غرب اصولى اوطه دوشه مك خصوصنده ده بز طبقى ، فرنك كومللكى ويا قالق كيوب ده بويون باغى طاقمايان ، باجا قلوبنه غرب اصولى پانطالون كچيروب ده باغداش قوران ، ديز چيقينتيسى ، پاچا بوروشو غنى كيده رمك ايچون اوتو لزومنه قائل اولمايان ، فس كيوب ده قالمه اهميت ويره مين يارى بوچوق مدنى قيلقلى محله افنديلىر كي يز . ايشته بن ، كچن مقاله مى بودوشو نجه لرله ياز مشدم . يازديغم هر كلكه نك مسئوليتمى طويمش بر آدمدم .

## ذوقزہ دائر

۳

عائله مزك غایت اسکی وغایت صمیمی احباب لرندن برخانم افندی  
وارد ر . قادیئم ده ، بن ده اون بش کونده بر زیارتنه کیده رز . اونکله  
قونوشدجه ، شمدی یرلرینه باراقه لر دار لغنده اخشاب محله لر قورولمش  
اسکی قوناقلر مزی آکارز . بویوک بابالرمزك صیقنی ، دارلق بیلمه دیکی ؛  
خانم ننه لر مزك آلرینی چیریدقلری وقت اتکلرینه ایکی بیاض ایکی ده  
سیاه خالایق قوشدینی او رفاہلی ، ساطعتلی کونلری خاطر لارز .  
خانم افندیك صاچلری اینجه بر بروسه دلبندی قدر آغار مشدر . فقط  
اوستلرنده نه خطوطوز وارد ر ، نه ده یمنی ... طوپوز دن ده خوشلاماز .  
اور کولرینی باشنه برچلنك کبی صارار . حیاتنه ، هنوز ارکان مندر لرینه  
باغداش قورولدینی دورده باشلامش . شمدی یالوئی که تزه یامودرن  
ستیل لا که بر قولتوقده اوطورر . دها ارککدن قاجادینی ژمانده  
اوچ اتکللی انتاریلر هنوز موده ایمش ؛ سوقاغه خانلر فراجہ یله  
چیقارلر مش . بوکون کنسیدیسی ویانه نك صوک موده غزته لرندن  
بکنیمه درا ، یاخودده قرپ دوشین چارشاف کیر . قیشین نهرمین



مانشون ، نه رمين بووا قوللانير . اوپره تي مينه دوربينيله سير ايدر .  
 اولجه نغيرسز كوزل اولماسي لازم كلن يوزي آرتق بوروش-شمش .  
 فقط براق وقويو يا قوتلري آ كديران آلا كوزلري ، هيچ سغالت  
 منظره سيله بولانماش برتازه ليكله حالاپارلار . بويي هنوز قيوريلماش .  
 حياننده ايكي بويوك ذوق واردر : بري اوزون اوزون ، طاتلي  
 طاعلي آكلاتمق ، او بري ده بدستانده آننيقه طوپلامق ! دورلودورلو  
 بهارلر و نافتاينلر قوقان اولوش دهليزلرده آقسيوا آقسيوا دولاشير .  
 بر آدم بويينده كي دكانلرينه تونه مش آباني صاريقلي ، بويوندن آتمه  
 كوموش كوستكللي حاجي افنديلردن لاهور شالاري ، اصفهان ياسديقلري ،  
 رودوس موشا باقلري صورار . يا قالقلي ، بويون باغلي ارمي قوبو مجيلر  
 سلطان محمود زماننده ياييلمش بر جفت نادیده كوموش قوپايي كوسترمك  
 ايچون ، خانم افندي بورايه ، ديهه اطرافني آليرلر . بوتون اوسس  
 اوغولنيلرينك اوستنده اوچان ياغره سيله ، آلدنه اورته سي چوقور ،  
 تخته دن مجوه چاناغي طولاشديران دلال اونى كورنجه قولاغنه  
 اكيلير : كلپوردردر ؛ ايله قسمت اولماسين ، ديهه اشتها سني بيله . قاتيلوب  
 طاشلاشمش طوپراقلره توزلي تپه جاملردن صيچاق بررايشيق ياتيران  
 سيرك ضيا بورولرينه صوقولوب اينجي مصقاللري ، پيرلانطه فاسه تلري ،  
 آلتون قيراطلري معايينه ايدر . ايسته بوكبار وزنيكين خانم افندي ،  
 برقاج هفته در وقته يازديغمز « ذوق » مقالهلريني اوقومش . بكا  
 ديدى كه :

— سنك مقالهلر يا وروم ، هپدوشه مهلري سويليوردي . عثمانينك

ذوقی سلط او طه دوشمه سیه ، یاصدیق یورغانه قالا جق قدر کوچک  
برشیمیدریا ؟

— شه سز ، خانم افندی ؛ اساساً بنده کزده بویه بر ادعاده  
بولونمادم . البت ذوقز ، حیاتک هر صفحه سنه یاییلمشدی . خانم  
افندی ، بز طاتیلر مزه ، شکرلر مزه وارنجهیه قدر خصوصیت  
دوشونمش بر ماتر . مثلاً سوتله شکرله کل صوینک قاریشما سندن  
وجوده کان محلیده کی ظرافتی دوشونک . صوکره اوکا کل صوبی  
سربه جک کلابدان ؛ یا او توی قدر ایجه ، محلیده کی نفیس لذت قدر  
خفیف قاشیق لار ! شکر جیلر مزک اوکارینه قویدقلری ایپک فوطه لار ! ..  
هم بوتون بونلر اجتماعی سوبه لره کوره ده یاییلمش . گوموش کلابدانن ،  
قبا رسمی تحته و یا جام کلابدانه قدر واردر . ایپک فوطه دن چوزمه  
بزه قدر وار . صوکره شکرلر مزک متنوع لذت لری ...

— یاوروم یالکیز اونلرده دکل . باق بن سکا دها عادت لرمزی  
آکلانایم ده سن آرتق ایسترسه ک یازارسک . هم بن ایشیتدکلریمی  
دکل ، کوردکلریمی سوبه یه جکم .

بو لطفه جداً سویندم . چونکه خانم افندی سلطان عزیز دورینه  
داثر جانی بر شاهددی . اوروپا اسلوبی بیکی قبوله نن تنظیمات  
زنکیئلرینک ، — اسکی عجم — تورک ذوقه آلشقیقلری دها کچمه مش —  
دوزندن بحث ایدم جک بر شاهدی دیکله یه جکدم .

رفیقم ایچریبی او طه ده ، خانم افندی نوتردام دوسیون قولله ژینی  
بیتیرمش کوچک قیزندن پیانو دیکله یوردی . خام افندی ، بر پارمنی ایری  
پیرلانطه ، اوته کی قویو زمرد ایکی یوزوک طاشیدان صاغ آلی ،

اوطوردینی قولتوغك دیرسك دایایه جفته قویدی . انكلكندن یاری  
کورون روغن ترلکلی آياقلىرى برى برى اوستنه آندی .

آویزه لرده یانان انكترىق ایشیقلىرى آلتنده ، بو کنیش وایایق  
صالونده طوغریسی بر مارکیزی ویا بر قونتمسی خاطر لاتما بوردکلدی .

— سکا بر قاج شی آکلانیم ، مسافره قهوه شربت نصل  
ویریلیر . مسافره یاتاق نصل یاپیلیر ، مسافر نصل اوغورلانیر .  
برده رمضانده سلاملق افطاری نصل اولور ، اولامزی ؟

— جدا منتدار قالیرم ، خانم افندی .

— شیمدی قهوه جی قلفه ، باشنده خوطوزی ؛ اؤکده .....

آرقه سنده شا کردلری .. فقط خانم افندی چوقاقغنده بویوکلردن  
دویایینی کی سویلور ، « شاییرد » ی دیوردی . شا کردلردن  
برینك آلتنده بر قهوه تپسیسی ؛ اون ایکی کوموش ظرف  
و قنجان ... او تپسینك اورتی یرنده مسافرلرک صایینه کوره  
کوموش کوچوک تپسیلر ، تپسینك اطرافنده قدیفه اوستنه  
« دیوال » ایشله مه لی اورتو بولونور ... ایکی شا کرد یان یانه طور لرلر .  
ایکنجی شا کردك آلتنده کوموش « سیتیلی » ، کوموش زنجیره طاقیلی کوموش  
کاسه واردر : ایچنده کوموشدن قهوه کو کومی ! قهوه جی قلفه تپسیدن ،  
— آرتق کوموشمی ، آلتونمی ، نه یسه ایشه — بر ظرف آیر . اوتی کی  
کوچوک تپسینك اوستنه قور . یاننده کی تپسیدن ده قهوه ابریکنی آیر ،  
قنجان قهوه یی دولدیرر . صوکره ، آرتق مسافره حرمتنه کوره ،  
اؤک کهیا خانمی ، یاخود کوچوک خانمی قالمار ، یاخودده اوقهوه جی  
قلفه مسافره قهوه یی ویرر .

خانم افندی بومراسمی آکلایرکن سسنه جدآ اوسلطنق اوزله ین ملالی برطانیلق کلیوردی .

— شربت نصل ویریلردی ، خانم افندی ؟ دیدم .  
— قهوه نك آرقه سندن ، کیلارچی قالقه نك شربت کتیرمه سی شرطدی اولادم ! شربت نصل ویریلر ؟ کیلارچی قالقه اوکده ، شا کردی آرقه ده . شا کرد برتپسی اوزرنده کوموش باردق طاقی کتیرر . باردقلا طاباقلی ، قاپاقلی ، قولیلیدی . ینه کیلارچی قالقه باردغی طباغیله برابر تپسیدن آیلردی . آلتنه ده ، اُپی لوزون بر « صرمه لی یاغلق » طوتارق مسافرك اوکنه کیدر ، قاپاغی آچار ، اُکیلیر ، شربی تقدیم ایده ردی . صوکره آرقه آرقه چکیلیر ، وطاباق قاپاق آلتنه بکله ردی .

— اوطاباغك آلتنه صارقان به ز نه ایچوندی خانم افندی ؟  
— اوکا « آغز چوره سی » دیرلردی . مسافر اوزله دوداغی قورولاردی .

— بو، حرم طرفنده کی مراسمی ، طیبی ؟ سلاملق طرفی نصلدی ؟

— نه ارکیکاره قهوه چی آغالر ، چوبوقچی آغالر خدمت کوروردی .

صوکره خانم افندی مسافرك کیدیشنی شویله آکلایدی :

فراجه چی قالقه یاشماق بوغچه سی — یا اوسطوفه ، یاخودده سوزنی

ویادیوال ایشله مه بر بوغچه — کتیررمش . بوغچه دن بشقه برده کوموش

آینه !... مسافر خانم افندی یاشماغی باغلا نیجه یه قدر قالقه اوآینه یی

طوتار ، صوکره ده قولتوغنه کیروب آشاغی یه ایندیررمش .

قاپوده قوپا حاضر : حرم آغاسی قاپوسنی آچار ،

خانم افندیك قولتوغنه كبر ، آرابايه بئنديررمش . كھيا قادين ده ، قوجاغنده خانمك كورك بوغچهسي ، آرابايه برابر اوطوردمش . كورك بوغچهسي « صیونی ویا صوائیدن » ، « سلیمیه » دن ، یاخودده « اوسطوفه دن » ایش .. ایچنده کی كوركده موسمه كوره دكیشن جنسلردن ... مثلاً ایلک بهارسه آطلاس قاپلی سیاه صمور ! یالکیز « باشاقلر » له « ألما » یه قطیفه قاپلانیرمش . آرابه جینك یاننه حرم آغاسی اوطورر . استانبولین کیملی ساییسه آرابه نك صاغ طرفنده کی قاپوی طوتارق یایا یورورمش .

یاریم عصر اولکی حقیقی او مراسمه یاشامش ، بو قیافتلرله سیران یرلرنده کزوب توزمش خانم افندی دن ایشیتدکجه طوغریلغنه اینانیلماز خیالار ایچنده قالیر کی اولیوردم . روس بوزغونندن قایوب قاجیریش او قومرال صاحلی ، چتره فیل دیللی ، کوزل وکیسمه سز چرکس قیزلرینك طوتدینی « صولماز بریا قاقله ، قوروماز صورنکینی » خاطر لاتیر کوموش آل آینه لرینه باقا باقا یاشماق طاقینان نازلی تورک خانم افندی لرینی حسرتله آکیوردم . اونلرک قالین خالی توپلرینه کومولش کوچوک آیاقلرینی کورر ، نارین انداملرینك قپرداییشندن اُورسه له زن ایپک خیشیرتیلرینی دویار کی اولیوردم .

بیانوده لیستك ایکنجی راپسودیسی چالینوردی .

— سزی پک یوردم اما خانم افندی ، زحمت اولمازسه افطاری ده آکلاتیرمیسکیز ؟

— زحمت ده فصل لاف ؟ مقصد محبت دگلی ؟ افطار ، آه افطار ... اونه کباردی . توبه لر اولسون هیچ دکل ، درت رمضان



اولنه قدر سفره مده ائی کوتو برر ایکشر طابق رچل، بر آرسیمید،  
پیده، آزاجق کلاج بولونوردی .

خانم افندی دوندن بوکونه دوشدجه روحنده آجی بر ایکنه لئه  
دویوردی . اونی تکرار ماصالنه دوندورمک ایسته دم :

— بوده کچر ، دیدم .

— اويله اما اولدم . سواقه چیقماز اولدم، دکانلرده کی فیئانلری

کوردکجه سیکیرلرم بوزولیور . هله او قاپو قیلرنده کوپک یاورولری  
کی قیورانه قالمش بچاره دینلنجی چوجقلر ...

— اوت، فجیع .... لطفاً افطاری آکلاتک .

— سلطان عزیز دورنده افطارلر برشیددی، او غلام! .. رمضان

اماملری ، مؤذنلر فلان اولدن کرا لایر . رمضانک ایلکنندن صوکنه قدر

دعوت اولوردی . دعوت ده نه ؟ قاپو آچیقدر . چاغیر مق عیدر . کلن یر .

او وقتلر «بغه» تپسیلر پک مودهیدی . هراقشام اوتپسیلره ، پینیری

رچلبیدی ، زیتونیدی صره صره دیزیلیر . اورته یره قاپاقلی اوافق

کاسه لرله چوربا قونور . بر اوافق دیلیم پیده ، بر ایکی دیلیم خاص

اکمک، اوافق پارچه سیمید ویاغلی چوره کونوردی . برده مطلقاً «بغه

قاشیق» نه دن دیرسه کر، کوموش قاشیق صیجاق طونار؛ رمضان کیفیله برده

چوربا اوفله مک زحمی اولماسین دییه مطلقاً بو «بغه» قاشیقلر اولاجق!

ها برده کوچوک بر فنجان زمزم .

— او قدر بویوک «بغه» تپسی ، قاج لیرایه صاتون آلییر ،

خانم افندی ؟

— یوق، بغه تپسیلر کوچوکدر؛ برر کیشیملک .. اوج آیاقلی

برسیغاره اسکمله سنک اوزرینه آغالر بوتیسیلری دیزرلردی هر دعوتاینک  
 اوکنه برتدی کوتورلردی . صوکره طوپده افطار ایدیلیر، کلیر  
 آغالر او اسکمله لری آلوب طیشاری چیقاریرلردی . هان او زمان  
 چوبو قیلر چوبوق کتیرر ویرلردی . برر کوموش ظرفلده قهوه  
 اکرام ایدیلردی . او بر سالونده صف سجاده لر، که آنجق ره ضانده  
 چیقاردی ، یایلمش ؛ اک اوکده اُمامه کوزل بر سجاده حاضر لانش،  
 صف سجاده لرک اوکنده عراقیه سجاده لر قونمش . مسافرلر او  
 صاحی «بو یورک» دیر . اوراده آقشام نمازلی قیلنیر . دفعه سالونه  
 کلنیر، ینه برر چوبوق ایچیلردی . بو چوبوقلر ایچیلدکن صوکره یمک  
 ویریلردی . یمک اووقت ینه ماصده یدی . بویه یر سفره لری، بیلیم،  
 بلکک کوچوک اولرده قالمشدی . ینه چاتال، بیچاق، قاشیق واردی... یالکز  
 یو وارلاق سفره لموده یدی... هر کسک اوکنده بر ریانه طاباق طورردی .  
 فقط یمک اورته یه قونور، هر کس اورادن یردی . سفره دن قالدقن  
 صوکره تکرار سالونه کچیلیر . برر قهوه، برر چوبوقلر، بر پارچه  
 صحت اولونوردی . یانسی زمانیده کلیردی . جماعتله تراویح قیلندقن  
 صوکره هان برر باردق شربت ایچیلیر . ینه چوبوقلر، ینه قهوه لر کلیردی .  
 ایسته آرتق کیمی کوزل حکایه لر آکلانیر، کیمی شطرنج اوینار . سجوره  
 قدر کوزل کوزل و قتلر کچیرلردی .

حرم آیری آیری یمزدی . افطارینی، یمکنی بر آراده یردی .  
 ده اسکیدن ایشله مه لی یر سفره لری ، ایشله مه لی یاصدیقلر، کوزل بر  
 سینیلری، صرمه لی حایلر، بیاض باتیسقه اورتولر، قوشلی کوموش

قاشیقلر واردی که بابادن قالمه عادتلرینی بوزمایانلر اوراده ییردی .  
 بو، اختیارلره حرمت دیمکدی . مسافر غلبه‌لق اولدینی زمان اوچ  
 درت کوموش له کن ابریک قونوردی . والاهی چوق سلطنت، چوق  
 سلطنت واردی . بن او افطاری چوق بکنیرم، حالا .

أوت، خانم افندینک حق واردی . سلطنت چوقدی . فقط ایچنده  
 بوغاز، سوس، آخرت دوشه‌نجه‌سندن بشقه دنیا یه یارار هیچ برأمل  
 حس ایدیلرین رؤیالی بر ماصال سلطنتی !... مناره‌لرله قبه‌لرک، صولرله  
 چنارلرک، خزینه‌لرله خالایقلرک آره‌سنده تکلفلی، شعله‌لی، اندیشه‌دن  
 بی خبر کونلر !... کرچه بونک ایچنده جدآ بنمسه یوب اجتماعی صنفله  
 آیردیغمز خصوصی ذوق و ترتیب واردی، هم حیاتک هر صفحه‌سنه  
 شامل تیتیز بر ذوق ! فقط ....

شم‌دیکی مایه نظارتنک فواد پاشا قوناغی، شیم‌دیکی دارالفنونک  
 یوسف کامل پاشا قوناغی اولماسنده کی حکمتی بومراسملری دیکله‌دیکه  
 بوتون بوتون آکلایوردیم . قالفه‌لر، خالایقلر، اوشاقلر، آراه‌جیلر،  
 آشجیلر، کوله‌لر آنجق بوکون بوتون بر نظارتک، بوتون بر کنج‌لکک  
 صیغ‌دینی او انکیین بنالرده بارینابیلیردی . او بنالرکه هر دائره‌سی  
 بر عالم، هر دهلیزی بر ولایت، هر بوجاغی آیری بر سلطنتکاه  
 ایدی !!

فقط بودجه‌سزل کمزی؛ بول سلطنت شعله‌سیله قاماشان کوزلرمنک  
 آجیقلی یارینی کوره‌مه‌دیکنی؛ کورکاره بورونمش، قومرال صاچلره  
 کیرمش ارکک وجودلرینک حدودمزده آسن ترقی بورالرینی

دویمایا جق قدر کندی نه چکیلدیکفی ده بو مراسم حکایه سندن سز یوردم! ..  
طبیعی :

خوش خانه عیش ایدی صفا اهلنه عالم

.....

نوش آخری نیش اولماسه، سور آخری ماتم

شیشلی : ۱۲ نیسان ۳۳۴

## ذوقزە دائر

۴

گچن مقاله لرمی اوقومق زحمتنه قاتلانان دوستلردن بعضیلری دیدیلرکه : « یکی، نه دیمک ایسته یورسک ! بویحی اوقدر داغیتدک که... فیکرلریکی بر آرایه طویلا یوبده بزه بر نتیجه گوسته ره مه دک. ایچندن ده چیقیلما یا جق بر حاله صوقدک ! » بعضیلری ده سویله سویله دیلر : « سوزلرک خیال اولمق اعتباریله هیچده فنا دگل . فقط آرزولرکده بر آز صافدلسک . «تورک ذوقی ایسته رم» دییورسک . بو، سوزله اولاجق بر شی دگلدر . ذوقلر زورله یاراتیلماز ، کنیدیلکلرندن دوغار . گرچه بو کنیدیلگندن دوغمای حاضر لایاجق بعض عامللرده واردر . فقط سن دوغماسنی ایسته دیگک بو آرزویه هانکی یوللردن وارا جغکی ده سویله مه دک . یکی ذوقی تمیه ایده جک ، یکی ذوقک انکشافنه مانع اولاجق عامللری ده دوشونمەدک . . . هم تورک ذوقی ، تورک ذوقی ، دییه دیلکه بر ترکیب دولامشسک . تدقیق ایستدیکمی ؟ بویله بر شی وارمیدر ؟ بوادعا کده دلایلرک هانگیلریدر ؟



يوقسه تورك ذوقى ديدىگك شى عرب و عجم، حتى برارده، برخيل ده  
بیزانس ذوق اولماسين؟ بو اعتراضلى بن حقيمنز بولامد.  
بومقاله اولره جواب ويره جك و بختى قاپاتا جقدر.

\*  
\*  
\*

أولاً، صانيورم كه، بو بختى داغيتام. بلكه بك قيصه كسورم.  
زيرا او، ذاتاً داللى بوداقلی بر مسئله در ....

كتابلر منك كاغدينه، يازيلرينه، ندهيلرينه و جلدلرينه، ديوتلر منزه  
وقاملر منزه و ارنجهيه قدر؟ مانعاللر منزه، فنجانلر منزه، جزوه لر منزه،  
دگر منلر منزه و ارنجهيه قدر؟ قاشيقلر منزه، سينيلر منزه، چوبو قلر منزه  
وتسبيجلر منزه و ارنجهيه قدر حياتك هر ضرورى و مادى احتياجه  
تشميل ايتديگمز بو مسئله بويله ايكي اوج مقاله لك سريع افطباع  
قيرينتيلريله حل ايديله جك جسدن دگلدرد.... اويما جياق، اويما جياق،  
مارانغوزلق، صد خيلك، نعلين جياق، اوروجيلاك، نه بيله يم، الك عادى  
و اهميتسز صنعتلر دن الك يو كسك بديعى صنعتلره قدر دها بيك لرجه  
« جياك، جياق، » هب تورك زوچنك تمايللرينى عكس ايتدير مشدر.  
اوصعتلر ك هپسى تورك ذوقى دوغور ان و بو بوتن بر ر شعبه اولمشدر.  
استانبول شهرينه يرير اسملرينى و ير مش، اورالرد ملتك رفاهى هنريله  
سوسله مشدر. بو بر حقيقت كه صوك ميدانده قالان ايزلريله حالا  
اشكار .... آه! سيرايلرى، قوناقلرى ييللرجه سوسله دكدن  
صوكره، اسكى توركلرك و قذلى صحتلرينه ييللرجه زمين اولدق دن  
صوكره، هر رى يوزلرجه آكلمش استاد يتشدير دكدن صوكره  
آهنكيدار اسملرى بيله اوج مزدن سيلدين اونفيس و طالعسز صنعتلر! ....

صوکره قیافتلره، عادتله، تشریفات و مراسمده اثر اولان خصوصیتلر  
 هنر؟ اونلرده بشقه... بن بونلرک هپسئه آز چوق نخاص ایتک ایستدم .  
 هر بحث بی آیری بروادی یه گوتوردی . بروحدت آلتنده بر تنوعه  
 دوغرو آچیلدم . داغیلمادم . یاییلدم . مقصدمده شو ایدی : غایت  
 مهم و معضل ، غایت بدیی ، غایت حیاتی و ملی ذوق مسئله سنک هر  
 صفحه سنی آزاجق ده شه بیلمک ... آله ایتدیکم مالزمله لر بی دها  
 مثبت بر نتیجه یه واردیر اجدی . حکم لرمده دها اساسلی اولاجقدی .  
 عدمک یاننه کلن ذوقز ، نهایت ، بو قدر جق آرانمغه، بو قدر جق  
 دوشونولمگده می ده کمه ز ؟ حمدالله صبی بکک ، فاضل احمد بکک ،  
 عبدالله زهدی بکک عینی بحثه دائر یازدقلری لزوملی و قیمتی مقاله لر  
 بی غایمه دوغرو تنویر ایتدی . حمدالله صبی بکک تمیز و کوزل  
 تشبیه لرله ، اصیل تمیلرله تورک اوینک شکلی آ گلا ندی . اوبله اولرله  
 سوسله نه جک استانبول سوقاقلری تنک نفیس لذتی اوزله ندی . فاضل  
 احمد بکک ، محیطده ، قدری بیلمنه مش بر صورتده آتیلا قالان موجود  
 تورک و شرق مالزمنه سی آرتیق لرله ایده آل اوطه سنی دوشه ندی .  
 عبدالله زهدی بکک ذوقزک مختلف تحلیلرینی ، استقامت لرینی و تحولات لرینی  
 تاریخ صحیفه لرنده آراددی . چوق آبی ایتدی لر . چونکه بو ، کنهی  
 دقتله ، محبتله آراشدیر یلاجق کینیش و دزین بر مسئله در ، ماضیمزی ،  
 موقعیمزی و عنغنه منی آراشدیر رسه ق کندیمزی دها یقیندن کورمه می یز ؟  
 وارلغمزی ، بئلکیمزی دها قوتله دویمازمی یز ؟

فقط حقیقتاً بر تورک ذوقی وارمیدر ؟ یوقسه بز ، بعضی  
 معترضلرک دیدبکی کبی ، بشقه لرینک وارانی ایچنده زور باجه یاشایان

غاصب و قابليتسز بر طاق و حشى روحلى جنگاور لرمى يز ؟ بن يالگىز  
اطرافه باقارق ديبه جگم كه وحشى روحلى ، غاصب و قابليتسز بر ملت  
توركك ياديني ايشى باشاراماز ، تاريخده بالالى برسيل سر عتيله صنعت  
ومدريت ايزلرينى ييقار گچر ، ودر حال قوروردى . جنگيزله تيمورلنگدن  
نه قالدى ؟ قورقونچ بر كين و برقان ماصالى ! اويله دكلمى ؟

حالبو كه بز ! گيرديكمز مملكيتك خصوصيتلرينه رعايتكار ، عادتلرينه ،  
ديته ، آبدلرينه حرمتكار اولدق ! اوزاقلره گيتمه يورم . آيا صوفيه  
گوزمزه و حافظه مزه اك يقين بر مثالدر . مظفر تورك اوراسنى آخور  
دگل ، ينه معبد ياپدى . ييقمادى ، قورودى . و ذوقى او معمارى شاه  
اترك قارشيسنده اسير قالغه تنزل ايتمه دى . استانبول تپه لرينى روحنك  
و غايه سنك برر نفيس خاطره سى كې عصرلره قلان نظيرسز ، بدل  
ايريشمه ز معبدلره سوسله دى . بيلمه م كه بو جامعلره تورك ذوقنك  
نمونه سى دگلدر ديمك ، حقيقته قارشى غرضكار بر تخرىبكارلق دويغوسى  
بسله ملك دگيدر ؟ بن مسلمان مملكيتلرينه سياحت ايتمه دم ؟ فقط چوق شكر ،  
ايجادلرى سايه سنده اوزاق مسافه لرى ، اوزاق گوزللكلرى هر بلده نك  
اوطه لرينه قدر كتي ره جك درجه ده ايلريله مش بر عصره اولاشدق .  
آلبوملر ، سياه ورنكللى فطوغرافيلر شرقده كى مسلمان آبدلرينى هممزه  
گوسته ريور . ايشته اولرده گوردم كه تورك جامعى ، ساچوق جامعنه ده ،  
عجم جامعنه ده ، عرب جامعنه ده بگزمه يور . بيزانس معبدينه ايسه ،  
ايشته آيا صوفيه ايله سلطان احمد قارشى قارشى به طور ريور ، مقايسه  
ايدك ، نه قدر بگزمه ديگنى كورور سگزم . بغداددن بودينه قدر بزم  
سلطنتمز اسكى سلطنتلرك آره نه گيرن يگى برفتجدر . بوفتح هريره

عینی اسلوبده ، کندی اسلوبنده ، جامع و مدرسه لری ، حاملری و ساسیللری ا کدی . یعنی هر اقلیمک اسکی ، برلی ذوقلری یانسه کندی ذوقی اقامه ایتدی . شو حالده او آیده لرله بو آیده لری مقایسه ایتک زور دگلدر . بومقایسه اثبات ایدر که بر تورک ذوقی واردر . فقط دینه بیلیر که ، بو تورک ذوقی صرف تورکه مخصوصیدر ؟ بوگون آتوغرافیا ده صافی عرقلر گوزه چارپیورمی ؟ و صافی عرقلر اک تمدن ایتشلر میدر ؟ نصل دنیاده متادی برگیدیش گلیش ، نسللری ، عرقلری بر برینه قاریشیدر مشسه عینی حرکت حادثه سی ذوقلری ده او یله ایچلی طیشلی بر حاله قویمشدر . فرانسه ذوقنده ده اسکی یونان و روما ، صوکره رونه سانس ایزلری واردر . بوعومی قاعده یه ، بز ، جانی و یوروک بر ملت اولق اعتباریله استثنا تشکیل ایدمه زدک . بو اقلیمه کوچک ایچون آشدیغمز یوللر عرب و عجم دیارندن گچیوردی . محیطک روحلر و ذوقلر اوزرینه تأثیری ایسه ، بوکون هر طرفده قبول ایدیلش بر بدیغی قاعده در . دیلز اورالردن نصل کله طوبلادیسه ، ذوقز ، بدیغیاتم زده اورالرک گوزل لکلرندن عکسلر آلدی . فقط بو ، خصوصیتیمزی سوسله یین بر یاردیمدن ایلری کیتمه مشدر . تابلولر دورلو بویالره ییگی و آهنگدار بروحد و جوده کتیردیگی گی دورلو گوزل لک نمونه لری ده تورک روخنک ایمیگندن سوزوله رک ابتدا کی شکل لرینه هیچ بگزه مه یین یگی آهنگلر دوغوردی . تورک سرایلرینک بناسی ایران سرایلرینه ده ، عرب سرایلرینه ده بگزه مه ز . بغداد کوشی ، مرزیفونی قره مصطفی پاشا کوشکی ، خرقة سعادت دائره سی ، غرناطه سرایلرینه ، مصر سرایلرینه ، اصفهان و طهران سرایلرینه بگزه مه ز . تورک آوی ایران اوینه ده ، عرب

اوينه ده، بيزانس اوينه ده بگزمه مز؛ تورك تشريفاتي ايران تشريفاتنه ده، عرب تشريفاتنه ده، بيزانس تشريفاتنه ده بگزمه مز. تورك شكرلري، يمكلري و طاتيللري ايران شكرلرينه، يمكلرينه و طاتيللرينه، عرب شكرلرينه، يمكلرينه و طاتيللرينه، بيزانس شكرلرينه، يمكلرينه و طاتيللرينه ده بگزمه مز. تورك قايقلري عرب قايقلرينه ده، عجم قايقلرينه ده، بيزانس قايقلرينه ده بگزمه مز. توركك اذان و قرآن او قوبيشي بشقه در، عربككي بشقه در، ايرانككي بشقه در. بوتون بونلر اثبات ايمه زمي كه تورك كندينه مخصوص بر عالم ياراتا حق قابليتده در. و ياراتمشدر. تفرعاني يابانجي اقليملردن آلمشده اولسه عمومى هيئتي بر تورك شخصيتي قازانمشدر.

شو حالده، تورك ذوقى، توركك عرقى خاصه لرينه انضمام ايدن ايران، عرب و بيزانس مدنيتك تاريخى ايزلريدن شكلنده نثيت ايديله بيلير. يا خود اصلى استعداد منك ايراندن، عربدن، ساچوقدن و بيزانسدن مص ايتديكي نفاست جزؤ ليله بنمسه ديكي ويكي بر شيويه بورود يكي ذوق: تفرعاني او يغون، يكي بروحدت حالنده تجلي ايتمش صاغلام بر كل ... مصرده، هندده انكليز ذوق هند و مصر ذوقه جوار اولارق ياشار، جزايرده و تونسده فرانسى ذوق ده اويله در. حالبوكه بروسه ده، استانبولده و ادرنه ده تورك ذوقى بيزانس ذوقى جبرله، ضم جله ييقوب ده و ير مه مشدر، ياننه ده صيغه، اامشدر؛ بالعمكس كندى عالملك رنگلرينى، قوقولرينى و لذتى كتير مك صورتيه اوته كنى اسكيتمش، سيلمشدر. ديمك كه تورك ذوقى آرامق خياله قوشمق دگل، باقيمى سزاق يوزندن توزلانا حقيقته يكي بر تجسم ويكي بر عضويت و ير مگه چاليشمشدر. زيرا بو ذوق يوزلر جه سنه معظم بر فعاليتله



شن وپايدار ايزلر چيزه رك مملكتتمزده حكم سوردی . پاتختدن ولايت مركزلرينه، سنجاقلره، حق قضالره قدر بر نو بهار فسونيله ياييلدی . فقط كنديمزه اوقدر يابانجی قلمشزكه دونكى حقيقتنه خيال ديه جك قدر زواللاشمشز ! بونك سبي عجبا ندر ؟ سيكييرلى اوغوشوق اسى شى شرقك درينلكرندن چيقوب يگى فتح و سلطنت اقليملرينه آتيلان گنج روحلى ملتزمتمادى فعاليت دورلرندن يورغون دوشدى . دولتك حدودلرله برابر ذوقك شموللرى ده كوچولدى . اوردوسنك بزگينلكنه ذوقك بزگينلگى بولداش اولدى . جولاندن خوشلانير دماغنه برديگله نمك ، براويومق احتياجى گلدى . يگى انكشافيله تالاله دورندن برى ايجمزه هرگون برازدها صوقولان اوروپا بزي بوگونلرمزده بولدى . تنظيمات بو يورغونلنى كيدره جك چاره يي غريده آرادى . قولرايه طوتولمى وجوده قولرا ميقروبي صوقارق دفع ايتدكلى گبى ، غربه زبون اولمامنى ده توركه غربى آشيلا مقله آله ايتك ايسسته ديلر . بو، معقول بر تجربه ايدى . آنجق بنيه اعتباريله يگى آشينك آتشلرينه دايمق بزم ايجون قابل اولمادى . تنظيماتك بزي اوروپايه گوتورن ، يا خود بزه اوروپايي گتيرن تمدينكار ودوغرو ذهنيق طيشايدن ايجرى به بر يابانجى ذوق هجومى اوجوز وقولاي سوق ايتدى . عصرلرجه مدت يرلى بر ذوقك مونس لذتندن طادان او وقتكى دماغلر بويله بر عكس العمله حاضر ديلر . اونك ايجون ذوق چابوق آلت اوست اولدى . بو محادله ده ذوقنر نيجون يگيلدى ؟ كنديمزدن بي يقينلغمز، يگى و يابانجى شيللىرى كندى شيللرمزدن اوستون گوروشومز ، « بزي دوشورن شيللر كندى

شىئىرلەردە، طرزىندە باطل بىر زەھابە ساپالانوب قايشىمىز گېيىك روھى سىبب سايلايلىمىز. اوندىن بىشقە، اوروپانىڭ بويۇك قابىرەلەردە ماكنەلەرە چابوق، قولاي، اوسالاقلى راحت و اوچوز يايىلان قالموت، ذوقىنى سىرەت وېھىا اعتبارلەرە رقابت ايدە مەيەكك آل ودىستىكا، ايشلارمىز؛ اوروپا اشيائىنىڭ ظاهىرى ظرافىتى، نارىن اسلوبلارنى، گوزل سادەلىكىنى، منظم شەكىللەرنى نىسبەتە كەندى ياپىلارمىز كىيا، اويونچاقلى، اسكى ذەننىتىلى گورونوشى بوذوق ھىزىمەتمەدە برىعامل اولدى. نەھىت تورىك ذوقى گېيىك دو مۇپاسانىڭ ھەندى شالى سەنە دوندى. اوروپادىن كەلگەن آلتىش يىتمىش پارەلى، دىكوز قابوقلارلە، سوسلى، قوطوبى مەشوقىدىن آلدىنى ائچون راجاسى طرفىدىن خىسزلىقلە اتھام ايدىلوب مقدس وېھارا گولەندە بوغدىرولان گىنج ھەندى قىزى گېيىك اوروپانىڭ گولەندە رەيگى عادى شىئىرلەر خاھىرى ائچون ذوقۇمە نىسانىڭ «وېھارا» سەنە بوغولدى. بارى يىگى قىبۇللەندىگىمىز اوروپا ذوقىنىڭ خىسۋىتىلەرنى روھىز طائىسەيدى! ھېچ اولماز سە اونىڭ دىنىيەلىرىنى سەنەك تەدقىقاتە گىرىشەيدىك! سە يوكىك بىر ذوقلە قارشىلاشىردىق. خاير! اونى دە كەلشى گوزل آلدق. اونىڭ ائچون چابوقچاق شائى، يىچلەشمىش، مەنقرىض بىر ذوقە قالدق. يارىم ەسىردىن آز بىر زمان طرفىدە كەندى مەلىكەتمەدە كەندى لىتەمە ھىسرت اولدىق. مىثلا طوب قابو سەرايىنىڭ ھىرم دائىرىنى كەزىك! اڭ اصيل شىرق اسلوبىنىڭ تايانى باشى، غەرب تەلقىسى نەقدرا شاغى وگولونچ تەلقىسىلە، نەقدىر بىيگانە بىر روھلە گىتەريو رەمىز. بىز اوروپا ذوقىنىڭ روھىنى تەدقىق ايدە مەدىگىمىز ائچون باكى بوتون استان بولە، تەسرايلىرىن، اڭ كوچۇك اولمىزە قدر. ھېچ بىر رەبىر غەرب سالونى

نمونه سی وجوده کتیره مدك. هیچ براسلوب تام بر وقوفله بریرده  
 تثبیت ایدیلهمده دی. اونك ایچون، ایلک مقاله مدده کی آلمان سیاحتك  
 دیدیگی گهی استانبول درحال کوتو برغرب ولایتك مقلدی درکه سنه  
 ایندی. استانبول که هر دیاری بشقه برعالم اولان شرق اقلیم لرینك  
 ایلک خارقه لی مرحله سیدی!... پیه رلوتی «وهرایسپاهان» ده طهران  
 سرایندن بحث ایدرکن دیورلرنده، اوروپاده کی بربر صالونلری  
 سوسله یی عادی آینه لری گورنجه شاشیرر، گوله ر، اگلهر، دیرکه:  
 عجم اولق شرف و ممتازی وارکن نیچون بوبله غریب، وقوفسر  
 یابانچیلرلی موفقیتمز لکله تقلیده قالدیشمالی.

«ژاپونلری دوتون» نده «یه دوده بر بالو» یی تصویر ایدن  
 بحثی اوقوبك. سزده لوتیله برابر ژاپونلرک اوروپا لاشمغه اوزنمه لرینه گوله ر-  
 سکنزه اوعرق رنگنه، سیاستنه، وجودینك پایدسنه اویمایان پارس روالری،  
 فرنك فراقلری ایچنده نه قدر تحف قیلقلره گیردیگنی تبسملرله آکلانیر.  
 اونلری، مملکتلر نده کی ذوقدن اوزاقلاشوب آوروپای تقلیده اوزمن  
 مایمونلره بگزه تیر. عینی بالوده، بوبودور ملتك تپه سندن باقان اصل  
 ادالی چینیلری آکلانیر که جلدلردن قالمه ذوق ایچنده پارلاق ایك  
 اثوابلریله آیری برعالمی تصویر ایدیورلر. اوروپا کاری ژاپونلر ایچون:  
 «چوق دوغرو رقص ایدیورلر، فقط حس ایدیورلر که بورقصلری  
 «اگره نمشیر». اوتوماتلر گهی اوینایورلر. بریرده ته میوی غیب  
 ایتدیلمی اونلری دور دوروب یگیدن باشلاقمق لازم. یوقسه کنیدیملرندن  
 برتشبته بیراقدقلری یردن باشلا یامازلر، هپ اولچویه مغایر اوینارلر  
 دیر. فرانسه زواری سلام ویره جککن اونوتوب ژاپون اصولنه

دو نرلرمش ، برا زده آمریقا عادتلرینی آلمشلر . پك ائی ، بز بشقه  
 دورلومی یز ؟ ینه استانبولك ازیلی واصل عاشقی پیه رلوتی پانچنده  
 بك اوغلانی می سویور ؟ بزم اوزه نه بزه نه یار اتمغه چالادیمز اوروپا کاری  
 طرفزی می ؟ خاییر . چونكه اونك ایسی مملکتنده وار . بزم بزا اولان  
 طرفز خوشنه کیدیور . فقط بزم اچمزه بزی بولامادینی ایچون ، بزی  
 آرایانلر اجزامزدن مرکب بر ذوق حصوله گتیرمك ایسته یور . اونك ایچون  
 اولردده ، بعضاً گولونچ ، بر شرق اوزمه تیسی موجود اولویور .  
 ارض حقنده فکرلره دگلسه بیله هر حالده رنگین ونفیس تحسسلره ،  
 کل صوبی قوقوسی گبی نارین تصویرلره مالک اولان پیه رلوتی ، دیه لم که  
 ماضی به عاشق ، و براز رومانیتک بر صنعتکار روحیله خیاللر آرار .  
 فقط نه اوره ایست اولان اوقتاو میربونك « لاسی سان ومنت  
 ویت نه ویت » نده کی بلچ بقایله فلمنگی اوقویك . پارسه بیلکینی وپارسلیلکه  
 اوزه نرك چیرکینه شدیرن ، بروکسلله دایما کندی ذوقی ایچنده ،  
 کندی ذوقك تکمیلی آرمسنده یاشایان فلمنگک فرقی گور ورسکزه .  
 میریو بروکسلی تزییف ایدیور ، هولاندایه ایمره نیور .

« اوراق ایام » ده کی تریین یلده ، پی اوقویك گور ورسکزه که سارا برنارمناز  
 محرر لر مزدن برینه : « مملکت کزی تمیزله ییکزه ، سوسله ییکزه . فقط صاقین  
 اوروپاشهرلرینه چویر میکز . لطافت اصلیه سی محافظه ایدیکز ، دیمش ..  
 یومثاللری بهوده یره اوزاتمغه حاجت یوق . بر انسان کندی  
 شخصیتك قدرتی ایچنده قالدقچه سه ویلیر ، بشقه نظرلرده بر ممتازیتله  
 یوکسه لیر . طبیعی .. شخصیتدن آریلان هر آدم ، هله صنعتده بوسبوتون  
 یوله در - نهایت بر مقلددر . هر مقلدسه تقلید ایتدیگی شخصیتك

وارلنى آلتىدە بر ناموجوددر . ايشته بز ، يگى دورمزده همان همان بوحاله گلدك .

غرب بوتون ايجى تنوعى حزين بريكنسـ قلق ايجندە گوندن گونه غيب ايدىيور . ذوقلر ، بوتون قىلبرك متوالى كىنلرينه رغماً حدودلرى آشوب دشمن مملكتلره يرلهـ شيور ، پارسى آزچوق برلينه ولوندرهيه ، برلىنى لوندره وپارسه ونيورقه بگزه تيور . بواطراده مانع اولمق ايجون دورلو جمعيتلر اسوه چده ، روسه ده ، آلمانيا وفرانسه ده يرلى ذوقلرك محافظه سنه چاليشيور . . . . . جالبوكه بر غربلى سياح شرقه دوعرو گلدكجه اوراده سمانك ، طوبراقلرك ، آفاجلرك ، رنكلرك وقوقولرك متمادى تنوعنه موازى اولارق ذوقلرك متمادى تنوعنه راست گلير . فقط شرق اسى گونلرينك ذوقنى حركت ايتديرەرك يگى اصوللارله بوگونىگى شكله گتيره ميه جك قدر گوشه ديگى ، درمانسز . لاشدينى ايجون مهاجم اوروپا ذوقنه رام اولويور . نه يازيق ، ارضك رنكلرى ولذتلرى بوصورتله آزالويور . بز ، كه شرق مدنيتك اوروپايه الايقين مملكتى بز ؛ هپسندن اول بىلگمىزى بز غيب ايدىيورز . هر ملتك كچيدى واوغراغى اولان استانبولك دكتر قيسىنده بولونماسى ده ، بوتون ليانلر گبى ، شكلنى چابوق دگيشدير مەسنه وكندينى بشقه نمونه لر آره سىنده اونوتماسنه سيب اولويور .

فقط استانبول ، جدر مزك گوننده داغلر آره سنه صيقيشيق ، دنيادن انى آياغنى كسمش بر شهر دگلى يا ؛ اوزمان اونلر بورايه شو سياسى نصل ويرديلر ؛ آكلاشاييور كه بويله بر شاه اثر آنحق قوى بر روح ، صيمى بر بىلك عشقيه قورولا بيير . اونلر ده ايسه بوا كسيك دگلى . اونك ايجون استانبوله ، دنيانك غبطه ايتديگى شوشكلى ويرديلر .



گرچه گوزلاشك وطنی بوقدر. فقط هر وطنك كندى گوزلاشكلى  
واردر. واو محافظه ايديله ليدر.

غرب صنعتكارلى مملكتى سوييورلر سه ، هيچ شهىر ،  
اوراده خصوصى ذوقزه تماس ايتدكلى ، كنديلرينك دهارنكلىز .  
له شهرك اوصانچ ورن ذوقنه نسبت بورالرده دهارنكلىن قلمش  
بشقه ذوقله تماس ايتدكلى ايجوندر . مملكتىزه كنجه « وقتور  
ئوغو » نك بر سوزى وجهله « بر رؤيا ايجنده اويانيق يورورگى »  
اولويورلر . حالبوكه بزوكندىمى اونوتوشده دوام ايدم جك اولورسه ق  
قرق سنه صوگره استانبول ايشك برغرب اياتى لمانى شكله گيره جك .  
بوتون بدىي و معمارى خصوصى بر ايكي جامع منحصراً قلاجق !  
بوصورتله وارلغىزه الكى قى دليل اولان مقدس بلده ، سياحتنامه  
ياپراقلنده اوزاق بر خاطره گى صولغون ويه نيك قلاجق . . . .  
حالبوكه بوشهره ياقيشان ذوق تورك ذوقيدر . بوشفاف گوگك آلتنده  
ايشيلدايان بو اويناق صولره اك گوزل و اك ياقيشقلى خياللى تورك  
ذوقندن دوغان آبدلر عكس ايتديره بيلير . يازيق ، او صولرده ،  
عصرلرجه درينلشكلىنه چكوب سه وگيله صاقلادقلى اونفيس و آبرى  
گوزلاشكردن هر ييل دها محروم قاليورلر .

آرتق كندىمىزه بوقدر بيگانه قالدىغىز آلويرر ، ذوقى آرايام ،  
بولام ، اسكى ذوقى حيانيله شديروب اوگا رواج ويره . هر ابداع  
بر تفكر ، بر تخيل و بر احتياج نتيجه سيدر . رونه سانس ده بر تفكر ،  
وبر حيات طرزى احتياجك مولودى ايدى . دردنجى هازى ، اون  
دردنجى لوتى ، اون بشنجى واون آلتنجى لوتى ، آمپر ، لوتى فيليب  
دورلر ده برر حيات طرزلىنك مولودى ايدى .

بزم لاله دورمن تا ازلدن موعود بر شنك دوریمیدی ؟ اونی ده  
انسانلر یاراتدی . دیمك كه رواجمنزلقدن غیب اولان ذوقن ا لر  
عشقله وصمیمیتله ایسته نیر، شعورلی برهنم سایه سنده تکرار جانلانیر .  
حالبوکه بونك ایچون، موجود اولمایان برشیئی یکیدن اختراع ایدمه جك  
دكلز . متروك ذوقی اوروپا آشیسیله، عصری تلقیه گنجله شدید بیلیرز .  
بوصورتله آلدمایده جگمز نتیجه تورك ذوقنك دوامی، بوگونکی تجلیسی  
اولاجقدر . خانلرمنك چارشافلری سوزیمی تأییدایدن بر مثالدر . دینی  
واجتماعی مجبوریتك ایچنده خانلر ك فطری ذوقی جانلی حرکتلر یاییور .  
چارشافلر هر سنه موده یه اویویور . فقط دائما شرقك بر گوزللیگی  
قالارق . ذوقنك دیکر شعبه لری ده بویله اولاییلر . باخصوص شمیدی  
ملی ردور ایچنده یز . ادبیاتده، رسمده، معماریده هپ اوروپائی واسطه لره  
کندی شخصیتتمزی آریورز ، روحمزی دها یئگی بر شکله بنمسه مگ  
اوغراشیورز . شرعده بودور یرلی ذوقنك نیمه سنه يك مساعددر .  
ارزولرمزی ابداعلر وانتشارلر تعقیب ایدر . بوذوقده کی یكلك اعتبار  
وتعمیمله انسیاقی برحاله گیرر .

بوملی ذوقی تکرار جانلانش گورمك ارزوسی روحلرده ساریله شمه ! .  
معاملر مکتبلرده چوجوق ذهنلرینه بو ارزولری صوقامازمی ؟ رساملر،  
تفرعاتی اسکی سرایلرمزدن، جامعلرمزدن، منبرلرمزدن، کرسیلرمزدن،  
چینیلرمزدن آلمش قویبه لر ، انطباعلر، تصویرلر وتفسیرلره برطاقم  
اوطه ودوشمه رسملری چیزمه زلرمی ؟ رنگلی فوطوغرافیلر، قارت  
پوستاللر و آلوملر بوخیاللری سواقاقلرده ، اولرده ، مکتب دیوارلرنده  
هر توركك روحنه یامامازمی ؟ بدیعی جمعیلر تشکلی ایدوب اویایدیر اچقلره

واشیا آلا جقلره فائده لی ارشاداتده نیچون بولونماسینلر؟ ذوق ایشلری  
تدقیق ایدهلر غزته لرده ، مجموعه لرده بوکدا داتر مقاله لر یازمازلرمی؟  
نیچون رسمی مجموعه لر پروغرا ملرینه ملی ذوقک او یانماسنه یارایاجق  
فوطوغرافیلری- آلتلرینه اطرافلی معلومات درجیله- طبع ایتدیرمگی  
بر ماده شکلنده علاوه ایتمه سینلر؟ آووجلره پاره مزلی آلان مفروشات  
مغازه لری وفابریقه لری بو ذوقک رواجنه باش یورماسینلرمی؟ رساملری  
بو طرزده نیچون چالیشماسینلر؟ نیچون مسابقه لر آچارق صنعتکارلرک  
ارزوسنی تحریک ایتمه یورلر؟ قبول ایدیلن نمونه لری هر کیسه یه الیریشلی  
شکلرده یامایورلر؟ پادشاهلر مزوشه زاده لر من بگندکاری نمونه لری  
کندی حمایه لرینه آلمق ، اونلره کندی ناملرینی لطف ایتک ارزوسنده  
آلت بولونا جقلر در. ولایتلر مزده کی ذوق منبع لری حقننده بر قاج عز مکار  
وفداکار بدایعیرست ، پک اعلا تدقیقاتده بولونا بیلیر .

تاریخچه ، تاریخی رسملره و آیده لره مراجعت ایدیله بیلیر . ذوق  
موزه لری تشکیک اولونا بیلیر . خلاصه فوطوغرافلر ، سینه مالر ،  
قونفرانس لر ، بوتون بو پروپاگاندا واسطه لری اوغایه گوره تجهیز  
ایدیلیر . ایشته بو قوتلی ارشادلر یکی بر حرکت او یاندریر ، ذوق مز یکیدن  
جانلاندیرا بیلیر . یالکرا و وقت ، استانبولی کندی روجمزدن دوغان ، و بوتون  
دیگر صنعتکار روحلری تسخیر ایدن بر جنت حاله قوروز . بو صورتله اجدادک  
الهی اثری گله جک نسللره قدر ظفرله ، روحله دوام ایدر . دوشونک  
شوباقیمسز زماننده بیله ذوق مز کندنی اوروپا سالونلرینه قدر گوندره  
بیلیر . آنا دولو قیزلرینک ال امگی اولان خالیلر بلکه وه رسایده ،  
بلکه لوورده ، بلکه پوتسمداده ، بلکه بوکینغامده ، بلکه واتیقانده ،

وشونبورنده ، چارسقونئ سولوده بيله وار؟ پارلاق برشکله قويايله جگمز  
 ذوقز بزه بويه يوزلرجه بديعي فتحلرده وعد ايديبور . هلال احمر  
 خانلرينك اوراق برتشيئي تورك بزلريني ، تورك ايشلريني شو محارب سنه لرنده  
 اوروپاده موده حالنه قوبدي . کيم بيلير قاچ برلينلي قيز ، قاچ دلبر  
 ويانه لي شو دقيقه ده اونلري گوكسنده سوه سوه طاشيبور . هرکسي  
 ايمر ندير يبور . قادينلر من ايچون بونه گوزل ، نه کند بيلرينه ياقيشير  
 برموفيت ! اوروپا بزم ذوقزه او قدر درغبتكار که بورايه گلن سياحيلرک ،  
 الك عادي شيللري بيله جانلرينه صوقارق گونورد يگني هرگون گورييورز .  
 آرابه سئک نابورلر ، ژاپون وچين کوپلري ، پاراوانه لري ،  
 قوماشلري ، کيمونولري ، ياپازهلري ، هند رحله لري وفيل ديشي  
 ايشلري ، عجم خانلري اوروپا سالونلرنده سهورلر ، غاله لر ، صاقسلر  
 قدر مقبول صايبليور . هر بويوک سالونده اونلردن نمونه لر گورويور .  
 آه شرق بو ذوقني يگدن حياته گتيرسه کيم بيلير غربه دهاته قدر  
 نفيس فتوحاته بولوناجقدر .

حالبوکه بز اوطه لر مزه ده اوروپا کچه لريني ياييورز ، کندي  
 به زلر مزدن ، کندي قوماشلر مزدن دوشه يه بيله جگمز اوطه لري الک  
 عادي ، ذوقزه الک آراويغون قوماشلرله سوسليورز . حکومت ، پايديراجبي  
 مؤسسانه ، مکتبلرده تورك ذوقني نمالاندير اچق تشنلره نادرا ،  
 اوده اکسيک بروقوفله کيريشيور . بويه گيدر سه ، دهه چوق کيمسه ،  
 کچن مقاله مده کی خام افندي گي اسکی ذوقلر مزه ، اسکی عادتلر مزه  
 حسرت قالاچقدر . شرق کنديني بوسوبوتون اونوتاجق ، فجيع  
 برمقلد ، برمايغونلق وضعيته يابانجي ذوقلره اوشاقلق ايدجکدر .

## بر مباحثه

— سوقاق اورته سنده چيريل چيپلاق صويولمش، عصمت قدسيت  
شعارينه تجاوز ايدلمش برسفيله چويرديگنز! ...  
قاپوي آچديغ زمان بوجله نك صوڭ عكسلىرى پيانو تللىرى  
اوزرنده اينگلىتيلر ياپارق غائب اوليوردى .

اوطه نك هوا سنى بوروبن اوچوق سىيغاره، حاره لرى هر طرفه  
قو قولى بردومان لوشاغى يايغىدى. لامبانك طوپارلاق ضيا سى بوسيس  
طبقه لرني تماميله ده مە يور، قوتى آز بر كوش گي بر كوشه ده قالييوردى .  
كنيش وراحت قولتوقلرتدن برر خيال قالقدى . محرر ... (اسمى)  
سويله مگه مانون دكلم) بگك اوندە بنمله برابر آلى كشى اولمشلردى .  
— اوو ... بويورك! قاپو بر لحظه آچيق قالسين! قوقو سزه  
فنا چارپدى دكلى ؟ ديديلر .

قو قولى ده واردى ، گورولتولرى ده ...  
ايكىسى ده، وجودمك آره يه قويدىنى فاصله دن استفاده ايتديلر .  
ايكىسى ده دوداقلرينك ، بوغازلرينك قورولغنى برر بارداق صو ابه  
كپه ردپلر .



پنہ اور تہہ کی ماصہ نك يانندن براسہ کملہ جکدم .

راطب برتشرين اول كيجه سنك سيگى پاغمورى سىرك طيقير دىلرله  
 جاملره چارپوردى . برقاق ثانيه ، اوطه ده بوش بر مخزن ايصسىز لغى  
 آكدير برسكوت اوزادى .

— نه، ٻن گمهم مناقشه ڪري ڪهه ڇڪي؟... ٻو « اسڪيلاڪ، يڪيلاڪ » ماصالي بيڪڻجي دفعه ده تڪرار لائيه ڀنه طابله ديڪله نير! باقٽ سارا برناره.... ٻو تمشلاڪ قادين نه غلون رولنه بلڪه يوز قرقڻجي دفعه چيقيديني حالده ڀنه برگڻج قادين گي آلقيش طوپلار.

نہ اوزون قہقہہ لر صالویر دیلر!

‘بوقوتلی مناقشه جیلر نیم بجریکسنز لکمی ، دها ایلاک جمله مده  
بوزمه حاریدیلر.

بررسی — نه، هوا یکنواخت نیست یکنواختی، قاپایام! دیدی.

قاناڧ اورتولدى . دوداقلرڭ يەڭىدە بىر كىرىت پارلادى .

مور اپك اورتوسى اوزرنده وازولر ، شعر مجموعه لرى بولان  
ماصده ، انجه ، مستهزى يوزينك طاش تبسمنى بو آكلامادىنى  
لسان مباحثه سته بويوك بريطر فاقله صرف ايدن « موسسه ، نك  
يوسقى قدر سس سز ديكله دم !

عقلمده قالانلری آشاغییه ؛ غایت صمیمی بر بیطر فلقله قید  
ایدیورم . بن که ، زمانمژک صنعت حائزلهلری بر روئیه گبی طوبیلامی  
چوق سه وهرم ، اواقشام اونلرک یاننده بولوندیغمه یک ممنون اولدم .  
زیرا قاج سنه در غزنه لری ، مجموعه لری دولدوران فیکرلری اوراده  
ممکن مرتبه طوبی گوردم . قارئلرده اومناقشه نك مختلف خطلری ،

دورلو دورلو جريانلارنى بر خلاصە حالندە اوقورلر اميدىلە علاقەم  
بوسبوتون آرتدى .

وصف تركيدىلر ك بويوك دوستى ماروكن قولتوغە گومولمشدى .  
روغن اسقار پىنلرى يردە كى آنا طولى خاليسىنىڭ قاباتويلرىنى قورجالا يوردى .  
صاغ الى قطيفە يردە نك باغنى صاللا يوردى . سرچە پارماغىلە قىزارەش  
آلتىنى قاشىدى . آرادىغى بولش گېي غىرورلا مارق باشلادى :

— شونى بونى بىلەم ، اوداھيانە تركىب وصفىلر ، آلبت لسانىك  
لايفنا برر گنجىنە عرفانى اولمشدر . ذهن مىلىنىڭ اومتىن مسند ترقىسى  
ھې وصف تركيدىلر در . صاغدە ، صولە ، آردە ، اوكدە نردە  
بولور سەق بوئوتلرى قبوللە مىلى تىز .

نخيف ، بىقلىرى قىرىق ، پانطالونى اوتوسىز ، ياقالىنى يوموشاق گىچ  
محرر ( ... ) بىك دە آياغە قالقدى . كاغد قايلى ديوار دە گولگە سەنە  
باقارق يوردى . رادلىرى جلدلىرىنىڭ آغرائى اگىش بر كىتبخانە  
ئوگىندە طوردى . اثر اسملىرى اوقور كېي دانغىلاشدى . صوگرە ،  
اللىرى جىيىندە ، جواب وىردى :

— ايشىستە محترم بگم ، سىزگە آكلاشماز امكانى اولمايان نقطە  
بو ! سىز بر درویش رندلىگىلە ، بر درویش آلدیر ماما زلغىلە لسان  
در كاھنىك قابوسنە اوران ھرىكى مىرىدە ، ايواللە ! ، دىيور سىگىز .  
حق يانندن گىچلىرى دە چاغىرىيور سىگىز ! بن تىتىز براو صاحى گېي  
طائىما دقلرە او طەمدە يريوق دىيورم !

ادبيات جديدمە منسوب ذات ادبياتدە و تجارزئە موقعى و شەرتى  
قازانمش بر صنعتكار تمكىيىلە فىكرلىرىنىڭ قوتنە دوغرىلغىنە چوق

اینانیوردی ؛ معارفنک تحصیله ، تربیه سنه اعتمادی آزدی . اونک ایچون جمله لرینک ترتیبده التزامی برکتاجیلک واردی . گنج ایسه صنعته یکنی صاریلان ، یکنی فکرلره ازلی مجلویت دیولان ، ایلک موفقیتیه کوگه نن بریاشده ایدی . استخفاف ایدیلدیگنی سه زیور . اونک ایچون جرأته قونوشیور . بلکه مخاطبنک نزاکتی یاننده قابا گوزوکیوردی .

ترکیملرک دوستی گولومسیه رک شویله سویله دی :

— رشته مناقشه گزی آلوده تغلیط ایتیهک ! نار حقیقت رفاد تشبیه ایله اورتولوب اطفا ایدیله مزکه ... حدود لسانمه تجاوزلرینی مسامحه ایله قبول ایدوب حوزه ادبیاتمه گیرگیرمز ربقه بنداسارت ایتدیگمز بوکلمات و ترکیبات ، لهجه عثمانیه آزمی رونق بخش اولمشدر ! شویله مثبت برقفا ایله دوشونک !

— آره مزده فرق بودکلکی ذاتاً ؟ سزاسیر ایتدک خولیاسیه آوتیورسگنز ! بنده اسیر اولدیگز دیه تلاشه دوشیورم .

— یوق ، او یله دگل ، افندم ، او یله دگل ! ... مسروداتم غایت طبعی ، غایت صریح بر حادئه اجتماعیه محصله سیدر . یاوروم هنوز تجربه کز آز ، اثریگنز اکسیک . اونک ایچون لسانک وسعی حقنده اطرافلی بر فکر ایدینه مزسگنز . قابل دگل . بر صبی بی لغات دورینی لهجه مز عصرلردن بری کچیرمشدر . اونک گوندن گونه انبساط ایدن دماغ شهبانه دها فسیح بر توده معلومات ایجاب ایدردی . ایشه اونک ایچوندرکه انسال مقدمه بشریه سائقه احتیاج ایله نصل تحری اختراعاته سالک اولدیه ، ایلک شعرا

و ادبامزده او یله جه بزله زنگینلر آرادیلر . شبهه ایتمک ، اولنک  
سایه کشفیاتنده درک دماغ مسخوف مات دایر اولویور .

هم برقاعده کلیه دگلمیدر ؟ قدرت آهنی ، قدرت صنعتی ،  
قدرت افاده سی دها فضله اولان برلسان ، فقرالدم بیانه مبتلا دیکر  
برلسان برنقصانه قارشی اظهار ظفر ایدر .

أوت ، بزتن لسانه عربدن ، عجمدن تلقیح ایتدیکمز کلمات و ترکیبات  
قوتیله درک برزروه لسانه عروج ایدم بیله جک قوتی ادامه ایدم بیلدک !  
شمی شوکلات و ترکیباتی آتیک ؛ پرده لری ، تابلولری ، خلاصه  
کلام بالجمله مزیناتی سرقت اولونمش بر حجله خراب قارشیدنده لال  
خیرت ، لال اسف قالیرسکنز !

بش یوز شو قدر سندن بریدر مینه لی برر مینیا تورگی موشکافانه  
برسیله ایشله نه گلمش اولان لسانی ، برقاج تنبل تنبع خاطر ی ایچون  
بوتون او ثروندن تجرید ایدم میز .

هله صوگ زمره ادبک اقدام طاقاقت براندازانه می نتیجه سنده  
بوس بوتون کسب صباحت ایدن لسان ، یخود برشرزمه قلیله نک  
لرزشدار تردد اعالری یولنه هیچ فدا ایدیلیرمی ! هنرزم ، او غلام .  
عادتا جنت آلود بر جرأته حال ادبیاتی بوتون ماضی پر وقاردن  
چکوب قوپارمق ایستورسکنز ! برلسان جبرله گوروکله شدیریلیرمی ؟  
— نه تخمدر ، انسانلر بشقه لرنده چکمه دکاری شیرلی کندیلری  
یا بنجه فرق ایتمزلر ! سز بکادمین « حقیقی تشبیه لرله بوغما » دیور دیکز .  
دیمک کندیکز اون برمدافعه ، برتفوق سلاخی گبی قوللانا جقمشسکنز !  
بن سزه عیله ، عیله کله لری باشند باشه طوتوب فیلاتمیلیز

دیمه دم که ! هم بز ساده لگی ، عربی کله لری از برلیه مدیگمزدن  
ایسته یورده دگلز ! بو طبیعیاک و صنعیاک مسئله سی در !

بنجه عربی ، فارسی کلمه لرله ، باخصوص او کله لرك قاعده لريله  
وجوده کتیره بیلدیگمز اعاری زنگینلرله کندیمز کدر گوزيله باقیلاماز !  
دنیا ده تور کجه دن بشقه ها انگی مدنی لسان بیلیور سکز که صرفنده اجنبی  
بر ملتک قاعده لری کوك صالمش اولسون . مثلا فرانسه لر یونا بنجه دن ،  
لاتینجه دن ، عربجه دن ، اسپانیولجه دن ، آلمانجه دن کله آلیرلر ،  
فرانسزلر لاشدیر لرلر : الکئول ، آلقول اولور ؛ الجبر ، آله بر اولور ؛  
الغزال ، لاغازهل اولور ؛ قیص ، قامیزول ، شومیز دها بیلیمه نه ،  
بیلیمه نه اولور . maximum ، minimum گبی لاتینجه دن آلتوبده  
ینه لاتینجه گبی تلفظ اولونانلر آتیقه نوعدن نادر در . هله جملرنده  
maxima ، minima قوللانلق عادت قالدیر یلشدرد . بر قاج اسکیمک  
مفتونی فرانسه مستشا . بوگون کیمسه sénatorium کججه senatoria  
دیمه ز . sine qua non فلان گبی ترکیلرده نهایت محدود ، معین معنالرده  
قوللانیلان برر قالب گبی قالمشدر و بونلرک عددی ، شو بیلدیگمز  
یگر می بش غرو شلق لاروس قاموسی یوقی ، اونک پنجه صحیفه لرنده کی  
ایکی اوچ یوز عددی گچمه ز . اوته کیلر سوفیکس و پره فیکسلرله فرانسه ز-  
لاشمشدر . ایجه آمین دگلم اما منطقمه استناد ایدهرک ایلری سوره-  
بیلیرم که ال غنعه عراقلیسی اولان انگلیز لر بیلله لسانلرندن یا بانجیلقلری  
قوومغه چالیشیور لر . هله آلمانلر ، اوو ، اونلر محقق . اون دو قوزنجی  
عصرک اورته لرینه دوهی آلمانیا ده او یله بر جریان واردی که مثلا



لوقال آنچایگر کی بعض غزتلر ہر اجنبی لغتک آلمانجہ سی بولوب  
انبات ایدنہ کلمہ باشنہ اوج مارق تادیہ ایدردی. بزده بویله یامالی یز.  
تحدید، تحدید... بشقہ قور تولوش چارہ سی یوق.

اساساً بوتمشیل قاعدہ سی سز، بندہ طبعی برسوقلہ تطبیق ایدوب  
دوروورز، آجانم هیچ بر تورک بیلته، بییہ؛ تفتنہ، دانتل؛  
پاندیسپانیایہ، پندہ سپانی، ایستیماتوره، نہستی ماتور دیمہز.  
قاسمیرده قوس دیمہز، قاشمہ ردیقوز دیرز.

اخذواعطای، آقصواتا شکلہ قورز. سبزہ وات یرینہ زرزہ وات  
دیرز، عطارہ، اقطار دیرز اویلہ دگامی؟ شو حالہ بز بیلیم قاج  
عصردر، ملنک روخنہ صیغما یان، شیلری زورلہ صوقغہ چالشمشز.  
سلیقہ من اوزرنده جبرلر، تحکملر یامغہ قالشمشز.

ہلہ ادبیات لسانمز، ہلہ ادبیات لسانمز! اوبوتون ملی ذوقلرہ،  
ملی تمایلارہ کوز یومش. لسانمز ایچندہ اجنبی ترکیلر، اجنبی تلفظلر  
ملیت علیہنہ بویون برر اور اولمش. اجنبی لغتلر، اجنبی ادبیات  
شکللری تورک ذوقک، تورک صنعتک ملی بر صورتہ اچیلما سمنہ  
انگل اولمش.

بن دہا ایلری گیدہ رک دیہ جگم کہ ذوق وسویہ اعتباریلہ بوقدر  
آشاغی دوشمہ من، ہپ اسانمز و موضوعلر یمز و حمزدن آلمانجی ایچون  
اولدی، ہپ اجنبی اقلیملرندن نقلیدایدلدیگی ایچون اولدی. اسکی دیوانلری  
یوقلاک: تورک تشبیہ واستعارہ لری عجم تشبیہ واستعارہ لرینہ بگزرہ،  
تورک سماسی، عجم سماسنہ، تورک شہری عجم شہرینہ، تورک الہامی  
عجم الہامنہ بگزرہ. هیچ اودیوان صاحب لریک آکلاندینی گی تورک

گوزلاری وارمی ؟ معاذلله بر گوزل: بر سروی، تپه سندن یره دوغرو ایی اوزون ییلان، اوڭ طرفنده ایی کان، آلتنده ییغینه اوق، یانقلری، آغزی، کوزی نصلدی؟ اونلر عقلمه گلمه یور دها بیلمه نه، دها بیلمه نه لافنی بو؟ ذوقی بو؟ اونڭ یاننده برده خلقڭ کندی دیلیله سوبله دیگی شعرلری اوقویک ده باقڭ. گوزلی دها جانلی، دها کندی یورکارندن گلدیگی گی آڭلاتمشلر. حیات ده اوپله.

اوج دورت یوز سنه لک ملی بر حیات، او حیاتک، صمیمی و روحی معکسلری هپ برتسیب یوزندن گومولوب کیتمشدر. هر ملت ماضیسنی آراشدیردینی زمان اوراده وارلغڭ تملی بولور. بز آرادینمز وقت کندی طور اغمزده بشقلرینی گوریورز. اونڭ ایچوندر که بن اسکیره ملی دوشونجهیه اهمیت ویرمه مش نظریله باقارم. مثلا فرانسر ادبیاتک اون یدنجی عصرینی اوقویک:

اوعصرده کی فرانسر روحی، احتراصلرینی، تمایلارینی، ذوقلرینی، عنعنلرینی، امیدلرینی، غایه لرینی، دماغلرینی بولور، آڭلار سکز.

اون سکزنجی عصرڭ اون یدنجی عصر دن نصل و نیچون دوغدیغی، نه صورتله دگیشدیگنی، اختلاله دوغری نصل یورودیگنی، فکری و یابس اون سکزنجی عصر دن حساس و مریض اون دو قوزنجی عصرڭ نصل فیشتیردیغی گورر سکز. بز ادبیات که منسوب اولدینی ملتک حیاتیدر، بنلکیدر.

فقط بزده اوپله میدر؟ فضولینک شکایتنامه سی، نفینک بر قاج هجومیه و قصیده سی، ندیم دیوانی ده اولماسه اودورلزه عائد همان هیج بر وثیقه من بولونمایاجق. بوصاید قلم ده نه قدر اکسک !

آه عربجه دن ، عجمجه دن تورك روحنك ، تورك لساننك  
قازانديني زنكينلاك !

توركجه نك ساده صرفنه هپ بو عربجه ، عجمجه قاعده لري جعايت  
صوقامشيدرلر ؟ « طرفين زوجين » ، « دولتين عاقدتين » ، « افاده  
تشويقيه » ، « تفيض ملي » ، « تغنيات الهامات » ! رجا ايده رم ، بزه  
هديه ايديلن مجوهرلر بونلر ميدر ؟ بزده تائيت وارميدر ؟ صفتلر مزده  
جمع وارميدر ؟ بزده مؤشلك ، مذكر لك وارميدر ؟

بو صوك كلمه بوتون اوطنه نك جديتني صارصدي . هر كس  
كولوشدي : « خاير ، توركجه ملكدر ، توركجه ملكدر » ديديلر .  
يكني لسان مدافعي قيب قرمزي ، دوام ايتدي :

حق بورزالت اوراده لري بوليددي كه دها بر چاريك عصر اول  
ابوالضيا توفيق زواللي توركجه يه يرينه كوره اسره لي ، يرينه  
كوره اوستونلي واوتره لي ، يرينه كوره حرف تعريفلي اسم فاعللر ،  
اسم مفعوللر صوقغه قالقشدي ايدى .

ايشته بك افندي ، بوگون حقمرلق ديديكنگيز حركت هپ  
عصرلردن بري سوروكلنه سوروكلنه ييغيلان غير طبيعيكلرك  
مشروع و طبيعي برعكس العمليدر .

مع مافيه بزلر اسكياكلركه او قدر چوق آليشمشزكه ، شمدي  
اونلردن آيريلق زور كليور . اعتراف ايده رم ، سزگي ده جدي بر  
تربيه محصوليدر ؟ فقط باشلانغجي ياكلكش طوتولمش بر تربيه محصولي .  
اولجوده سويليورديكيز آ ، گرچه او كلمه لر اصلاً بيانجيدر ، فقط بزم  
اولشدر . چونكه بز بونلري چوق يرده عربك وعجمك قوالانديني

معنادن بشقه معناده قوللانمشز. اونلره كندى بىلكمىزى ويرمشز .  
 بوسوزكز حقمىز دگل، وچوق شكر كه هيچ اولمازسه اوقدر بر  
 استقلاليت محافظه ايدم بىلامشز . فقط بوده بزي يته اونلر حسابنه  
 چالشمش اولمق نقيصه سندن قورتاراماز .

سزه سويله يم ! بو عجم و عرب كلمه لر ينك ويردكلى آهنگلره  
 آلدانمق ، لسانمىزى صرف بونلرله زنگينلشدردك خولياسنه قاييلمق ،  
 حسين بگك بويون باغنى ، احمد بگك پيرلانظه ايگنه سنى ، رمىزى بك  
 افنديك بونزورينى قوللانوب بنده شيق وزنگينم ديه اوكونمكه  
 بگزه ر .

ادبياتمىز تورك ادبياتى دگل، ايران ادبياتنك توركيه شعبه سى .  
 هله شناسيدن اوليكى ادبيات !

ادبيات جديده يى مدافعه ايدن بوراده خيلى قيزدى . زير اعصر لردن  
 برى آليشيلان، بىلگمزه صوقولان، بزه جدا ضرريله برابر فائده سى  
 دوقونان بر تربيه ه هنوز اورته يه قورو ، بوش اعدادن بشقه برشى  
 قوبامامش بريى تجاوز ايدىوردى . بوتون اواسكى لسانك وجوده  
 گتيرديگى خارقه لى آهنگ محقق روحنده چينلادى . اونلر اورادن  
 قوباريلير گي برشى حس ايتدى . چونكه عادتاً بر نفرتله ، بر حقارتله :  
 — اروح ياربى ! بوتون اسلاف معظمه نك ارواح مقدسه سى ،  
 عظام ريمى شو آنده بوتفوهاتنگ زه قارشى عصيان و نفرتله ايگله مكده در .  
 عوام فريبانه در اما اولسون : بسله قارغايى اويسون گوزيگى !  
 ديمشله . بوتون اسلاف چالشمسين چابالاسين ، غداى دماغ ماتى  
 احضار ايتسين . صوكره بو اوچ لسان شيرينك فيوضات حيات

بخشاشنی جامع عصاره‌بی هضم ایدمه‌مین بر قاچ صبغه سبک‌فرك  
مهجور التفاتی اولسون ! .

چو جوغم ، بزده التزامکار تجددك . هم سزلردن چوق اول !  
سزلرها بطن مادرده حتی بر نقطه دگلیکن بزم زمانمژده کی شباب  
صنعت ، حتی بزم سلف اولان نسل باربار باغیرییوردی که اسکیلر نا کافیدر ،  
سونو کدر . دامارلرنده اثر حیات یوقدر . مجرای ادبیات دگیشمه لیدر .  
بزمده عقلمز ایرمه ز دگل : شویله برماضی ادبیاتمیزی پیش  
نظرگزه وضع ایدك : سلطان عثمان زمانك اوائلنده ایشه فارس‌یله ،  
اما منحصر آ فارس‌یله باشلا یورز ، بالاخره تورکجه یواش یواش گیریور .  
فضولی آذری لهجه سیله ترنم ایدیور . دیوانك بریرنده تورکجه نك  
قدرتسزلکنه تلف بیله ایدیور .

باقیله استانبول لسانی کندینی گوسته‌رییور ، ندیمك ورودی  
افاده وروح اعتباریله ادبیاتی دها یرلیله‌شیدیور .

شیخ غالب ساده‌کی به طوضری امله یور . وقتا که شناسی یگلیگك  
علم جهادینی کشاد ایله یور ، کالار ، حامدلر ، اکرملر ، سزائیلر ، همان  
آرقه‌سندن ، نسلمز یتیشیور . شمدی ، دگل فضولیله بزم آره‌مزی ،  
حتی حامدله فکرتك آره‌سنی مساحه ایتسه گز لسان ، روح ، تلقی  
صنعت اعتباریله تعب بخش مسافله بوله جقسگیز . دیدم ایشه ،  
بزده منسویین تجددك و تجددز . اما سزلرگی ماضی‌بی تلغین  
ایدن دگل ، داتما یاد اعظمه حرمت ایدن ، اونلری برر موجودیت  
ابد زنده تلقی ایله ین منسویین تجددك . فقط تاریخ ادبیاتمژده بزی



تعقیب ایدن دور ادینک آدمی و شمار یقلر، چینگنلر، جدیتی تزییف ایدنلر دوری، اولاجق .

— مسئله او دگلمی ذاتاً؛ ترقی سزه گنججه مشروع، سزى گریده براقغه باشلاینجه غیر طبیعی، دمه نه ره، فالان !  
بزه نیچون برر خائن، برر جلاد نظریله باقارسکیز . یاشایان بر ملتک قونوشولان لسانی ألبت فعالیت حالنده در : یورور، یورور، کنیشلر، گوزلله شیر، شیقلا نیر .

فقط شمدی یه قدر ارلان لسانک، باخصوص ادبیاتک اوصاف میزه سنه باقک: روحدن قویمه برشی دکل، جعلی برحالت روحیه وار. قاج یوز سنه در هپ بو، حکمی سورمش . مثلاً فرانسز ادبیاتنه هائله لر، مضحک لر رومانلر، مزاحلر، تفکرلر، تصویرلر، تحکیه لر گیرکن و بواسوللر هرگون لسانی دگشدره رک نقطه نظری تکمیلله یرک، یگی یگی شعبه لره آیریلوب متنوع برحال آلیرکن بزده حالا معهود قصیده لر . ایچلرنده دویولمادن یازیلش، قوییه ایدلش تحسسلر، تحیللر واردی. هپ بودار چنبرک ایچنده دولاشدق، دولاشدق . روحی تحیللر . قلبی سسلر، خیالی وسعتلر یا باجغمز یرده نظیره لر سؤیله دک، نقطه سز قصیده لر، غنلر ایچون بین پاتالندق . هر مصراعدن بر تاریخ چیقاجق دیه معنایی، ارتباطی محو ایتدک . مصراعلر یابدق که کله لر طوغری او قوندینی وقت معنا چیقما یور، فقط او گدن کن کله نك صوگ حرفنی ایکنجی کله نك باشنه قورسا گیز معنا آگلاشیلیور .  
بونلر حقه بازلق، گوز بویا یچیلق دکل ده نه در!

شناسیدن صوگره ادبیات دها حیاتی، تحلیلی و ترکیبی بر شکل

آلدی. هله فیکرتلر، خالد ضیالر، جنابلر کلدکن صوکره مهم  
ترقی آدیملری آیتلیدی.

فقط حقیله دوشونه جک اولورسه گز بوگونه قدر هان هیمرده  
موجود اولان ذهنیت اسکی ذهنیتدر. یعنی روح اعتباریه براز  
یکملک گیردیه بیله کمالر حالاسکی اویغونسزلقلرینی محافظه ایتدی.  
بو، اون دردنجی عصر هجریده یاشایان بر آدمک اوتجی  
عصرده کی ییچری قیافتیه دولاشماسنه، کندینه انواب اولارق  
بو قیافه یاقیشدیر ماسنه بگزهر. مادام که موضوعده تجددا ولدی، شکله ده  
اولق لازمدی. اولمادی دگل، فقط دیدیکم کی هپ اسکی، غیرطبیعی  
ذهنیت اوزرینه.

فقط ... شی ...

— گیرگیز!

قابو آچیلدی. سیاه روباهی اوزرینه بیاض گوکسلک کچیرمش  
روم خدمتچی پارلاق برهماور کتیردی. آرقه سنده کوچو جک بر آناطولی  
قغی. قنجانلری طاشیوری.

صیجاق و طابلی چایک آرتق شو اوزون مناقشه یی کسه جگی  
امید ایدیلیوردی. ایچمزدن بری رجا ایتدی:

— وازگچیک الله عشقنه، یوقاروده خانم افندیلر بیزار اولدی.  
اوله باغیر یسورسگیز که سوقاغان یولجیلری بو اوده میراث غوغایی  
اولور صاناچقلر.

بردیگری سوزه قاریشدی:

بریره ادبیاتمیزک لافی آچیلدی. نیم خیالده کوزمک ثوکنه دیکلیر:

قوس قوجه بر سالون قارشيله ایی آینه . اورته سنده صرت صرت  
ویرمش ایی آدم . ایکسی ده کندی آینه سنک ایچنده کندی خیالنه  
سویله یور . ایکسی ده کندی کندی طرفدار ، کندی کندی حیران  
اولیور . قابوی آچانلر ایکیز بر کور واق طویور لر . فقط واضح بر شی  
آکلاشیلما یور . شونلر انصاف ایدوب ده یوز یوزه کلسه لر اولمازی ؟  
بوتشبه چوق گولوشدیلر .

بر اوچنجهی ذات ده :

— هله شو زمانده ، دیدی . transition دوره سنده می یز نه ؟  
هر طرفده مدھش بر عایدارلق . اوجانلرده بو ، قوتفرانسلرده بو ،  
دارالفنونلرده بو ، مجموعه لرده بو ، خصوصی مصاحبه لرده بو ،  
رؤیاده ده بوغالب .

جلال نوری به ، احمد راسمه وارنجیه قادار هر یازی یازان چالا  
قلم بر برینه اوروشدیریور . بونک صوکی کلمه میه جکمی عجبا ؟  
هر کس صوصدی . سکوتی یالکیز ، اشتها ایله ایچیلین مایعلرک  
شاپرتیلی سی اخلال ایدیوردی . کندی کندی : آرتق بوراده  
قالدیلر ، دیوردم .

فقط گنج محرر بکا دوندی :

چای یودوملری آراسنده نسبتاً خفیف برسسله ، گویا صرف  
بکا خطاب ایدر کی سویله دی :

— منطقا کسی بکا کی جانم : عرب چاوش کلمه سی آیر ، شیواویش  
یاپار ، قاروس کلمه سی قواریس صورتنده جمعه اندیرر . بو مشروع  
گورولور . عربک تمثیل قدرتنه مفتون اولورز . فردوسی شهنامه سی

یازار کن هیچ یر عرب کله سی قوللانماغه جهد ایتش و موفق اولش .  
نه گوزل شی ! ، دیه مدح ایدر لر ، تقدیر ایدر لر . فقط بز بونی  
لسانم زده یا بمق ایسته نیجه عننه شکنیکله ، صرفان گریز لیکله ، دها  
بیلمه نه یله ، حق صویسنز قلله اتهام اولونورز .

وصف ترکیلرک دوستی کندینی طوتامادی :

— سزک دیلنگزده فارسی قدر صاحب یسار اولسونده اووقت  
ایسته دیگنیزی یاپک . دهاپک گنجسکیز . قانگیز فضلہ قاینایور . صاعگیزی  
صولگیزی دوشونمه دن فکر صاوویورسکیز . قارشیکیزده کنه سوز  
سویله مک فرصتی بیله ویرمه یورسکیز . بر پارچه اول « بزفرانسزلر ، ویا  
عربلر کبی سونیکسلر ، بره فیکسلر علاوه سیله کلمات اجنبیه بی ترجمه لشد .  
یرمه یورز ، بیوریوردیکیز . لیکن ، دوشونمه یورسکیز که او یله سنی بزده  
یا بمشز ! « اسمر » عربجه ایکن « اسمر لشمک » طرزنده تور کجه لشدیر مشز .  
« حرص » دن « حرص لاتمق » ده او یله « جان » اسم فارسیسی « جان لاتمق »  
طرزنده تور کجه مزه کچمشدر . « پارد » دن « پارالامق » ، « پارالاتمق » ،  
« پارالاتمق » ، کبی نیجه نیجه فعللر یا بمشز .

— پک اعلا ، بزمده اعتراضز بویله لرینه دگل که ! ... بر تعبیرک  
تور کجه سی طور وروب طور ورکن مطلقا معلومات کوسترمک سودا سیله  
عربجه ویا عجمجه سنی قوللانمقده کی منطقسزلغه !

مثلا ، اویوشمق ، اوزلاشمق ، آره لرینی بولمق وارکن « تألیف  
بین ایتک » ، « قارنی چوق آجیق مق » ، یا خود ساده جه چوق آجیق مق  
دینه بیلیرکن « برجوع شدید ویا اشد حس ایتک » ، « گورولتی ایتک »  
یرینه « ولوله ساز اولمق » ، ویا مشاتمه ایتک » ! آلمانلر ، ماجارلر ،

یولغارلرکی برچوق ملتار ملی لهجه لرینی زنگینه شدیرمک ایچون قافا یورییور، تعمیر ایجادیینه قدر وارییورده بز نیچون کندیمزده وار اولان کلمه لری بکنمه یورز، یرلرینه بشقه شیئلر قوییورز. مادام کلمه لر فکر لرک بر اشارتیدر، و مادام که بر فکر تورکجه کلمه لر له سوبله نه بیلیر، خاییر، نه دن الهامی، روحنی زور لایوب اجنبی لغتلر طولدورمالی؟ -- آئی، لیکن سز لسانی عادتاً صاچ قیران خسته لغنه اوغرامش بر باشه دوندورییورسکیز. لسان ایچون یاییلا جق یاییلمشدر. لسان هر فکری افاده ایدمک بروسعت آهنگ قازانمشدر. سز اوطورکده اثر یازک. ادعا گیزه باقیلیرسه لسانده موجود سینونیم لره وداع ایتملی.

شمدی گونش، مهر، شمس، آفتاب، یاخود، چوجوق، طفل، صبی. بونلر لسان عثمانی یی اغنا ایدن شیئلردن دکلیدر؟ هانگی بر لسان دیگرده بومرتبه برکت موجوددر؟ دگز، بحر، دریا بر اثر ادبیتک صحائف گزینی ألوان متنوعه سیله شعشه دار رجحان ایدمک یسا ملیدندر.

خاطر ایچون بونلردن ده می کفید ایدم بوقدر شاه اثرک حق، قوتی یوقده یالنگز سنزک ادعالر گیزک حق وار. اویله می؟ آم، سنزک کبی معصوم چوجوقلری زهرله یین، سزه مغفل استقبال وعدلرنده بولونان منبعلر پک اعلا معلوم. برر سیاسی اجتماعه قاییلمش بر گروهمسکیز. بوگیدیش طبعی بر گیدیش دگل. صوکی چابوق کلیر. یالنگز شواولا جق که بونسل بر فترت صنعت ادامه ایتمکه چابالا یا جق.



ارتق سر بنم لسانمی ایسته دینگکنز قدر تحدیده قالدیشك : زهی  
تصور باطل ! « سويله نك باقالم .

آب پا كه وقوقه قوربغدن نه ضرر ؟

— كستاخانمی عفویكزله قارشیلایك ! ( قهقهه ایله گولدی )  
صایدینگکنز بیجمده سینونیملر اوله جفته ، اولماز اولایلر ! فرانسه زلر  
کونشله یالککنز « soloil » ، دگزه یالککنز « mor » دیرلر . بونلکه  
برابر لسانلری هیچده فقیر دوشمه مشدر . بالعکس پارسی برورانسز  
چوجوغنی دگنر کله سنی نوگرمندیگی وقت دگنر فکرینه ده صاحب  
اولور ، دگنری گورمه دیکی حالده بیله . « مادام دوراتیزبون » ك  
شعرنده ده اوکله یی بولور . ایلریده « ریشه ن » دده اونی اوقویاجقدر .  
« ده بورد والمور » دده اونی اوقویاجق . « ثوغو » دده اونی  
ایشیده جك ، « روسسو » دده اونی بولاجق ، « راسین » ده ،  
« لافونته ن » دده اوکما راست که جك . حالبوکه برزوالمی استانبول  
چوجنی دگنری دوغار دوغماز گورر ، دگنر کله سنی ایلك تلفظایتدیگی  
ساده کله لردن بریدر . اونك طالع لری ، حاره لری ، رن لری  
هرگون سیر ایدر دورر . بویله ایکن سلطانینك سکنزنجی صنفنده  
« دریای خروشان » ، « بحر متلاطم » ، « آب کبود » ، « ماء متموج »  
ترکیبلرندن هیچ برشی آگلامایاجق . مولیره ك « سغانارملی » کی  
شاشوب قاله جق . بو ترکیلر ك آره لرنده اوفاجق بر نکسته ، بر معنا  
فرقی اولسه ده اونی بز آگلامایماز ، حتی یازانلرمن بیله . چونکه  
بو ترکیلر ك قلبی ، تحلیلی برماهیقی یوقدر .

— نه بو محاکمه گزه ديه جك يوق! هاه هاه هاي! بن دميردن قاباصابا بناالشايدنه بيليرم. اونك ايجون آرابه سك، غوتيك، ايتونيه طرز معماريسي مقبول دكلدر، يوقدر، ديمك گي عبث برشي!

آغز يگزدن چيقاني قولاغكيز طوييورمي؟ بز بوكله لرله طرفاق، موتيفلري اولان برمعبد محتشم ادبيات قورمشنز. سز اوني خاك ايله يكسان ايتمه اوغراشان كفار لايقلجونسكيز! ارواح ابتدائيه گز يكي باشند خيمه عشيرته دمگذار سقالت اولمقدن غريب برلذت طوييور.

— گرچه بر بنا وار. بنده سزكله برابر بوني تصديق ايدرم. فقط بر بنا كه طوغله سي مارسيليان، چمتوسي بروكسلدن، جامي بيلمم نرهدن، قولتوقلري، قنابه لري پارسدن. سز يالكيز بر آزاره ويرمشكيز، بر آزدكل، بر چوقامك چكوب دوزلتمشكيز. شمدي يونلر بنم ابداعم، بنم اثرم دينورسكيز.

هم بز بوني ده ييقمق ايسته مه يورز. نه ياپالم شمدي به قدر ياييلمش ياييلمشدر. بليكه اونك ده برگوزلاكي واردر. وگوزله لكاره قارشى ديوار چكيله مه ز. يالكيز يونلر توركك روحنى، ذوقنى اوقشاما يور. شمديدن صوگره بزمه مونس گلفى ياباجقز. ضرر يوق ساده اولسون، بزم اولسون، سوسلى اولوب ده يابانجى اولاجفته!

— بوش ادعا، بوش ادعا. سزك توركجه گز هرارزو اولونان فكري بوتون قوت وجر بزمه سيله افهام ايدم بيليرمي؟ مثلاً، مثلاً...  
طوپلرك ولوله مهيب طراقمونى آهنگنى هايدى باقالم يكي ديديككيز

تور که گزله ادا ایدک!... ایدمه ز سگزه؟!... چونکه واسطه بیانگزده  
بو آهنگ تقلیدی بی یا با حق گوجلی، قوتلی کله مفقود دیدی.  
وبویوک بر مظفریتله گولدی.

یگی لسانی مدافعه ایدنه گولدی.

— سز آ کلاتدیکزده نه اولدی؟ بوراده ایمره ندیکگزه آهنگ  
تقلیدی مالکزدگل که اوکونه سگزه! اوشی فارسی لسانکدهاسنده کی،  
عرب کله لرینک ترانه لرنده کی بوللقدرد. بوندن بزم تور که مزه نه اولیور؟  
اوبرشی قازانما یور که.

— پک آبی «جیزداق» دن، «ایشیلداق» دن، «قونوق» دن،  
«اوطور عاج» دن می قازانیور؟ تصفیه دیه باشمزه بریغین بیجمسزلاک  
فیرلاتدیکزه. بویله شیئرلی قبولنمکدنسه اسی اجنبی کله لرینی  
استعمال ایتک اولادر.

اقلیم ادبیاتمیزک صافیتنه بو «تصفیه چی» کله لر بربرودتاضه حلال  
کتیر دیلر!.. دیدی. و او دقیقه قدر بوشدتلی مناقشه بی نیم کی  
سس سز دیگله بن... بگه دوندی. : اولماز افندم. بویله بی سرو بن  
دلی صاحب الزیله ادبیات فلان یاشاماز. موجودده منقرض اولور.  
اصل قهرلان دیم جهت اوراسی. دیدی. فقط یگی ادبیاتی مدافعه  
ایدن کنج دیگر بگک جواب ویرمه سی بیله بکله مهن، عادتا کله لرینی  
آغزنده بیر قارق شوپله سئویله دی.

— اونده برابرز افندم. و بز تور که بی مطلقه یا بانجی کله لر  
قابلی طوقالم دیمه یورز که. مونس و مانوس اجنبی کله لر آرتق بزم  
اولمقدرد. بزده اولما دجه، عریجه دن، عجمجه دن، حق فرانسرجه دن،

ایتالیانجه دن ، آلمانجه دن ، اسپانیولجه دن آله جفر . نته کیم آلمشزده ،  
اويله دکلنی ؟

فقط برییه نین غریب غریب ترکیب خالص الاری چنغرداتارق  
مطبوعاته آتیلماق ، ذوقلریمیزک قولاق زارینی پایلامق ده آرتق تحمل  
ایدیلر شی دکلر .

نه دییه جکدم ، اوت ، تورکجه نئم آنا لسانم ! فرانسه زجه یی ، نه ایسه ،  
ایی کوتو ، قیریق دوکولک مکتبلرده فلان ئوکره نمشمدر . اويله ایکن  
موسسه یی اوقیوروم ، لقونت دولیلی اوقیوروم ، حتی ورله نی ، سامه نی ،  
هانری دورنه یی اوقیوروم . آچیقجه آکلایوروم . حتی اوج درت  
یوز سنه اولکی راسینی ، قورنه یی ، لایرویه ری ، مادام دولافیه تی  
آکلایوروم . لکن شو بزم - اسکیلر برطرف - آلی سنه ایچنده  
یتشمش ضیا باشالریمیزی ، نامق کالارمیزی ، عبدالحق حامدلرمیزی ،  
حتی دها اینه جگم ، ادبیاتمیزی ائعصری شکله صوقان فکرتلرمیزی ،  
جنابلرمیزی اوقیوروم . آکلماق ایچون لغتلره باقمه ، ترکیبلری  
تحلیل اتمک ، نئم فطری ذوقده موجود اولمایان شکللری آرامغه  
مجبور اولیوروم . بوکارغما بعض پارچهلردن ینه واضح برخیال  
چیقارامایورم .

صنعتک مقبول اولماسی قاعده لرندن بری ده نه ایدی ! اثرک ذهن  
قارئی یورمقسنیزن آکلایشلیماسی دکلنی ؟ بک اعلا ، بویدی قاعده یه  
رعایت نرده قالیور .

نئری تأمین ایدم ، فرانسه زکویلیسنک لادام اوقاملیایی آکلادینی

قدر بزم لیسہ طلبہ من دہا وطن شہر قیمزی آ گلایاماز، ملتہ خطاب  
ایدن شو :

ای وطن ، ای أم مشفق ، شاد و خندان اول بوگون ،  
عالم عثمانیانه پرتو افشان اول بوگون

یتلرخی تورک روحلرینه صیغدیرا بیلیرمیسکیز ؛ بوسوزمی صرف  
صنعت ولسان نقطه نظرندن سویله یورم . یوقسه بویوک وطنپرور  
ادیبک قدسیتنه تعرض ایچون فلان دگل :

الله عشقته سز حسکزدن ، کدرکزدن بحث ایدرکن ، هیجانلر-  
گزی ، جوشغونقلر گزی آ گلایا تیرکن :

سن خوش اول ماجرای جفم گربان سویلسون ا

یاخود :

شهرت دییه دعوت مصائب ،  
اولسونی قرین رأی صائب ؟

یاخود :

اودم که لیلہ پاکیزه برقع مهتاب  
اولوب بیاض سحرله کشاده هریرده

یاخود :

سکوت متعمدنه اولوردی مست حضور ا

دیرمیسکیز ؛ اوحالده نیچون حیانه یری اولمایان افاده لری ،  
یالکیز ماصه باشنده اوزون برتقمیدن صوگره یاپالم ؟ وبو اوزون  
چالشمه مزه رغماًینه صمیمی بر جسمزی ، برخیا لمزی تماماً آ گلایامایلم ؟  
بوتون دها من ، مهارتمز یابانجی کله لر ایچنده محبوس قالسین ؟



أوت ادعا ایدیورم که بر تورک شاعری روحنک اینجه لکارینی ،  
دریند لکارینی ، ترانه لرینی فارسی شکله دوکده دن بزه عکس ایتدیره .  
مه مشدر . اونک ایچون صمیمیت ، درونی آهنگ دائما فقیر قالمش ،  
اڤی زیاده چالشمش اثرلرده زمانک هجوملرینه قارشى قویا مامشدر .  
اویله یا ! چونکه اڤ طبیعینده بیله بر غیر طبیعیک وار . هیچ عربک ،  
عجمک لسانه مونس کلن شی بزم لسانمه اونلرک قاعده سیله ا کسز ،  
پوروزسز یامانه بیلیرمی ؟

بوسیدن اڤ مکمل شعرلر مزده ده اماله لر ، زخا فلر ، تنافر لر  
کبی بر سور و پوت قالیور . روحده کی ، گوروش و دوشونوشده کی  
یاماده بشقه . چونکه لسانی ، طرز ترکیفی آنجه روحی ، ذهنیتفه  
ایسته ر ایسته مه ز ، بلکه شعورسز بر حالد تورکجه مزه نقل ایتمش  
اولیورز .

شمدی شو :

مروحه لانه مرغان

عجبا ، قوش یووالرینک یلپازه سی ، شکله ده تورکجه ، ده  
طبیعی سویله نه مز میدی ؟

برحس طبیعی به ، اوت ، رام اوله جقدر  
چوق گچمه دن اشیای محیطیه ، و هرکس :  
خاکیلره برصیت بهاء صمت مقدس  
بربارچه سکون آور آلام اولاجقدر .  
دریا ، که خیالات نجومه  
ساکین اولور مطلع و مکس

بایان ویرزک ساحل تاریک هجومه  
خوابیده آرام اولاجقدر

شۇ قىلىپ ، بوعىزىدە بىرتورگىڭ ، حساس ، بىرتورك شاعىرىنىڭ  
 غەمگىچە دوشۇنمەنىدىن بىشە بىر شىمىدۇ ؟ يوق ، يوق ، بولسا ئىز ،  
 روھىز نامە ، بىلكە ئىستەمگىزىن ئىشلەتمەش براعتىياد جىنايىتىدۇر .  
 نىزمى ، اوده بويىلە .

« قەر ئاياب بىچىرە تىزول ئىتدى ، ، سەفنىۋە فلاكتىزدەنىڭ  
 دود سىياھى سەمەي سىحر زەب آلود ئىچىدە . براستىفھام مەت كەي  
 ئىچىدە ئىدى . ،

نەرسەنىڭ ئىككى شەكىلىدە ، ئاشاغى ، يوقارى بونلار دىگەننى ؟  
 سۆزگە ، اون ، اون بىش قولايلىق جەلەلر !

بىن ، بونىقەندە دوشۇنمە بىتون سەلفىرە آجىر ! چۈنكى  
 ئىچىلەندە جەدا افتخار ئىدىلە جىك دىرچەدە بويۇكلۇقى ، قەدرلىرى  
 كەلمەش !

— رجا ئىدەرم ، او سەما قىرىب ئاھىلەر ، سىزنىڭ مەزىنچە ئىختىراغىڭىز  
 فۇقە ئىختىلايىب اولمەش سادات ادب اوپلەغەرى مەنەطفەرە فروشلىغىڭىزە  
 وگۇيا مەرحەمەت ئىشارلىغىڭىزە مەتتاج دىگەندۇر .

ئىسل شىباب حەقىقە مەجرىم موھاب الھام . يالگىز ئىشوارلىرى  
 قىسەقەتلىق خەسەسەندە ابراز رەجىھان ئىدىيور . شوبەكەنمە دىگەن  
 يازىلەر كەندىگىز گەيلىرى قارشىلاشدىر . گۈرە جەكەنمە دىگەن كە يىلدىزە  
 نەسەت شەمە سونۇلگەندە قالىرە وقالان دە بىك جەف كە ، خەفەرە قارشى  
 عوعومەلرە تەجەوزكار اولان مەجرىمە سىھىخەسىدۇر .

بوزىك باقالم ، بوزىك ! سەنەيى لىفەيى تارومار ئىدىك ! وزىلرى

محوه يلتنهك ، نازنين عروض الكزده قبا بر خدمتجي آووجندن  
 قاين بلور وازو گي پارچه پارچه اولسون . . .  
 اويله ثروتمن واركه استفاده ايمهني بيلمه يورز . بو قدر  
 زماندن بري تراشیده اولارق گلمش عروض ! آه جناب ، داوراق  
 ايام ده نه گوزل دييوردی ! حقیقت اويله در : و یقینور هوغو گورسه .  
 ایدی و بولسه ایدی جز جان ایدردی . . .  
 — بن بوفکری جنابك استه زالردن بري اولارق قبول  
 ایدم بیلیم . جناب بك بوراده چوروك ، چوروك بر تختنهك اوستنده  
 غایت اوسته لقله آدیم آتمش ، تختیه ده آياغی ده قیرمادن ایشدن  
 صیریلدیغه چالشمش . هیچ او هوغوی ، لامارینی ، آندره شهنیه نی ،  
 ریشه نی ، نره دیانی ، ورلانی فلان او قومامشیدر ؟ او قورکن قولاغی  
 آلت دویمشدر كه هپسی پازمق حسابيله یازدقلری حالد ، بوشعرلرك  
 هر برنده آیری بر آهنگ واردر .

آهنگ کله لرك نفسنده ، صنعتکارك روخنده گزلیدر ؛ یوقسه  
 عروضك دوم تکلرند دگل . عروض ظاهری بر آهنگ تأمین  
 ایدم بیلور . فقط بو ، درونی آهنگك علیمه اولار قدر . اك فضله  
 آهنگ شاعرلرمن نفی ، ندیم ، فگرت و جنابدر . دقت ایدك :  
 هپسی شخصی آهنگلرینی عروضك معین و مقن صدالری ایچندن  
 بوس بوتون صیرامامشلردر .

— اونی انشاالله آرتق سزلر پازمق حسابك میترا یوزانداخی  
 یکنساخته کی طاقیرتیلریله قورتاریرسگیز . . . آلت تخریبکزی  
 هموره ادبیاتمز اوزرینه چه ویردیکیز . شمدی طورمایك ییقك !

— نەدن حدت بویوزیورسکیز. اوده چوق آهنگسز گیور .  
چالیشیله چالیشیله آلبت اویغون برشی بولونا جق . صنعتکارلر کلدکجه  
صنعتلرده طوغار .

— ایش اویله دگک عزیزم، اویله دگک! سز ماضی نی تا کوکندن  
قلع ایتمگه اوغراشیورسکیز . ویا دیفکیز شیئده « ملی » اسمی  
ویریورسکیز. اسلاف « ملی » چرچیوه سی داخله ادخال ایدله یور .  
حالبوکه ملی دیه اویغورک ، تانارک بنم وارلغمه اویمایان نه سی وار ،  
نه سی یوقسه دولدوریورسکیز . مثبت وطنی ترنم ایتمه یورسکیزده  
« بوزقورت » لره ، « آلاکیک » لره ، « آلانغویا » لره قوشیورسکیز .  
یا هو، بونلر بگا نه سویلر ؟ فضولی بنمدر، نفی بنمدر. قصورلری ده .  
اولسه بونلر ملیدر . خالد ضیانک کوچوک حکایه لری ملی دکلیدر ؟  
ملی یالکیز طوب و تفسکدن ، جنک و آشوبدن بحث ایدن صحیفه لر می  
اولاجق ؟ بوگون موجود زمهریه تعلقی اولان هر جزء ، ملیتک  
برفرعیدر ! اوندن بحث ایتمک ده ملی بر اثر یاقم دیمکدر .

— ماضی یی ییقمق ایسته مه یورز . قاچ دفعه سویله دک . فقط  
ماضینک کفایتسز لکری نه ، جعلیتلری نه آرتق نهایت ویریورز .  
دیدیکیز دوغریدر. اک ملی ادبیات ملیتک ایچنده موجود حیاتک  
معلکی اولان ادبیاتدر .

بویله دوشونجده ینه بزدن اول گن نسل ملی اولما مشدر .  
دییه بیلیرز. برکره لسان اعتباریله نه قدر یگی شکللر کتیرمش اولسه نر  
اساسلری ینه ارثی معلولیتک دوامیدی . یگی صنعت شکلری کتیردیله ؛  
روح اعتباریله تجددلریایدیلر . فقط اورتیه قویدقلری اثرده بوملک عادتلری ،

تمایللری، بئیلگی، غایه سی اکیسکیدی؛ بوغملکتک رنککری صولوقدی. ایشته یگی مکتب لسانی، شکلی و روحی اولان بوا کسککدن دوغدی. دها زیاده بئیلگمزه یاقلاشدی. سز لر بونی غیر طیبی بولورسکیز. بئسه غایت طیبی کوریورم. اکثریا خلف مکتبلر، سلف مکتبلرک اکیسکندن دوغار و بوسورتله ادبیات زنجیری، بزمه قویدیغی ادعا ایتدیککیز گبی پارچالانماز، اوزار.

ماضی یی تا د کوکندن قلعه، اوغراشمق ادعایی برنوع دلیدکدر. بونی بن و بنله برابر گنجک قبول ایتمز. فقط سز. گنجک برشی یامایور دیرسه کز، ترقی یی نهایت کندیگره انحصار ایتدیرمش اولورسکیز که بو برتهلکدر. رامبران کلدی دیه رافائل موزه دیوارلرندن ایندیعی؟ وان دیق وار، له ثنار دووینچی اولاماز دینیری؟ لوی قاتورز اصولی موبیلیا وار، آمپر اولماز؛ آمپر وار، موده رن ستیل قبول ایدیلر دینه بیلیری؟ بلکه اسکی شغشه کیتدکجه ساده لشمشدر. ویکسی اسکی قدر کوستریشلی دکلدر. لکن هر حالده موده رن ستیل دیگر طرز لر نظر آ انحطاط نمونه سی دکل، بالعکس متمادی بر فعالیتک تاریخی و تکمیلی بر شکلی گبی قبول ایدیلر. اونک گبی فضولی ده، باقی ده، نفی ده، کالده، فکرت ده مکتبلر مزده اوقوتدیریلر. روحلر اوزنده بدیی ازلر بیر اقیار بدیته قدر کله جک شکلر اولر کسکندن آری اولاماز دکل آ. شیللر «یاشایانلرک حق وار، دیمش. بوگون بن یاشایورم، بنم حق وار. بنده او حقمده استفاده ایده جگم. بونده مضر، مهلك نه کوریورسکیز؟..

— جانم طیبی، هر لسانله اوتنه بری برشی یاییلا بیلر. فقط



شو ترا کب و صفیه دن تصنی ایتش بویوردیفکنز لسان، عجیب و مزعج  
بریکرنکی ایچنده تعب بخش اولاجق ! هله یارمق و زنیله یاییلان  
منظومه لر !

موسیقی به باقیکنز ! بارلرده چالینان عادی هوالرده وار، فاووست  
کبی پارچه لرده وار . شوپن کبی ، به توفن ، واغنه ر کبی فلاسیقلر ،  
کوجا لرده وار . اصل معرفت اوکوجا لرینی آکلایه جق قدر یوکسله  
بیلیمکده و اوکوجا لرینی ده یابا بیلیمکده در . سزک یایمق املنده اولدیغکنز  
ادبیات مخیله ویا دوغریجه سی شعر موهومده قولای آکلایشیلوب  
چابوق قبر نسیانه دفن اولتان جنسندن اولاجق ! یعنی بار چالغیسی  
قیلندن برنظم و شعر اولاجق !

— عزیز بکم ، بک آچیق آکلایورم که بزکوجا لگک معناسی ده  
بک کوچ آکلایاجقز . طوضری . قافه شانتان هواسی ده وار ،  
واغنه رک ، شوپنک ، بسترلی ده وار . فقط بونلرک هرایی دورلوسی ده  
اوقتاودن چیمشدر .

مثلا واغنه ر داهیانه موسیقی سنی ابداع ایتک ایچون « دو ، ره ،  
می ، فا ، صول » دن بشقه سکزنجی بر فام ، سکزنجی برسس دها  
یارا تماندی . بویله بر بوش شی آراما . ی . بوتون روحنی اودو ، ره ، می ، فا ،  
صول اوزرنده ترنم ایتدی . شوپن ده او یله . بونکله برابر هراییکی سینگ  
موسیقی سی آره سنده مدھش فرقلر واردر . چونکه صنعتی تلقیلری ،  
تریه لری ، حساسیتلری ملیتلری ، میللری بشقه در . دیمک ایش صنعتکارده .  
حالبوکه بزم ادبیاتمز سکزنجی دگلده ، دو قوزنجی فام تحریرسینه  
چیمشی بر صنعتکار چراغی حالنده ایدی . نه وزن بزم ، نه کله لر بزم ،

نه رننگار بزم . اجزاسی غیرطبیعی اولان برکلك طبیعی اولماسنی التزام ایتمه نك معناسنی آکلا یامام .

فقط نه یالام ، بالخاصه بزم ملکت مزده اول گنلر صوکره گنلری هروقت کوچوک واهمیتسنز گورمشلردر . نه بئس وار ! بز غایه مزه دوغری یا قلاشیرسوق برکره ملتک روحنی ترنم ایتمش اولاجقز ، شمیدین صوکره برتورک رومانی ، برتورک حساسیتی اولاجق ، برتورک شعری ، برتورک حساسیتی اولاجق ، برتورک صنعتی اولاجق . بودقیقه یه قدر جدی کتابلردن برتزیفله قوغولمش ، اودرلو کتابلرک اوندی بریری بیله طوتامامش تورکجه کلملره ، آهنگ قوت وشمول گازاندرمش اولاجقز .

— بونلر سفسطه در . بزایش کورمک ایسته رز اورته ده اثر اولمی !  
— بوندن دها بویوک اثرمی ایسته یورسکنز ؟ بوگونه قدرته لیدی اولان ادبیاتمز ، شعورسنز اولان لسانمز بوگوندن اعتباراً شخصی و شعوربدر . برسطریازی بیله اولماسه بوفکر استقبالك یولنی نورلاندران کونیش دگلمیدر ؟

ترکیملری مدافعه ایدن (....) بک ، ینه دیگر بک دوندی :  
— سفسطه ، سفسطه ، اولیه دگلمی ؟ نه دیرسکنز ؟ سفسطه .  
دیدمی اوده فیکرنی شو صورتله سویله دی :

— بجه مناقشه کنز هپ شکل اوزرینه جریان ایتدی . صنعتک واسطه لرندن بحث ایتدیکنز . سرعتکنز آره سنده اصل ذوق ، روح طرفنی اونوتدیکنز ، یا خود پک آز دوشوندیکنز . اونک ایچون ایکی طرفه ده اعتراضلرم وار . مساعده و پررسه کنز حساسلریمی قیصه جه

آكلاناييم . مثلا ... بلك ديديگي گي اسكيلر ساخته ، صني ، ملي  
 حسه يابانجي ، بناء عليه دگر سزدر ديمك براز مبالغه ايجه طرفكيرلار  
 ايتك اولور . بو « هريگي مطلقا گوزلدر » ديمگه يقين برشي دركه  
 دوغرو دگل . نجه بوگون يازيلان پارچه لردن دها يگي ، دها نفيس  
 يازيلر واردركه بوندن ايكي يوز ، اوچ يوز سنه اول يازيلشدر . لسان ،  
 موضوع اعتباريله تماما اسكيمشدر . حق ، ايته رسه گز ، يابانجي  
 منبع لردن صدور ايتمشدر . فقط بوتون بوقباحترلك ايچنه اويله قوتلي  
 بروح ، اويله آيري برذوق ، اويله نفيس بر شخصيت كيرمشدر كه  
 اوني هروقت تازه بيراقاقدردر . مثلا : ليلي و مجنون ، مثلا حسن و عشق .  
 ليلي و مجنونك ، هپگز بندن دها اعلا بيليور سگز ، موضوعي تورك  
 دگلدر . لسانی درت يوز ، درت يوز آللی بيللق لساندر ، همده آذري  
 لهجه سيله . فقط ، بنم ايچون ، بر نقطه نظاردن ، ليلي و مجنون بوگوندي  
 يگي واسطه يله بريگي تلقيله يازيلان شعرلرك چوغنه مرچدر . زيرا  
 ايچنده ياشايان فضولينك درين ملالی ، حزن درين سه زيشی و آكللا-  
 تيشيدر . ره می دوغور مون بر کتابنده ديركه : تراژدیلرینك بوتون  
 موضوعلری یونان ادبیاتندن قوییه ایدن راسین ، دگل موضوعی ،  
 حق هر جمله سنی بيله يگيله شديرن ، حق ايجاد ایدن موپاساندن دها  
 اوريرينالدر . ه اسكي شاعرلر مزدن اويله لری واركه شاعرلك اعتباريله  
 يكيلره چوق ترجيح ايديلير . بيلمه كه فيكرت ربابنسنده ، نديمك  
 ديواننده اولديني قدر قوتليميدر ؟ نديمك دورندن بزه عكس ايتديرديگي  
 روحله ، فيكرتك عكس ايتديرديگي روح عيني قوتنده ميدر ؟ بوننگله  
 برابر گررك فيكرت ، گررك جناب بزه دها يقيندر . لسان اعتباريله ،

صنعت واسطه لرېنك حدودېنې گنېشله تمك ، يگېله شديرمك اعتباريله  
فكرت و جناب البته فضوليدن ، نديمدن ، غالبدن ، حق حامد دن  
پوكسكدرلر . صوگره بوگون شكل اعتباريله تماماً پارمق حسابنه ،  
تركيبسز لسانه اويغون برشمر يازيليرده يگې اولماز ، بالعكس نديمي ،  
فضولي يي تقليد ايدن اسكي شكل يي برشمر يازيليرده يگې اولور . نه دن ؟  
چونكه برنجيسي بشقه برروحك ايزلري آلتنده غيب اولمش برآدمدر .  
شكلى نه قدر دگيشديرسه ينه ضعیف ، ينه ضعيفدر . اوبري بشقه لرېنك  
شكله گيره ، اونلري تكرار ياراتا بيلير ، كندى شخصيتنك ذوقى  
ياپار . او آدم دها يگيدر . صوگره بعضيلري آچيلمش يولده دوام  
ايدرده ، يول آچنه چاپشانلردن دها قوتلى صنعتكاردر . مثلاً احمد  
هاشم له محمد امين .... ديمك ايسته يورم كه اسكيلر قنادر ، چونكه  
لسانلري زوردي ، صنعت واسطه لري محدودى ديمك مسئله يي تماميله  
حل ايتمز . مثلاً نفى ديوانى عثمانى سلطنتنك سسيدير . فقط ،  
نبيله يم ، برسيرت ، برسعاد ، بررجائى زاده اكرم بويله برشى دگلدرد .  
بعضى يگيلره ، بو قدر واسطه نك ايچنده روحلري آزدييه آجيرم .  
نصل كه اسكيلر ده بو انگين روحلى آدملر اوقوتلى واسطه لر ايچنده  
كولونچ اولاجق قدر دار آلوب بوگالمشلردر ، دييه آجيرم . بوننگله  
برابر نفى سيرتدن ده ، سعاددن ده مليدر . مثلاً فكرت امين بكدن  
دها مليدر . ليكن امين بك بوتون شعرلرينى مى جسه حصر ايتمشدر .  
فكرت مليدر ، چونكه صنعت تربيه سنك طرزنده ، دويوشنك  
ودويوروشنك طرزنده بو طور اعلك محصوليدر . حالو كه امين بك  
ملتيوردر . ده روله د وطن شعرلري يازدي . اوگا د مى شاعري ،

دیمه دیلر ، « وطنپرور شاعر » دیدیلر . « موسه ، وطن ایچون هان  
 هیچ برشی یازمادی . اوکاء ملی شاعر ، دیرلر . « وهرلن ، ده  
 اویله . صفقری فرانسز اولان شاعر لر ملی دیورلر . سوزی ،  
 اثری فرانسه دن بحث ایده نه دگل ! ایشته ملی بحثی بن بویله  
 دوشونیورم . یکمک بحثی ایچون ده دوشونجه م بو طرزده در . مثلا  
 ژان موره آس ، بریونانی ، فرانسز ادبیاتنده « قرون وسطا فرانسز  
 ذوقی ، تکرار یاشاتمق ایسته یور . اوزمانک کله لرینی ، اوزمانک  
 طرزینی ، یالکڑ کندی شخصیتنک ، کندی ذوقنک ایمیکندن  
 صیزاراق میدانه چیقاریور . او ، گوروش ، دیوش اعتباریله  
 فرانسوا قوپه دن یگی تلقی ایدیلور . بزده ده رضا توفیق ، یحیی کمال ،  
 فاضل احمد اکثریا بویله دگمیدر ؟ شو حالده شکل اعتباریله یکمک ،  
 دائما روح اعتباریله یکمک دیمک دگلدر ؛ روح اعتباریله یکمک ده  
 دائما شکل اعتباریله یکمک دیمک اولمادیغی وبونی بویله جه آکلاتقدن  
 ادبیاتلرک جریاننه ذوقلرک جریاننه ده باقمالی یز . هر نسلک کندی نه گوره  
 تمایللری واردر . بول بورژه بر تدقیقنده ادبی نسللرک یگریمی سنه ده  
 بردکیشدیگنی مثاللرله پک کوزمل گوسته ریور . شمیل فاکه بی  
 اوقورسه کڑ موجود ذوقلرک زمانه ، چوق تکرار ایدیلرکله براز  
 اوصانچ ویردیگنی ، ابدی اولان صنعت حسنک یگیله شمک ایچون  
 عکس العمللر یاپدیغی قولایجه آکلار سکز . رومانیتزمدن ره آلزیمک  
 چیقیشی ، ره آلزیمک نانورالیزمه و امیره سسیونیزمه تشعب ایدیشی ، بوتون  
 بونلردن بسیقو لوژیزمک ، نه اوره آلزیمک میدانه گلیشی ، صوکره شعرده  
 لیریزمدن ، پارنا-یزمه ، پارنا-یزمدن ، سه مبولیزمه کچیش هب ابدی



صنعت حرڪتنڪ مختلف صفحه لريدڙ؛ دورلو جريانلرله دائما مقدر  
استقبالنه ڪيديشيدر. بومعظم حرڪتده بر صفحه نڪ بمضاً ايڪي دفعه،  
اوچ دفعه مختلف تحوللرله تڪرار جانلانديني گورولور. فرضا فرانسز  
ادبياتنده رومانيزم ۱۶۳۰ ده باشلايور، صوگره ۱۷۵۰ ده تڪرار  
باشلايوب ۱۸۵۰ به قدر سورهر؛ ده صوگره صحنده ناتورايزمدن  
بيقيلدني بر صروده ادمون روستانه ينه جانلانيويرييور. بناءً عليه  
(...) (ادبيات جديده مدافعه خطاباً) بو حرڪتنلڙ بزم ادبياتمزدده  
اولماسي چوق تمي ايديله جڪ شيذر. اسڪيلرده نسللردن نسللره فرق  
اولقله برابر (مثلاً فضولي، نفي، نائي، قديم، نديم، شيخ غالب  
بر برلرينه روح اعتباريله هيچ بگزمه زلر. هيسي ده ديوان يازديني  
حالده) بوايزلر غايت آشكار دگلدی. غريله تماسه باشلادقن صوگره  
بزده اولنلڙ تلقيلرندن، يازيلرندن متأثر اولدق. ادبياتمزه ونسللره  
تنوع ڪيردي، ذوق صيق صيق شڪل دگشدير مگه باشلادی. بالخاصه  
بزده حل ايديله جڪ لسان مسئلہ سيده وادي. شوخالده حامد  
ياشارکن بيله شڪلنڪ اسڪيديگني گوردي. خالد ضيا، جناب  
شهاب الدين ده اويله، فڪرت ياشاسه يدي اوده اويله اولاجقدي.  
يندگمزي تاسيسه دوغرو آتديغمز بو آديملر شهنسازومليدر.  
ادبياتمزلڙ حياتده اولديغنه بر داييدر. طبعي هر دگيشڪلڪ بر چوق  
گورولتولره، بر چوق حقسزلقلره ميدان آچيور. فقط بوبولانقلقلر  
دوروانچه حرڪت ڪنديني گوسته ريريور.

بوگون دويغو اعتباريله برصنئده غايه اعتباريله برخالده اديب،  
برخالده ضيادن غايت صريح آريليور. لساننده بگزمه بيله . . .

بر محمد امین ، بر فکرتدن تمامیه آریلیور . محمد امین انسانی موضوعلرنده فکرتدن متأثر اولسه بیله ... صوگره سیاحتنامه طرزنده فالج رفقی جنابدن اوتیه یگی بر آدیم آتیلاجفی سه زدیوریور . یعقوب قدری نثرک شکلدن روحه دوغرو کچدیگی ، قاورانامسی کوچ اولان درونی عالمی قدرته سه زیوریور سه زدیوریور . عمر سیف الدین حکایه نك قورولوشی ، آکلاتیایشی ، موضوعلری اعتباریه بریکیلگه گیدیوریور . رفیق خالد لسانی ، گوروشی ، گوسته ریشی اعتباریه چوق قوتلی بر یگی حمله گوسته ردی . بونلره باقق ، بوگونکی نثرک ، بوگونکی موضوعلرک سلفلرندن آدم عقللی آریلیدیغی ، بشقه بر عالمک یگی بر بهاری باشلادیغی گورمک دگمیدر ؟ شعرده یچی کمال اسلوبیه ، گوروشیه ، دیوشیه یگی بر شخصیت دگمی ؟ احمد هاشم ، امین بلند رنک لک سیال گوزلاگی سلفلرندن بشقه بر ذوقله قاورامایورمی ؟ یوسف ضیا ، ا . سینی لسان ، وزن اعتباریه ، یگی واسطه لک ایچنده یگی بر روح بولاجغه بکزه مایورلرمی ؟

شوخالده ، تکرار ایدیورم . تورک ادبیاتی یگی بر صفحه یه گیرییور . بونک ایلک ایزلری گورولور و امید ویریور . بویگی حرکتک شخصیتی ایسه زمان عمومیه سیله اوتیه کیلردن بوسه بوتون آیراجقدر . اونک ایچون بئم نظارمه اسکیلر بوشدر ، غیر ملیدر . یاخود یگیلر ادبیاتی محو ایدیور . سیاسی منفعته خادم اولویور سوزلری ، صرف صنعت نقطه نظرندن اوقدر قوتلی شیئرلر دکلدر . هرادی نسلک سیاسی تأثیرلردن قورتولمادیغی آشکاردر . اون یدنجی عصره اون دردنجی لوی عصری دیورلر . اون سکزنجی عصر اختلال حاضرانی

عصریدر. اون دو قوزنجینک باشلانغیچى غیر اندیش-لک دوریدر،  
 صوکره ۸۷۰. مغلوبیتنک بدینلگی عصریدر دیوانلر مزده، دورلرنده کی  
 پادشاهلرک ایزیدر؛ شناسی دوری، تنظیمات حرکت سیاسیه سنک تأثیری  
 آلتنده در. ادبیات جدیده سلطان حمید دورینک تأثیری آلتنده در.  
 رباب حمید دورینک تمیز، انسانیته پرور بر روح اوستنده بیراقدینی  
 تأثیرک تاریخیدر.

روس ادبیاتنک بوگونکی روحی، سیاسی، دینه بیلیر که تماماً  
 چارلغک صنعتکارلر اوزرنده بیراقدینی تأثیردر.

اسی صنعتکارلر مزده وطن حسی، ملیت دو یغوسی، یاخود  
 ملیک یوقدر دیمک، نجه اوقدر دوغرو دگلدرد. نامق کالک آتشین  
 صیحه لری، حامدک روحی مجادله لری، فیکرتک جسور لغتلی،  
 اوراق ایامک سوسلی دوشونجه لری؛ بونلردن اول شناسینک یگملک  
 عشق ویرن یازیلی؛ ده اول ندیملر، نفعیلر، باقیلر، هپ ملیت  
 دیدیگمز شیئی، بر چوق تأثیر آلتنده، مختلف شکلدرده و مختلف  
 زمانلرده عکس ایتدیرمشلردر. فقط... بگک حقلی اولارق سویله دیگی  
 گبی اسی عربی، فارسی ترکیلر بوگونکی ذوقه غریب گلیور.  
 چونکه عصر ساده لکه، وضوحه دوغرو گیدن برعصردر. وتأثیری  
 هرملکتک صنعتنه تشمیل ایتشدرد. بناء علیه بوکوندن صوکره لسانه  
 ترکیلر، اساس اولارق، حاکم قالمایاقدرد. یگی نملک اونلری  
 بوسبوتون آتمش اولماسی ده بوکا بر دلیلدر. بلکه، سویله دیگمگز  
 گبی لسان آهنگندن غیب ایدیور. اسی قیمتدار اثرلرک اوقونامق  
 تهلیکه سی باش گوسته ریور. فقط اوکا مقابل لسان، احتمال آهنگ

جهتدن غيب ايتديگني روح ، وضوح ، معنا ، شمول جهتندن قازاناجقدر . اولكيلرده ينه تحصيل سايله سنده اوقونور ، دويولور ، سهويلير . بوگون رابله نك ، مونته نيك رونسارك ، ماله لايك فرانسه ده اوقونديني وسهويلديكي كئي ..... .

ايسته بن بويله دوشونيورم . ديدى . آياغه قالدى . هر كس آياغه قالمشدى . ساعتلرينه باقدقلى زمان خيرتلرده قالديلر : گيجه ياريسنى بر ساعت وبرقاچ دقيقه كچيوردى . مناقشه بيترمى هيچ ؟ هانكي مناقشه ده ، كيم ، يگيلديگي تصديق ايتمدر ؟ بلكه ايكيلى بردن صوڭ قونوشانه اعتراض ايده جكلردى . زيرا باخصوص ايكيلى ده مهرردى . ايكيلى ده اوقويان ، ايكيلى ده بگنن قارئلر زمزمه سنى واردى .

قاپودن چيقاركن ايچمزدن برى قوتلى برقاعتله ديدى كه :  
— بگلر ! ادعائى زمان حل ايدر . حقلى ده اوگوسته رير .  
كچلرده فاضل احمد نه ائى سويله مشدى .

هر شئي ياپوب ييقان اودولگر ،  
هر شئي سيلوب بوزان او سونگر .

صوڭ

# فهرست

صفحه	
۵	لاله دورنده سعد آباد آقشاملری
۱۳	طویقپو سرایی، حرم دائره سی
۲۸	یانغین
۳۷	جناب شهاب الدین بك
۴۵	رضا توفیق بك
۵۴	سایم سری بك
۶۳	سلیمان پاشا زاده سامی بك
۶۸	نكار بنت عثمان خانم افندی
۷۹	روایده تعشق
۹۰	تراموایلرده
۹۹	دوقمزه دائر ۱
۱۰۶	دوقمزه دائر ۲
۱۱۴	دوقمزه دائر ۳
۱۲۴	دوقمزه دائر ۴
۱۳۹	بر مباحثه




















3 1761 07434945 7

AC  
141  
U45  
1919